



河套志

卷一至

卷四

河套志序

臨川李

紱撰

三代而下威德之廣無若漢唐而唐尤盛安東安西安南安北四都護之設相距各萬餘里而宋與明失之南失交趾受害猶未劇南故弱也東與西裔外之強皆依乎北北故強不可失且不獨北強地亦饒也故肅宗中興實基於此自唐末以拓跋思恭鎮夏州奄有銀夏綏宥靜五州之地又以功賜姓李蓋盛以強至元昊遂稱帝與宋相終元始復為王土明天順六年毛裡孩等復入牧日新月盛邊患乃有不可言者豈細故哉其地三面距河明稱為河套蓋河自寧夏出口北行千里折而東二千里又折而南千里乃

入內地土地肥美溝澮井疆比於江南東連偏關西接賀蘭此地  
安則東與西皆可無患故曰東與西皆依乎北也我

國

家威德之盛遠過漢唐而北方訖暨尤遠長城而外東西萬里為  
蒙古四十八家蒙古而外為喀爾喀五十三家拜除黜陟同於內  
地自古以來未之有也河套之地雖為鄂爾多斯所有而奉法唯  
謹罔敢越尺寸志其地與否視古為稍緩然事勢亦有殊於前古  
者今蒙古與喀爾喀號為循善而循者多弱善者不競西北厄魯  
特準噶爾頗為桀黠昔噶爾丹偶逞狂謀喀爾喀蒙古諸部落披  
靡莫當脅從甚衆聞

聖祖仁

皇帝親征然後反正則循善者殆未可恃矣河套地四面折算約

國廟

方三千里土地之美可耕可牧鄂爾多斯不能收其利也

家取為屯地則猝遇軍興歲省金錢百萬

堂之計孰大於此陳君執夫故名家子昔嘗監司其地乃約古今沿革戰守利害薈為一書其用心固已遠矣抑吾尤有慨者明自正統以後武備不修邊防日弛患不獨河套而套為甚橫覽二百餘年間惟王襄敏紅鹽池之捷差強人意佗若李文達主楊琚之議而三帥不行楊文清請復受降三城而阨於璫瑾至夏文愍曾襄愍河套之議既已上愜宸衷功亦垂就而蒼蠅黑白頃刻而變卒以身殉谷民所謂九重廟算忽智忽愚豈不信哉蓋千古來任事之難如此屬陳君走仟千里請叙其書為之掩卷而三歎焉世

之人幸無忽視之也

序

宜興儲大文撰

執夫陳君嘗分巡寧夏寧夏東四十里橫城東即河套境洎寓秦  
纂河套志一卷此君克勤其官之符也予爰序之曰要哉言乎雖  
夏州暨六州圖經不是過矣夫明人議河套疏無慮百十家然而  
河套訖棄既棄而訖不克復者繇圖志胥佚無可考覈故也今君  
是志自周朔方南仲建城秦蒙恬收河南地以陰山為塞置新秦  
中四十四縣涉臨河適戍以充實之王恢曰壘石為城樹榆為塞  
匈奴不敢飲馬於河漢衛青收河南地置朔方郡隸三封修都朔  
方臨河呼酋窳渾渠搜沃野廣牧臨戎十縣募民徙者十萬口復

置南部都尉治徙山東貧民於關西北地朔方新秦中七十餘萬  
口主父偃曰河南地肥饒北阻河請城之省轉戍廣中國攘外之  
本也蓋經畫河套之首議也後漢朔方郡隸臨戎三封朔方沃野  
廣牧大城六城而度遼將軍跨河為營以控制河東西晉朔方郡  
廢赫連夏建統萬都城北魏置夏州度河北列六鎮北周置朔州  
隋置勝州榆林郡而豐勝夏三州間畫河為固以居啟民唐朔方  
軍經畧軍轄六胡州而度河北列三城設紇那牛心山諸戍千八  
百餘所後置夏綏銀節度使拓跋思恭遂世有銀夏綏宥靜五州  
地通典曰太宗納溫彥博議置突厥餘種於河南朔方之地元和  
志曰高宗調露元年以降突厥置魯州麗州含州塞州依州契州



以唐人為刺史謂之六胡州武后長安元年並為匡長二州中宗  
神龍二年置蘭池州都督府分六州為縣元宗開元十年復置魯  
州麗州塞州遷北人於河南及江淮間二十六年還所遷北戶置  
宥州宥州本漢三封縣地天寶中改寧朔郡後寄理於經畧軍憲  
宗元和十五年復置宥州於長澤縣宋雍熙中廢夏州後熟番來  
義二族居之訖並於夏而唐龍鎮終靖康時為市易地元豐志曰  
唐龍鎮地勢險峻東至黃河二十里河東曰東纏河西曰西纏騎  
兵所不能越金取宋八館舊地元廢宥州至元八年立西夏中興  
行省以棧之明棄東勝而守綏德後又舍綏德而守榆林棄河套  
於外寧夏反在其北孝宗十四年北部遂駐牧不復去班絕域矣

此胥志所編錄也。繇朔方郡度河東經五原雲中境，又東南經雲中，稭陵縣南，沙南縣北，河東屈西南，過沙陵縣西，又南過赤城東，又南過定襄桐過縣西，河流二縣之間，以達西河。繇賀蘭山尾度河，遙接陰山之高闕，陽山、馬陰山、陶山、鍾山，凡昔號陰山，今號大青山者，且不翅千里有奇。又屈南經赤石山麓而入偏頭之連山，削壁保德之天橋，峽石州之孟門山，以達龍門，而浮轉運載筆寫契之材，木暨豐州板升粟米者，此又河套三面形勢，而臨河指畫以藏是志者也。夫明人棄東勝，又棄河套，築大邊城，王瓊又棄徐廷璋，黃河石嘴之墻，蹙地二百里，秦紘、徐斌水青沙峴之墻，號為二邊者，又復久已湮沒，不少存形迹，惟恃楊一清西距河東，接大

邊之橫城墻裁四十餘里王瓊之西距乾澗乾溝北過定邊又西  
過花馬池又西過興武營北接新邊墻二百三十餘里唐龍之改  
築定邊花馬池墻四十餘里劉天和之北起乾溝西過乾澗接二  
邊築城六十餘里凡三百里暨余子俊榆林鎮中路東路之舊邊  
墻而鹽沙浮壅大率如定邊營南北二沙比以此明邊患彌深而  
河套圖志之宜考覈也尤亟今君是志其編錄河套者曰河套東  
西袤長二千里南北廣八九百里首尾或五六百里或三四百里  
河水三面灣環差類河州莽刺控工二川小套而雄澗且倍蓰之  
山有犁元麥塲海子牛心駱駝擡甕石崖沙嶺川有紅鹽池長鹽  
池舊花馬池月兒海北海子川海子葫蘆海鴛鴦湖咂把湖又罕

腦兒可可腦兒固水紫河鮮鮑河石崖河佛堂寺溝野馬灣那諾  
井故城少存形迹者有唐龍鎮麟州故城連谷城銀州故城金肅  
城連城武花城尅留運城林州城紅子城黃羊城古城子白城子  
交城子忻都城石窰川城义罕腦兒城峰城兒省菟城又有耿波  
黨把漢波黨佛堂寺狄青牢石牌樓此業已舉其大凡矣迺若東  
繇紫塞城經黃甫川太子灘娘娘灘以達偏頭之唐家會渡奇嵐  
之樓子營西入紅山堡以達橫城堡鎮遠關而并循河西岸以達  
賀蘭山後南繇那諾井可可腦兒南入花馬池鹽場堡定邊營以  
達乾澗乾溝而環慶平固固不可達又東由忻都城南入宋栲栳  
城兀刺城保安軍以達蘆關又東繇白城兒南入紅山市左右而

西越無定河以達魚河歸德大川之衝東達榆林鎮之城東紅山  
城下海子寺又東繇邵家梁臺夔山迤東南繇飛鴉川間道取萬  
戶路以北達宋麟州今神木縣永興堡地北繇君子濟盛樂渡以  
達大小紅山口蚰蜒徑蜈蚣壩筆寫契襖兒都司此又河套回至  
八達之樞要而熟繹君志可以旁推交通者也又若繇黃河石嘴  
西岸經石臺瓌洞黃羗頭灣雙河堡沙棗樹白塔而達船站又繇  
船站經歐德而達達希圖垓又繇達希圖垓經克特之東垓拉圖  
薩爾奇拉崇奇克庫克布里圖阿拉克莫里圖布祿兒托而達鄂  
爾博爾阿博又東繇鄂爾博爾阿博經達拉布隆布古圖薩察莫  
都回哈拉吳素都勒而達烏蘭托落海又東繇烏蘭托落海經特

木爾吳爾虎烏蘭諾爾紀特庫而達哈喇烏蘇又繇哈喇烏蘇經  
鼐珠爾而達哈喇蘇巴克以北達喀喇蘇巴而達宣化南達偏頭  
以西達葭州東達老營堡了角山右衛而北繇白道黑河以達大  
青山者此又以黃河故道計水程而隔河套境即可步量也夫君  
子濟盛樂渡燕魏所交爭也河清軍金肅軍則遼夏所交爭也夏  
州城則齊神武自北水攻之蹟紅鹽池則王威寧自南夜襲之勳  
也舊花馬池舊邊大塞則又本築於余青神而棄於王晉溪者也  
迺若志析支城渠搜城則可參禹貢之注志沙南則可正懷仁志  
之譌虞青白紅白之易濶則志紅鹽池長鹽池虞套馬駕下之說  
則志紫河馬虞前強後弱之說則志套馬慣射兔地煖宜畜駝而

麥梁山鉄以為兵河柳以為笥虞易取難守之說則志赫連夏蒸  
土築城暨秦漢諸故城以破土淺沙深之疑又志紅柳材用沃野  
桔藁而并志黃羊青羊魚諸物產虞趙元昊芟草之策唐襄文火  
攻之辯則志芟苦草酥油草白茨什把以裁其利用虞唐于將作  
議造戰艦教水師之難成則志北魏旌旗樓櫓暨洛京材木盡出  
陰山者而尤嘆寧夏水工之果為天下長技也然則葉文莊之議  
河套無庸復余青神之報榆林工翁襄毅之駁復套議其識慮實  
有所不逮而宜偕漢主父偃之議夏胡義周之頌統萬都城北魏  
元暉業之議經畫六鎮酈道元之註水經北河唐張燕公之碑薛  
訥裴行儉呂溫之碑三受降城盧坦之議西城不可移元和志之

詳叙三城韓文公之序送韓約宋范文正公之議金明白豹大順  
歐陽文忠公之議麟州司馬文正公之議豐州元天橋峽之鏡石  
明王威寧之奏紅鹽池捷曾襄愍之復套十二策王襄毅之議套  
中款市胥傳夏州暨六州掌故也故曰陳君是志綜秦邊紀而舉  
其要者也



河套志序

山陽邱 燾撰

今天下省府州縣皆有志會萃則成統志凡我版圖折之極其精而不亂斯合之盡其大而無餘也河套古朔方地三面距河該兩省數郡縣南界秦之北東界晉之西輿記散見山陝諸志中自宋為西夏所據古郡縣在套內者事無由志明初有其地中被虜占視為甌脫始名為河套套內事又無由志惟憑外以參內考古以徵今衆志所載不一斯志所以須纂也曠覽天下之方輿江南所恃以固者長江也四川據上游以臨吳楚則奪江險河北所恃以固者黃河也陝西據上游以臨趙代則奪河險河自寧夏出口北行東折又折而南計地四千餘里東接偏關西抵賀蘭土壤則沃

山谿則險東西裔外之強皆依乎北此地安則東與西俱安故周有獫狁之急城彼朔方秦漢皆收河南地為塞秦築四十四縣臨河徙適戍以充之漢徙關東貧民處新秦中以實之而減北地以西戍卒半主父偃曰朔方地肥饒外阻河蒙恬城之以逐匈奴內省轉輸戍漕廣中國攘外之本也唐張仁愿築三受降城中城南直朔方西城南直靈武東城南直榆林牛頭朝那山北置烽堠千八百所河山重險我盡有之而突厥南寇之路絕矣減兵數萬人省費歲以億計防邊之得策無有踰於此者唐末以拓跋思恭鎮夏州後唐詔彝超徒彰武不赴遂據其地至元昊僭號宋雖以韓范為經畧卒未克取元明始有其地洪武時築東勝等城即東受

降城之故地也撥綏德千戶劉寵屯榆林庄庄北由河套至河千  
有餘里設寧夏府又徙民改府為衛且增至五衛隸陝西行都司  
是以虜皆遁於河外永樂中召商中鹽令先自出材力於三邊招  
游民墾荒田築墩臺立堡伍輸粟為課然後就淮支鹽行之田熟  
年豐天順成化間甘肅寧夏粟石值銀二錢邊以大裕從此築受  
降中西兩城盡復韓公舊制易易也乃正統間失東勝退守黃河  
以致天順初阿羅出擾套不時出沒成化中又從部奏商人引鹽  
輸銀運司彙解戶部課銀驟增百萬餘兩而輸粟於邊之令遂廢  
商徙於淮所招之民盡散由是田土墩堡一切荒圯而邊儲枵然  
矣後曾開納本色召商不至時方穀價騰貴戎馬蹂躪惟亟逐虜

於套外復守東勝再減輸粟斗頭使商有利無害自當遠來奈何  
徙鎮榆林綏德兵寡虜由雙山堡寇綏德則無險難守由定邊花  
馬池寇固原則路遠難援芻糧皆仰給腹裏轉輸維艱余青神雖  
築長城東起黃甫川西至寧夏石嘴子而北面千餘里套地則棄  
之矣王晉溪又棄黃河石嘴之墻慮地二百里咸謂內地恃墻無  
虞不知彼來愈近我防愈難後且為患日深邊地尚可屯種乎向  
使王襄愍紅鹽池之捷套已無虜乘此於河北守東勝奚至虜復  
入套哉我

國

家聲教四訖荒服綏柔鄂爾多斯居套奉法惟謹同於內地三邊  
凡名商種地屯糧轉餉視明皆易如按古疆土收套為內北築三

帝勳

城南守河險戍防遠設於河外屯鹽更興於套內文德舞干戈之  
化武功增屏藩之雄兩河南北仰

邁漢唐遠矣執夫陳先生嘗分巡寧夏臨套之西北凡當志者既  
得之採訪又輯書志所載彙成全編首建置沿革記事功也次郡  
縣沿革表疆域也次營堡關塞重保障也次內外山川詳形勢也  
次古蹟物產明風土也以及地勢興廢鎮套邊防邊城市餉鹽法  
皆提其要而以藝文終之便檢括也試參丙夜之觀堪為捍邊之  
用先生自言柳柳州居零陵著山水諸記河套非名勝游覽之地  
可比余讀愚溪南池西山等記大抵借山水清音自舒吟嘯此志  
之纂裕國衛民有至意焉未可以游藝視之也





664759

國

聖世

歲丙午余分巡寧夏按其地東連河套河套雖屬邊陲外往往視  
為甌脫而實係中華要地遂詳考其山川險隘以及郡縣城池之  
名軍衛營堡之處凡歷代制置強弱得失興廢之故遲之既久因  
成此帙雖不能盡無遺闕然兵形守備已略具矣昔柳司馬居零  
陵日著有山水諸記以自怡悅余固不文而河套又非名勝游覽  
之地可比故不飾其詞務核其事當我

家重熙累洽盛德綏柔龍荒大漠與河套盡入版圖鄂爾多斯雖  
居其地歲修賚貢奉職惟謹是志非云有裨於

也其於邊防之要聊以備參考云爾乾隆七年歲在壬戌八月商

邱陳履中識





河套志目錄

第一卷

河套建置沿革考

第二卷

河套內建置郡縣沿革考

第三卷

陝西寧夏鎮所屬沿河套南邊城堡

山西沿河套邊營堡城口關塞

河套內外山川

第四卷

河套內古蹟

河套內物產

河套地勢興廢略

延綏鎮

河套

邊防

明陝西邊城增築

邊市

邊餉

鹽法抄

第五卷

藝文

第六卷

藝文

江

金

示

目  
金

一  
三

河套志第一卷

商邱陳履中執夫纂定

宜興儲大文六雅參閱

山陽邱 燾誠齋

校訂

同懷弟履平坦齋

河套建置沿革考

河套內地東至山西偏頭關地界西至寧夏地界東西二千餘里  
南自榆林邊牆北抵黃河遠者八九百里近者二三十里惟黃  
甫川稍近兩山夾送黃河中流過保德州西折又南而向潼關  
也套內週迴五千餘里其土肥饒甚可耕種三面阻河賊難入

寇自古帝王及明皆保其地以安內攘外但百十年來乃復失  
之使彝人巢穴其中譬之門庭之內豈容鼠盜乎誠修治武備  
以恢復邊界則可以紹西戎即叙之烈也

唐

虞

禹貢曰織皮崑崙析支渠搜西戎即叙

按渠搜在今懷遠今縣東北河套中

考寧夏東北河水遇山析為二枝此處有析枝城水經注曰河水自朔方東轉逕渠搜故城北蓋近朔方之地

夏

昔顓頊創制九州舜分十二州夏復為九州禹貢曰黑水西河惟雍州渠搜雍州地

商

成湯北發渠搜

通鑑外紀

渠搜在廢夏州北

禹貢指武丁之地西不

過氏羗北不過朔方漢書賈捐之傳帝乙三年王命南仲城朔方竹書紀年

按朔方在今靖邊縣北河套中

**周** 宣王時玁狁內侵命尹吉甫伐之至太原有功而歸命南仲

築朔方城詩曰天子命我城彼朔方是也春秋時晉文公攘戎

翟居於河西圖洛之間號曰赤翟白翟正義曰括地志云潞州本赤翟地延銀綏三州

白翟地秦穆公得由余西戎八國服於秦故自隴以西有緄諸緄

戎翟獯之戎岐梁山涇漆之北有義渠大荔烏氏朐衍之戎正義

曰鹽州古戎狄居之即朐衍戎之地秦北地郡而晉北有林胡正義曰括地志云朔樓州春秋時北地也

煩之地史記匈奴傳戰國時魏惠王十九年築長城塞桐陽桐音同魏世家

史記按固陽在秦孝公十一年魏鞅圍固陽降之史記六魏府在東北河北

襄王十七年命大夫奴遷於九原竹書紀年今懷遠縣北河套中趙武

靈王二十年西略地至榆中史記趙世家按榆中在今府谷東北河套中趙武靈王

二十六年攘地西至雲中九原史記世家魏有河西上郡以與戎

界邊其後義渠之戎築城郭以自守而秦稍蠶食至於惠王遂

拔義渠二十五城惠王擊魏魏盡入西河及上郡於秦秦昭王

時宣太后詐而殺義渠戎王於甘泉遂起兵伐殘義渠於是秦

有隴西北地上郡築長城以拒胡而趙武靈王亦變俗胡服習

騎射北破林胡樓煩築長城正義曰括地志云趙武靈王長自城在朔州善陽縣北案長城自

代並陰山索隱曰西安陽縣北有陰山在河南陽山北也下至

高闕為塞正義曰地理志云朔方臨戎縣北有連山險於長城其山中斷兩峯俱峻上俗名為高闕也而置



雲中雁門代郡史記匈奴傳

**秦** 始皇二十六年分天下以為三十六郡史記秦始皇本紀 河水東逕

九原縣故城南秦置九原郡治此水經注 三十二年使蒙恬將十

萬之眾北擊胡悉收河南地因河為塞築四十四縣臨河徙適

戍以充之史記匈奴傳 三十三年又使蒙恬渡河取高闕陶山北假

中索隱曰北假地名近五原築亭障以逐戎人徙謫實之初縣三十六年遷

河北榆中三萬家史記始皇本紀 秦已併天下乃使蒙恬將三十萬眾

北伐戎狄收河南築長城因地形用險制塞延袤萬餘里於是

渡河據陽山逶迤而北暴師於外十餘年居上郡威振匈奴史記

蒙恬傳 蒙恬死諸侯畔秦中國擾亂諸秦所徙適戍邊者皆復去

於是匈奴得寬復稍渡河南與中國界於故塞冒頓既立悉復收秦所使蒙恬所奪匈奴地者與漢關故河南塞至朝那膚施

遂侵燕

史記匈奴傳

漢

武帝即位自馬邑軍後匈奴絕和親攻當路盜漢邊不可勝

數於是漢使將軍衛青將三萬騎出雁門李息出代郡擊胡其

明年衛青復出雲中以西至隴西擊胡之樓煩白羊王於河南

於是漢遂取河南地築朔方復繕故秦時蒙恬所為塞因河為

固是歲漢之元朔二年也

史記匈奴傳

元朔二年春收河南地置朔

方五原郡興十餘萬人築衛朔方轉漕甚遠自山東咸被其勞費數十百鉅萬廼募民入奴婢得以終身復為郎增秩及入羊

為郎史記平偃盛言朔方地肥饒外阻河蒙恬城之以逐匈奴

內省轉輸戍漕廣中國攘外之本也下公卿議皆言不便偃盛

言其便上竟用主父計立朔方郡主父偃傳匈奴右賢王怨漢奪河

南地而築朔方數為寇盜邊及入河南侵擾朔方殺畧吏民甚

眾史記匈奴傳元朔五年春上令青將三萬騎出高闕衛尉蘇建為

游擊將軍左內史李沮為彊弩將軍太僕公孫賀為車騎將軍

代相李蔡為輕車將軍皆領屬車騎將軍俱出朔方右賢王以

為漢兵不能至此飲醉漢兵夜至圍右賢王右賢王驚夜逃得

右賢王裨王十餘人眾男女萬五千餘人畜數十百萬漢書衛青傳

渾邪王殺休屠王并將其眾降漢於是漢已得渾邪王則隴西

北地河西益少胡寇徙關東貧民處所奪匈奴河南新秦中以

實之而減北地以西戍卒半史記匈奴傳元狩三年山東被水民多

饑乏遣使虛倉廩以賑猶不足又募富人假貸尚不能相救乃

徙貧民關西朔方新秦中七十餘萬口皆仰給縣官數歲貸與

產業使者分護費以億計綱目元狩四年天子巡邊至朔方是時

漢東拔穢貉朝鮮以為郡而西置酒泉郡以隔胡與羗通之路

又西通月氏大夏又以公主妻烏孫王以分匈奴西方之援國

又北益廣田至胘雷為塞而匈奴終不敢以為言史記匈奴傳甘露

三年春正月匈奴呼韓邪单于稽侯徠朝贊謁稱藩臣而不

名二月罷歸遣長樂衛尉高昌侯忠車騎都尉騎都尉虎將萬

城  
六千騎送單于單于居幕南保光祿城  
漢書宣帝本紀 按明一統志光祿塞即五原

東漢

光武建武二十四年春匈奴八部大人共議立日逐王比為呼韓邪單于款五原塞願永為藩蔽捍禦北虜二十六年冬五骨都侯子將其眾三千人歸南部北單于使騎追擊悉獲其眾南單于遣兵拒之逆戰不利於是復詔單于徙居西河美稷令西河長史歲將騎二千弛行五百人助中郎將衛護單于南單于既居西河亦列置諸部王助為扞戍北地朔方五原皆領部眾為郡縣偵邏耳目  
後漢書南匈奴傳 美稷在今榆林東北 明帝永平八年北單于欲合市遣使求和親八年遣越騎司馬鄭眾北使報命而

南部須卜骨都侯等知漢與北虜交使懷嫌怨欲畔密因北使

令遣兵迎之鄭象上言宜更置大將以防二虜交通由是始置

度遼營以中郎將吳棠行度遼將軍事副校尉來苗左校尉闕

章右校尉張國將黎陽虎牙營士屯五原曼柏又遣騎都尉秦

彭將兵屯美稷其年秋北虜果遣二千騎侯望作馬革船欲度

迎南部畔者以漢有備乃引去後漢書南匈奴傳 按鑑章帝注曼柏在勝州銀山縣界

章和元年鮮卑擊北匈奴破之斬優留單于北庭大乱屈蘭儲

卑胡都須等五十八部詣五原朔方北地降後漢書南匈奴傳安帝永

初五年羗既轉盛二千石令長多內郡人並無戰守意皆爭上

徙郡縣以避寇難朝廷從之遂移安定徙美陽北地徙池陽上

郡徙衙百姓隨道死亡喪其大半

後漢書西羌傳

順帝永建元年因朔

方以西障塞多不修南部單于憂恐上言求復障塞順帝從之

增置沿邊諸郡兵列屯塞下教習戰射

後漢書南匈奴傳

順帝永建四

年虞詡言安定北地上郡山川險阨沃野千里土宜畜牧水可

溉漕頃遭元元之災衆羗內潰郡縣兵荒二十餘年夫棄沃壤

之饒捐自然之財不可為利離山河之阻守無險之處難以為

固九月詔復北地上郡還舊土

通鑑

**晉**

安帝義熙三年勃勃魁岸美風儀性辯慧秦王興見而奇之

配以雜虜二萬餘落使鎮朔方會魏主珪歸所虜秦將於秦興

歸賀狄干以報之勃勃怒遂謀叛秦柔然獻馬於秦勃勃掠取

之襲殺汶奕于而并其衆自為夏后氏之苗裔稱大夏天王置  
百官綱目九年勃勃以叱干阿利領將作大匠發嶺北夷夏十萬  
人於朔方黑水之南營起都城勃勃自言朕方統一天下君臨  
萬邦可以統萬為名恭帝元熙元年群臣勸都長安勃勃曰朕  
豈不知長安累帝舊都有山河四塞之固但荆吳僻遠勢不能  
為人之患東魏與我同境壤去北京裁數百餘里朕在長安北  
京恐有不守之憂朕在統萬彼終不敢濟河諸卿適未見此耳  
乃於長安置南臺以瑣領大將軍雍州牧錄南臺尚書事勃勃  
還統萬

魏

太祖登國六年九月襲五原屠之收其積穀還紐垵川於糴



陽塞北樹碑記功

魏書太祖紀

冬十月縕紇提附衛辰而貳於我登

國中討之長孫肥至涿邪山及匹侯跋跋舉落請降獲縕紇提

子曷多汗及曷多汗兄詰歸之社崙斛律等并宗黨數百人分

配諸部縕紇提西遁將歸衛辰太祖追之至跋那山縕紇提復

降太祖撫慰如舊

魏書蠕蠕傳

按涿邪山跋那山並在今榆林府北套內

太宗泰常八年

二月戊辰築長城於長川之南起自赤城西至五原延袤二千

餘里備置戍衛

北魏書太宗紀

太武帝始光三年十月丁巳車駕西伐

臨君子津會天暴寒數日冰結十有一月戊寅帝率輕騎二萬

襲赫連昌壬午至其城下

魏書太武帝紀

四年赫連昌遣其弟平原公

定率眾二萬向長安帝聞之乃遣就陰山伐木大造攻具

魏書太武帝

紀昌遣弟定與司空奚斤相持於長安世祖乘虛西伐濟君子

津輕騎三萬倍道兼行次於黑水分軍伏於深谷而以少眾至

其城下退軍城北示昌以弱遣永昌王健及娥清等分騎五千

西掠居民會軍士負罪亡入昌城言官軍糧盡步兵未至擊之

為便昌信其言引眾出城世祖收軍偽北引而疲之昌以為退

鼓譟而前行五六里世祖衝之賊陣不動稍復前行乃分騎為

左右以倚之世祖墜馬賊已逼接世祖騰馬刺殺其尚書斛黎

又殺賊騎十餘人流失中掌奮擊不輟昌軍大潰不及入城奔

於上邽遂克其城魏書屈孝文帝延興二年正月乙卯統萬鎮

胡民相率北叛詔寧南將軍交趾公韓拔等追滅之魏書孝文帝紀

明帝熙平五年子雍遷夏州刺史時沃野鎮人破落汗拔陵為首為反亂所在蜂起統萬朔胡與相應接子雍嬰城自守城中糧盡煮馬皮而食之子雍善撫綏得士心人人戮力無有離貳以饑饉轉切欲自出求糧留子延伯據守遂自率羸弱向東夏運糧行數日為朔方胡帥曹阿各拔所邀力屈見執雅為胡人

敬常以民禮事之子雍為陳禍福拔衆竟降時北海王顥為大行臺子雍具陳賊可滅之狀顥給子雍兵馬令其先行時東夏

合境叛

一統志云東夏州後改為延州

所在屯結子雍轉鬪而前九旬之中凡

數十戰仍平東夏徵稅租粟運於統萬於是二夏漸寧

魏書源子雍傳

文帝大統二年高歡自將萬騎襲魏夏州不火食四日而至縛

稍為梯夜入其城擒刺史斛拔俄彌突因而用之留張瓊將兵鎮守遷其部落以歸

周

明帝天和六年稽胡數為寇亂使榮綏集之榮於上郡延安

築周昌弘信廣安招遠咸寧等五城以遏其要路稽胡由是不

能為寇

隨書郭榮傳

隋

高祖開皇元年遣司農少卿崔仲方發丁三萬于朔方靈武

築長城東至黃河西距綏州南出勃嶺綿亘七百里明年帝復

令仲方發丁十五萬于朔方已東緣邊險要築數十城以遏虜

寇

冊府元龜

煬帝大業三年秋七月發丁男百餘萬築長城西距榆

林東至紫河一旬而罷四年七月發丁男二十餘萬築長城自

榆林谷而東九月詔免長城役者一年租賦隋書煬帝紀長晟奏染

千部落歸者既衆雖在長城內猶被雍閭抄畧請徙五原以河

為固於夏勝兩州東西至河南北四百里掘為橫塹令處其內

任情放牧免於抄掠上從之延綏鎮志十三年梁師都朔方人仕隋

鷹揚府郎將大業末罷結徒起為盜殺郡丞唐世宗據郡自稱

大丞相聯兵突厥因畧定雕陰弘化延化自為梁國僭皇帝位

建元永隆始畢可汗遺以狼頭纛號大度毗伽可汗解事天子

遂導突厥兵居河南地拔鹽川郡唐書梁師都傳翊衛郭子和坐事徙

榆林會郡中大饑子和潛結敢死士十八人執郡丞數以不恤

百姓斬之開倉賑施自稱永樂王南連梁師都北附突厥始畢

以子和為平陽天子子和固辭不敢當乃更以為屋利設目綱

唐

高祖武德元年張長遜以平陳功累遷五原郡通守遭亂附

突厥突厥號為割利特勒義兵起以郡降即拜五原太守安化

郡公唐書張長遜傳子和獻款授靈州總管金河郡公唐書郭子和傳高祖武

德初以豐州絕遠先屬突厥交相往來更不能禁隱太子建成

議廢豐州虛其城郭權徙百姓寄居于靈州割并五原榆平之

地于是突厥遣處羅之子都設率所部萬餘家入處河南之地

以靈州為境冊府元龜武德中帝會群臣問所以備邊者將作大匠

丁筠請五原靈武置舟師于河扼其入中書侍郎溫彥博曰魏

為長塹遏匈奴今可用帝使桑顯和塹邊大道名江南船工大

發卒治戰艦突厥傳師都為德操所破六年其將賀遂索周以所

部十二州降德操悉兵攻之拔東城師都保西城不敢出求救

於突厥頡利頡利以勁兵萬騎赴之遂往朝頡利教使南畧唐書

梁師都傳按六月突厥寇匡州與屯將相勝負唐書突厥傳

師都時據夏州內套太宗貞觀二年太宗以師都寢危乃諭以書使歸不從詔夏

州長史劉旻司馬劉蘭經畧之有得其生口者輒縱遣令為反

間離其君臣之計頻選精騎踐其禾稼有李正寶辛獠兒者皆

其名將謀執師都事洩來降太宗遣右衛大將軍柴紹殿中少

監薛萬均擊之又使劉旻劉蘭率勁卒直據朔方東城以逼之

頡利可汗遣兵來援師都紹逆擊破之進屯城下師都兵勢日

感其從父弟洛仁斬師都詣紹降以其地為夏州舊唐書梁師都傳四

年正月李靖屯惡陽嶺夜襲頡利頡利窘走保鐵山兵猶數萬

令執失思力米陽為哀言謝罪請內屬帝詔鴻臚卿唐儉將軍

安修仁等持節慰撫靖知儉在虜所虜必安乃襲擊之盡獲其

眾頡利得千里馬獨奔沙鉢羅唐書突厥傳按鐵山今榆林府河套內太宗

納溫彥博議置餘種於河南朔方之地通典處突厥降眾東至幽

州西至靈州柴紹亦破匈奴奪得河南之地因置州郡以領之

綱貞觀十九年帝詔思力屯金州道領突厥杆薛延陀陀兵十

萬寇河南鑑注北河之南即逆方新秦之地思力示羸不與确賊深入至夏州

乃整師擊敗之追躡六百里會毗加可汗死耀威磧北而歸唐書



執失思

多彌可汗寇邊帝遣江夏王道宗都督薛萬徹與左饒

衛大將軍阿史那社尒屯勝州執失力思與突厥掎搆塞下虜

知有備乃去

回鶻傳

中宗景龍二年張仁愿為朔方軍總管先是

朔方軍與突厥以河為界時突厥默啜盡眾而擊突騎施娑葛

仁愿請乘其虛奪取漢南之地於河北築三受降城首尾相應

以絕其南寇之路太子少師唐休璟以為兩漢以來皆守黃河

今於寇境築城恐勞人費功終為賊有仁愿上請不已中宗從

之仁愿表留年滿鎮兵以助其功時咸陽兵二百餘人逃歸仁

愿盡擒之悉斬於城下軍中股慄役者盡力六旬而三城俱就

皆據津要遙相應接北拓三百餘里於牛頭朝那山北置烽堠

一千八百所自是突厥不得度山放牧朔方無復寇掠滅鎮兵  
數萬人歲捐費億計仁愿初建三城不置壘門及卻敵戰格之  
具或問曰此邊城禦賊之所不為守備何也仁愿曰兵法貴在  
攻取不宜退守寇若至此即當併力出戰迴顧望城猶須斬之  
何用守備生其退恐之心也其後常元楷為朔方軍總管始築

壘門以備寇

册府元龜

三受降城中城南直朔方西城南直靈武東

城南直榆林

明九邊考

元宗開元九年蘭池州胡康待賓誘諸降戶

同反夏四月攻臨六胡州

宋白曰六胡州在夏州德靜縣

有衆七萬進逼夏州

命朔方大總管王晙隴戶節度使郭知運討之

通鑑秋七月己酉

王晙大破康待賓生擒之殺叛胡萬五千人辛酉集回夷酋長

腰斬待賓於西市先是叛胡潛與黨項通謀攻銀城連谷據其

倉庾張說將步騎萬人拏擊大破之追至駱駝堰黨項更與胡

戰胡衆潰走說安集黨項使復其居業因奏麟州一統志云麟州本漢五原

西河二郡地元改為神木縣連谷縣故址在神木縣北一十里以鎮撫黨項餘衆通鑑十年四月

己亥張說持節朔方軍節度大使九月張說敗康願子於木盤

山執之唐書元宗紀康待賓餘黨康願子反自稱可汗張說至朔方

發兵討擒之其黨悉平徙殘胡五萬餘口於許汝等州空河南

朔方千里之地先是緣邊戍兵常六十餘萬說以時無疆寇奏

罷二十餘萬使歸農上以為疑說曰臣久疆場具知其情將帥

苟以自衛及役使營私而已若禦敵制勝不必多擁冗卒以妨

農務上乃從之通鑑元宗厚接突厥歲許朔方軍西受降城為互

市唐書兵志互市監每監監一人從六品下丞一人正八品下掌蕃

國交易之事互市有衛士五十人以察非常百官志開元十五年

十一月制以吐蕃為邊患召關中萬人集朔方防秋代宗大曆

九年二月郭子儀入朝言朔方國之北門戰士耗散存者什纔

有一今吐蕃兼河隴之地雜羗渾之衆勢彊十倍願更於諸道

各發精卒戍兵四五萬人則可以致勝矣十年回紇千騎寇夏

州州將梁崇宗破之於烏水烏水在夏州朔方縣郭子儀遣兵三千救夏

州回紇遁去十一年二月增朔方五城戍兵以備回紇通鑑德宗

時陸贄奏諸牧有馬每州有糧肅宗得以為資先帝漸修邊防

關中有朔方隴右等三帥以捍西戎聲勢壯盛士馬精強又召

諸道戍兵每歲乘秋備塞陸宣公奏議貞元二年吐蕃陷夏州刺史

托拔乾暉率眾而去據其城又寇麟州州素無城壁人皆奔散

舊唐書吐蕃傳十二月馬燧為終銀麟勝招討使三年二月己卯華州

潼關節度使駱元光克夏州唐書德宗本紀穆宗長慶四年李祐為夏

州節度使奏於盧子闕北木瓜嶺勅築堡柵以捍黨項之衝其

壁壘屋並出當軍財力不別請錢祐於塞外凡築五城烏延宥

州臨塞陰河淘子而宥州烏延皆方廣數里尤居要害蕃戎畏

之冊府元龜宣宗大中五年上以南山平夏黨項久未平趙珣聚米圖經曰黨

項部落在銀夏以北居川北者號平夏部在安監以南居山谷者謂之南山黨項頗厭用兵崔鉉建議

宜遣大臣鎮撫乃以敏中為制置等使四月定遠城使史元破

黨項九千餘帳於三交谷三交谷在夏州界敏中奏黨項平詔平夏黨

項已就安帖南山黨項猶行抄掠宜委李仁福存諭於銀夏境

內授以閑田或復入山林不受教令誅討無赦八月敏中奏南

山黨項亦請降赦之通鑑

五代

後唐明宗長興三年樞密使范延光言自靈州至邠州使

臣及外國入貢者多為黨項所掠請發兵擊之遣靜難節度使

藥彥稠前朔方節度使康福將兵七千討黨項二月藥彥稠等

奏破黨項十九族俘二千七百人通鑑藥彥稠明宗時授邠州節

度使詔會兵制置鹽州蕃戎逃遁獲陷蕃士庶千餘並遣復鄉

里冊府元龜四年定難節度使李仁福卒軍中立其子彝超為留後

先是關西諸鎮皆言李仁福潛通契丹南侵關中會仁福卒以

其子彝超為彰武留後安從進為定難留後仍命靜塞節度使

藥彥稠將兵五萬以宮苑使安重益為監軍送從進赴鎮勅諭

夏銀綏宥將吏彝超年少未能扞禦故徙之延安從進則有富

貴之福違命則有覆族之禍彝超上言為軍士擁留未得赴鎮

詔遣使趣之彝超不奉詔遣其兄阿囉王守青嶺門上郡橋山之長城門

集境內黨項諸胡以自救藥彥稠等進屯蘆關聚米岡經蘆關在延州塞門北

十五里彝超遣黨項抄糧運及攻具官軍自蘆關退保金明陳執中曰

金明漢膚施縣地蘆關至金明二百里安從進攻夏州州城赫連勃勃所築堅如

鐵石斲鑿不能入又黨項萬餘騎徜徉四野抄掠糧餉官軍無  
所芻牧山路險狹關中民輸斗粟束橐費錢數緡民間困竭不  
能供彝超登城謂從進曰夏州貧瘠非有珍寶蓄積可以充貢  
賦也但以祖父世守此土不欲失之幸為表聞許其自新從進  
引兵還自是夏州輕朝廷每有叛臣必陰與之連以邀賂遺

通鑑

初拓跋思恭以討黃巢功賜姓李拜夏綏節度使思恭卒弟思  
諫代為靖難節度使唐亡歸梁卒思恭孫彝昌嗣其將高宗益  
作亂殺之將士立其族父仁福梁封朔方王梁亡歸唐卒子彝

超嗣卒兄彝殷代之歷事唐晉漢周北漢俱被顯爵

明朔方新志

宋

建隆初彝殷獻馬以玉帶賜之乾德中卒追封夏王子克叡



立以破北漢吳堡功累加檢校太尉卒贈侍中子繼筠立檢校

司徒定難節度觀察留後遣兵助征北漢略太原踰年卒弟繼

捧立尋屬族人入朝獻地

新明朔方志

太宗太平興國七年夏五月

遣使夏州迎李繼捧親屬李繼遷繼捧族弟也繼捧歸宋時年

二十留居銀州及使至召總麻親赴闕乃詐言乳母死出葬於

郊遂與其黨數十人奔入地斤澤澤距夏州東北三百里八年

繼遷入地斤澤知夏州尹憲與都巡檢曹光寶偵知夜襲破之

繼遷與其弟遁免獲其母妻繼遷復連娶豪族轉遷無常漸以

疆大西人以李氏世著恩德多歸之繼遷因語其豪右曰爾等

不忘李氏能從我興復乎衆曰諾遂與弟繼冲破丑重遇貴張

浦李太信等起夏州乃詐降誘殺曹光實於葭蘆川遂襲銀州

據之時雍熙二年二月也

宋史夏國傳

初繼遷既殺曹光實遂圍三

族砦砦將折遇也殺監軍使者與繼遷合田仁朗行次綏州請

益兵留月餘俟報時繼遷乘勝進攻撫寧砦仁朗聞之喜曰撫

寧小而固非挾旬所能破我俟其困以大兵臨之分遣強弩三

百邀其歸路虜成擒矣部署已定仁朗欲示閒暇縱酒樗蒲旣

等因媒孽之帝聞三族已陷大怒徵仁朗還是月旣等出銀州

北破悉利諸砦梟其代州刺史折羅遇麟州諸蕃皆請納馬贖

罪旣遂與所部兵入濁輪川斬賊首五千級繼遷及遇也遁去

由是銀麟夏三州番百二十五族悉內附戶萬六千餘

宋元通鑑李

繼遷襲銀州據之淳化二年秋七月李繼遷請降以為銀州觀

察使賜國姓改名趙保吉

宋史太宗本紀

五年繼遷徙綏州民於平夏

部將高文岷等因衆不樂反攻敗之繼遷復圍堡砦掠居民焚

積聚詔李繼隆等進討繼遷夜襲保忠

李繼捧賜名趙保忠

走之獲其輜

重以歸真宗咸平元年繼遷復表歸順真宗乃授夏州刺史定

難節度夏銀綏宥靜等州觀察處置等使加邑千戶實封二百

戶益功臣號乃放張浦還封繼遷母衛慕氏衛國太夫人子德

明為定難軍節度行軍司馬未幾復抄邊

宋史夏國傳

景德三年九

月乙丑夏州趙德明奉表歸款復遣劉仁勗奉誓表向敏中請

以德明表誓藏盟府帝嘉之十月遣使授德明太師兼侍中充

定難節度使封西平王賜賚甚厚給奉如內地因索子弟入質

德明謂非先世故事不遣唯獻駝馬謝恩而已未幾契丹亦冊

德明為夏國王

宋元通鑑  
德明為繼遷子

按真宗時有唐龍鎮地勢險峻東

至黃河二十里河東曰東纏河西曰西纏騎兵所不能及番部

有來義二族嘗持兩端事契丹後為契丹所破二族來歸朝廷

憫其窮而優容之仁宗景祐中為夏元昊所併俱廢在河套

仁宗寶元元年元昊表遣使詣五臺供佛以窺河東道路既還

與諸酋歃血約先攻麟延欲自靖德塞門砦赤城路三道並入

遂築壇受冊即皇帝位國號大夏年號天授禮法延祚

宋史夏  
國傳

元昊未叛前其部落山遇者歸延州告其謀時天章閣待制郭

勸守延州乃械鎗還賊示朝廷不疑之意賊戮其族無遺類由

是西人怨懼向化之心絕矣

儒林公議

二年冬十一月夏寇保安軍

狄青擊敗之

宋元通鑑

康定元年春正月元昊入延州東路犯安南

承平兩塞又以兵犯西路聲言將襲保安軍故延州發兵八萬

支東西二隅而元昊乃乘虛由北路擊破金明塞擒李士彬直

犯五龍川劉平石元孫遂圍延州東軒記初起廊延兵十萬入

吐谷坂欲與賊遇乃戰戰時昏矣賊多解馬驅老弱對敵士卒

得利人人出死力與戰夜且息更三起鬪會老弱略盡士卒

爭獲過當悉疲番軍始徐鼓起士揭新旗乘高處呼漢兵來鬪

軍士氣失賊射軍中軍人多死此時特劉石軍也前此分萬餘

人屬監軍黃德和使屯西坡以張向背為應援事已急都監郭  
應願走德和軍招與俱來德和固怯度無以拒詆應曰軍隨至  
矣第戰無留待也應馳還白平等信以為德和審來即鼓起士

戰連三北德和軍竟不來應獨出入行間軍稍却即覆馬以殿  
持大鈇稍橫突之所當盡死賊使人持大索立高處迎應輒為  
應所斷因縱深入留十餘弩連射應馬死步下行殺數人欲  
歸軍取馬軍已亂不得入乃脫身亡去士卒死者什八兩太尉

失軍不還邊大警

王向記  
客言

夏五月元昊陷塞門砦兵馬監押王

繼元死之

宋史仁  
宗本紀

范仲淹與韓琦並為陝西經略安撫副使仲

淹以延州諸砦多失守請自行詔仲淹兼知延州先是詔分邊

兵總管領萬人鈐轄領五千人都監領三千人寇至禦之則官  
卑者先出仲淹曰將不擇人以官為序取敗之道也於是大閱  
州兵得萬八千人分六將領之日夜訓練量賊衆寡使更出禦  
敵仲淹以民遠輸勞苦請建廊城為軍以河中府同華州中下  
戶租稅就輸之春夏徙兵就食可省糴之三詔以為康定軍仲  
淹又修承平永平等砦稍招還流止定堡障通斥堠城十二塞  
於是羗漢之相踵歸業宋元通鑑种世衡歷鄜州判官事西邊用兵  
守備不足世衡建言延安東北二百里有故寬州請因廢壘而  
興之以當寇衝右可固延安之勢左可致河東之粟北可復銀  
夏之舊朝廷從之命董其役夏人屢出爭世衡且戰且城然處

險無泉議不可守鑿池百五十尺始至於石石工辭不可穿世

衡命屑石一畚酬百錢卒得泉城成賜名青澗城遷內殿崇班

知城事世衡開營田二千頃募商賈通貨利城遂富實宋史神世衡傳

慶曆元年以龐籍知延州兼經略安撫招討使自元昊反延州

城砦焚掠殆盡籍至稍葺治之戍兵十萬無壁壘皆散處城中

畏籍莫敢犯法籍命部將狄青將萬人築招安砦於橋子谷旁

以斷寇出入之路又使周美襲取承平砦王信築龍安寨悉復

所亡地築十一城延民以安宋元通鑑三年正月元昊自名曩霄遣

人來納款宋史仁宗本紀夏四月賀從勗至京帝用龐籍言命著作佐

郎邵良佐如夏州許封元昊為夏國主歲賜絹十萬足茶三萬



勅良佐至夏州元昊亦遣如定聿捨張延壽來議和及歲幣時

元昊倚契丹邀索無厭晏殊等厭兵將一切從之韓琦力陳其

不便帝嘉納之宋元通鑑嘉祐六年十二月丙戌復豐州宋史仁英宗本紀

宗治平四年是年正月神宗即位夏將寇名山部落在故綏州其弟夷山

先降諤因使人因夷山以誘之賂以金孟名山小使李文喜受

而許降而名山未之知也諤即以聞詔轉運使薛向及陸詵委

諤招納諤不待報悉起所部兵長驅而前圍其帳名山舉衆從

諤而南得酋領三百戶萬五千兵萬人神諤傳神宗熙寧二年十

月丙申城綏州命郭逵選將置守具逵遣趙高交夏人所納安

遠寨門二砦就定地界夏人渝初盟高請城綏州不以易二砦

改名綏德城

宋史神宗本紀

三年秋八月夏人大舉入寇攻城堡兵多

者號二十萬少者不下一二萬屯於榆林韓絳請行邊乃以絳

為陝西宣撫使授以空名告敕得自除吏

宋史夏國傳

冬十月詔延

州勿納夏使

宋史神宗本紀

四年韓絳素不習兵開募府於延安措置

乖方選蕃兵為七軍復以种諤為廊延鈐轄知青澗城信任之

諸將皆受其節制蕃兵皆怨望諤謀取橫山帥師襲敗夏人於

囉兀因以衆二萬城焉自是夏人日聚兵為報復計三月种諤

進築永樂川賞逋嶺二砦分遣都監趙璞燕達築撫寧故城及

分荒堆三泉吐渾川開光嶺葭蘆川四砦已而夏人來攻順寧

砦遂圍撫寧折繼昌高永能等擁兵駐細浮圖去撫寧咫尺囉

兀兵勢尚完諤在綏德節制諸軍聞夏人至茫然失措欲作書  
詔燕達戰悸不能下筆顧運判李南公涕泗不已於是新築諸  
堡悉陷將士千餘人皆沒遂詔棄囉兀城五月燕達以戍卒輜  
重歸自囉兀為夏人邀擊達多亡失宋史夏  
國傳四年种諤上言夏

主秉常為其母所囚急引本路兵擣其巢穴帝以為經略安撫  
副使諸將悉聽節制諤即次境上帝以諤先期輕出使聽令於  
王中正敵屯兵夏州諤率本路並畿內七將兵攻米脂三日未  
下夏兵八萬來援諤禦之無定川伏兵發斷其首尾大破之降  
守將介訛遇宋史种  
諤傳五年三月壬寅廊延路副總管曲珍敗  
夏人於金湯夏四月己未沈括奏遣珍將兵綏德城應援討葭

蘆塞左右見聚羗落詔從之

宋史神宗本紀

沈括請城古烏廷城以色

橫山使夏人不得絕沙漠遂遣侍中徐禧內侍李舜舉往議禧

復請於銀夏宥之界築永樂城永樂依山無水泉獨種諤極言

不可禧率諸將竟城之賜名銀川砦以兵萬人屬曲珍守之

宋史

夏國傳永樂接宥州附橫山夏人必爭之地禧等既城去九日夏

人來攻珍使報禧乃挾李舜舉來援而夏兵至者號三十萬翌

日夏兵漸逼禧乃以士萬陣城下夏人縱鉄騎渡河或曰此號

鉄鷄子當其半濟擊之乃可有逞得地則其鋒不可當也禧不

聽鉄騎既濟震盪衝突六兵從之禧師敗績將校寇偉李思古

高世才夏儼程博古及使臣十餘輩士卒八百餘人盡沒夏人

侵及縣門潰歸城者泱水砦為道以登夏人因之奔歸於城者  
三萬人皆沒夏兵圍之者厚數里將士晝夜血戰城中乏水已  
數日括等援兵及餽運皆為夏大兵所隔夜半夏兵環城急攻  
城遂陷高永能戰沒禧舜舉運使李稷皆死於亂兵

宋史夏哲  
國傳

宗元祐元年秋七月夏人遣使求米脂等砦司馬光言今若靳  
而不與彼必以為恭順無益兵連不解文彥博與光合會秉常  
卒遣使來告哀詔自元豐四年用兵所得城砦待歸我陷報執  
民當畫以給還

宋史西  
夏傳

四年六月稍歸永樂所獲人遂以米脂

葭蘆浮圖

浮圖在緱  
德州南

安疆四砦與之而畫界未定

宋史夏  
紹興  
國傳

三年冬十月夏人寇鄜延陷金明砦四年二月夏人寇緱德城

三月夏犯人麟州神堂堡出兵討之進築胡山砦元符元年五

月築廊延路金湯城宋史哲宗本紀徽宗崇寧四年三月復銀州是月

夏人攻塞門砦宋史徽宗本紀

**金** 衛紹王大安元年 夏自天會初與金議和八十餘年未嘗

交兵至是為蒙古所攻求救於金金主永濟新立不能出師夏

人怨之遂侵葭州金慶山奴擊敗之而去通鑑續編三年夏人連陷

邠涇陝西安撫司檄王以鳳翔總管為都統府募軍旬日得萬

人與夏人戰敗之獲牛馬千餘金史韓王傳崇慶元年三月夏人犯

葭州延安路兵馬總管完顏奴婢禦之至寧元年六月夏人犯

保安州殺刺史金史衛紹王本紀宣宗貞祐二年夏人攻延安乃詔有

司移文責問金史西夏傳三年十月夏人入保安都統完顏國家奴

破之攻延安戍將又敗之金史宣宗本紀四年遷元師左監軍兼陝西

統軍使駐兵延安敗夏人於安塞堡戰於鄜州之倉曲谷有功

金史烏古輪慶壽傳興定元年九月夏人犯綏德之克戎塞都統羅世暉

逆擊却之金史宣宗本紀二年五月夏人率步騎三千由葭州入寇慶

山奴以兵逆之戰於馬吉峰殺百餘人斬酋首二級生擒數十

人獲馬三十餘匹金史慶山奴傳三年閏七月夏人破葭州之通泰塞

提控納合買住擊敗之自葭蘆川遡去華州元帥完顏合達出

安塞堡克其西南會暮乃還金史西夏傳四年二月元帥慶山奴攻

夏宥州圍神堆府穴其城士卒有登者援兵至擊走之斬首二

千俘百餘人獲雜畜三千餘九月夏人圍綏平塞定安堡西夏傳

元

元兵攻夏李遵項傳國於其子德旺德旺以憂悸殂弟子覲

立二年元主克其城邑繫覲以歸

明逆方新志

順帝至正二十年九

月索羅帖木兒引兵攻冀寧察罕帖木兒調延安軍拒戰於東

勝州詔遣使和解之

延綏鎮志

二十三年五月擴廓帖木兒部將歹

驢等駐兵藍田七盤李思齊攻圍興平遂據盤屋索羅帖木兒

時奉詔進討襄漢而歹驢阻道於前思齊踵襲於後乃請催督

擴廓帖木兒東出潼關道路既通即便南討戊申孛羅帖木兒

遣竹貞等入陝西據其省治時陝西行省右丞答失鐵木兒與



行臺有隙恐陝西為擴廓帖木兒所據陰結於孛羅帖木兒請

竹貞入城劫御史大夫完者帖木兒及監察御史張可遵等印

其後屢使詔完者帖木兒貞拘留不遣擴廓帖木兒遣部將

高與李思齊合兵攻之竹貞出降

元始順  
帝本紀

二十五年閏十月詔

以擴廓帖木兒總制關陝諸道軍馬陟黜予奪悉聽便宜而行

擴廓帖木兒於是分省自隨官屬之盛幾與朝廷等

元史擴  
廓傳二

十六年擴廓帖木兒還河南調各處軍馬張良弼據命三月擴

廓帖木兒遣兵西擊良弼李思齊脫烈伯孔興等兵皆與良弼

合

元始順  
帝本紀

初李思齊與察罕帖木兒同起義兵齒位相等及是

擴廓總其兵思齊不能平而張良弼遂首拒命孔興脫烈伯等

亦皆恃功懷異請別為一軍莫肯統屬釁隙遂成擴廓遣闕保  
虎林赤以兵西擊良弼於鹿臺思齊與脫烈伯孔興等皆與良  
弼合擴廓遣闕保等合兵渡河且約思齊以攻良弼良弼遣子  
弟質於思齊連兵拒守闕保等戰不利思齊請詔和解宋元通鑑王  
保保即元擴廓鐵木兒明洪武初保保據蘭州時築二城一在  
蘭州東東岡坡一在金城關北名王保保城

明

太祖洪武四年大將軍湯和攻察罕腦兒獲猛將虎陳定東  
勝置延安綏德二衛延綏鎮志河套元末為王保保所據明初追逐

之築東勝等城撥綏德衛千戶劉寵屯榆林庄庄北由河套直  
至黃河千有餘里改寧夏路設寧夏府五年府廢徙其民九年

改置寧夏衛遷五方之人實之又增前中左右共五屯衛隸陝西行都司虜遁河外居漠北延綏無事 英宗正統二年守

將都督王禎始請榆林城堡往北三十里之外沙漠平地則築瞭望墩臺虜窺境即舉煙示警往南三十里之外則埋軍民種

田界石多於硬土山溝立為界石外開創榆林一帶營堡累增

至二十四所歲調延安綏德慶陽三衛官軍分戍而河南陝西

容兵助之列營積糧以遏寇路續文獻通考七年用總兵巡撫議依

界石一帶山勢隨其曲折剷削如城高二丈五尺川口左右俱

築大墩調軍防守世法錄景泰元年正月鎮守陝西徐亨奏鎮守

延安等處都督僉事王禎擅棄原守塞堡移入腹裏葭綏二州

延慶二府守備其地狹隘不堪屯牧恐胡寇占據所棄塞堡以  
為巢穴宜令本官速回原舊寨堡果有星散小寨宜併入大城  
協力固守事下兵部移文右都御史王文等勘實具奏亨言有  
理禎偏執不從遂勅禎候春暖河開將移入腹裏軍民撫恤前

往原寨堡守備世法錄天順五年冬阿羅出渡河入套寇延綏延綏

志鎮景泰初虜犯延慶不敢深入天順初阿羅出掠我邊人以為

鄉導遂知河套所在不時出沒遂為邊境剝膚之害世法錄六年

虜入河套是時孛朶稍衰其大酋毛里孩阿羅出少師猛可與  
孛朶相仇殺而立脫思為可汗脫思故小王子從兄也於是毛  
里孩阿羅出孛羅忽三酋始入河套爭水草不相下以故不深

入為寇時遣人貢馬然亦通朵顏諸戎時竊邊郡世法錄十一月

阿羅出毛裏孩寇延寧

延綏鎮志

憲宗成化元年秋虜寇延綏時巡

撫都御史項忠寧遠伯任壽巡撫延綏都御史盧祥合兵禦之

虜敗去

續文獻通考

延綏指揮同知房能請移營堡以固邊方臣所

守迤東北原設塞門堡白洛城二處俱在偏南以裏去邊墩相

遠道路迂曲聲勢不聞看得白洛城北地名輒營塞門堡北地

名榆林依據險阻水草便利又與大兔鶻龍州邊堡接徑易為

應援可將安定守官軍一百員名併入白洛城數內操守為宜

二年大學士李賢奏河套與延綏接境虜酋毛里孩人馬居虜

其中出沒無常今欲安邊必須大舉而後可乞令兵部會官博

議預積糧草於陝西塞下及令陝西延綏等處守臣選練騎兵  
精兵整擗器械什物及預造戰車拒馬之類期以明春或今秋  
進兵搜剿又秋禾方熟虜騎必復入抄而延綏廊慶環縣一帶  
須用兵駐劄以保居民亦宜推選武將一人統步騎精兵萬人  
往守諸處上以為然鎮守延綏都指揮同知房能奏虜酋毛里  
孩尚擁衆屯聚河套近邊烽火不絕而我增調戍兵屬延綏慶  
陽三衛者俱無甲冑馬匹屬陝西河南者多不能戰乞令陝西  
鎮守巡撫等官措置又於近邊州縣要害之處增兵把守使賊  
勢分散進退無利而我兵併力剿殺以圖成功從之五月套酋  
入寇六月命彰武伯楊信帥師討之

世法錄

延綏紀功兵部郎中

楊琚奏自偏頭關邊墩河西一顆樹至寧夏黑山東西七百餘里立十三城堡又以府谷至寧塞十六堡移置故城察罕腦兒一路併作二十堡十一月整飭邊備兵部尚書王復奏將府谷堡移出芑州舊城東村堡移出高漢嶺響水堡移出黑河山土門堡移出十項坪大兔鶻堡移出響鈴塔白洛城堡移出輒營免塞門堡移出務柳庄東西對直捷徑水草亦甚便利內高家堡至雙山堡雙山堡至榆林城寧塞營至安邊營安邊營至內邊營相去隔遠合於各交界地名崖寺子三眼泉柳樹澗瓦剎梁各添哨堡一座就於鄰近營堡量摘官軍哨守又於安邊營起每二十里築墩臺一座通共二十四座定邊營起每二十里

築墩臺一座共十座俱於附近居民量撥守瞭北面沿邊一帶

墩臺空遠者各添墩臺一座共二十四座隨其形勢以為溝塙

必須高深足以遮賊來路因其舊堡廣其規制必須寬大足以

積糧草容人馬從之世法錄三年七月阿羅出入榆林塞大掠子

女而東孤山守將湯引績力戰死之延綏鎮志四年二月札加思蘭

殺阿羅出併其衆而結元孽滿魯都入河套世法錄十二月札加

思蘭寇榆林五年字羅忽札加思蘭寇延寧六年七月字羅忽

入榆林塞以撫寧侯朱永為大將軍禦之延綏鎮志勅都御史王越

總關中軍務議搜河套復東勝越等奏河套水草甘肥易於駐

劄腹裏之地道路曠遠難於守禦字羅忽札加思蘭等糾率醜



類居套分掠出入數年雖嘗阻於我師然未經挫衄終不肯退

乞命廷臣共議得一爵位崇重威望素著者統制諸軍往圖大

舉

紀事本末

命越以總督視師越令諸將分軍各守營堡自與太監

恭太監怕統軍萬二千有奇軍於榆林分東西二路夾之繼與

西路左都督劉玉東路右都督劉聚擊虜於墩索失先是文臣

視師者從大軍後出號令行賞罰而已至越始多選饒勇跳盪

武騎將而與虜戰探虜所聚或其零騎伺急邀殺之用是多成

功

名山藏  
王越傳

七年北虜潛伏黃河河套中歲為邊患輔臣請興十

萬之師以楊信為總制搜捕之兵部尚書程信言河套地曠遠

無水草興師十萬則餽運者加倍自古禦戎來者拒之去者勿

追此不易之法也朝廷因與信二萬人令巡邊而罷搜套之議

累朝冬命吏部侍郎葉盛往延綏議河套事盛往度方略回奏

謂河套沙深水淺難以住牧春遲霜早不可耕種搜河套復東

勝皆時勢所難惟增兵守險可為遠圖且剷削邊牆增築城堡

收新軍以實邊選士兵以助守不但可責近效而亦足為長便

制曰可續文獻通考巡撫延綏都御史余子俊疏奏延邊西路定邊

二營上俱係平漫沙漠難立牆塹近年於定邊東空添築永濟

小堡按伏馬匹鎮靖堡軍馬原守塞門今移於畢家堡五營堡

水苦且遠人馬多病內定邊新興安邊永濟四營堡賊易窺見

虛實軍馬難於出入但鎮靖堡已行奏允仍守塞門其餘四營

堡俱各那移就險而守定邊營接連寧夏花馬池我固便利彼無鄰援不可動也惟將新興堡移於迤南古跡海螺城安邊營移於迤南邊營中山坡永濟堡移於迤南上紅寺鎮靖堡不必那回塞門却移於迤北白塔澗口海螺城中山坡上紅寺多是削山為城俱有門禁即可搬移逐漸修理其白塔澗口就快灘河迤南之險其河深二三文遠百餘里事成之後則定邊新興

安邊永濟寧塞靖邊鎮靖龍州八營堡之地以守則固以戰則利况常年必須民間運納穀草今只令納戶就被採野草自足

供給此保民之計也

明奏疏

十月延綏遊擊將軍祝雄奏虜入延

綏鎮靖堡殺千戶黃琮執夜不收以去

世法錄

九年冬十月參贊

軍務左都御史王越襲破虜營於紅鹽池九月滿都魯孛羅忽  
訶加思蘭三酋自河套出分寇西路越與總兵官許寧遊擊將  
軍周玉各率兵四千六百從榆林紅山出境晝夜兼行百八十  
里天未明至其廬穴焚殺無遺又分兵千餘伏於他所比午魯  
歸悉力趨戰越結陣徐行督諸將方戰伏兵忽從後呼噪進擊  
虜見腹背受敵遂驚潰慟哭渡河逝自是無邊患者二十年

廣輿

圖記十年閏六月巡撫延綏都御史余子俊奏修築邊牆之數東

自清水營紫城砦西至寧夏花馬池營界牌止凡修城堡一十  
二座榆林城南一截舊有此一截創修安邊營及建安常樂地  
都河永濟安邊新興石澗池三山馬跑泉八堡俱創置響水鎮

靖二堡俱移置凡修邊牆東西長一千七百七十里一百二十  
三步守護壕牆崖砦八百一十九座守護壕牆小墩七十八座  
邊墩一十五座奏入上令所司知之七月命榜諭延綏等處所  
司嚴飭邊備每年四月八月令守備官軍修葺垣牆墩堡增築  
草場界至時加巡察敢有越出塞垣耕種及移徙草場界至者  
俱治以法十六年子俊為兵部尚書言延綏三路東路神木西  
路安邊皆山勢險峻虜難輕入惟中路榆林東有常樂雙山建  
安高家四堡西有響水波羅懷遠威武清平五堡南有歸德真  
河二堡皆地勢平曠可以通騎主將一人難於應敵宜增設守

禦

世法錄

孝宗弘治改元左都御史馬文昇上疏云巡撫延綏都

御史黃紱奏說虜賊俱在河套近邊牆居住日逐射獵通事回  
話並不作賊搶掠到明春要來進貢乞勅延綏鎮守總兵巡撫  
等官一面操練軍馬嚴加防禦一面令通事與彼答話既要進  
貢早為出套還從大同進京朝廷自有重賞若又以榆林進貢  
為詞緩我之兵必大張兵勢必別有奇謀務要逐彼出套不可

容彼久住貽患地方從之

續文獻通考

總督都御史王越疏奏綏德

在秦時為上郡歷漢隋唐皆為邊鎮國初洪武二年定陝西設  
綏德衛屯兵數萬守之撥綏德衛千戶劉寵屯治榆林正統中  
命都督王貞鎮守延綏始議築榆林城及沿邊十八寨遂移鎮焉  
成化七年置榆林衛八年都御史余子俊開廣榆林城垣增置

三十六營堡以今日陝西邊備論之國初以綏德為邊衛東自葭州黃河西至定邊營七百餘里岡阜相連有險可據猶易為守自移鎮榆林綏德官軍移徙不常在綏德者不及什一虜賊大舉或由榆林東雙山堡等處入寇綏德或由榆林西南定邊營花馬池等處入寇固原榆林之兵其在東也則以無險而不能守其在西南也則以路遠而不能援其在綏德舊鎮也則以兵寡而不能禦為今之計宜量撤兵卒之半復綏德使守險拒敵防其深入其榆林及新設城堡各計其屯田歲入之數留兵屯守而移置其多餘之屯於定邊營要害之地委謀勇將官統之如此則虜不敢深入而內無土崩之患矣

明秦疏八年北鄙復

擁衆入河套住牧世法錄十二年十月火師入榆林塞十三年火

師入榆林平江伯陳銳無功保國公朱暉代之延綏志征虜大將

軍總兵保國公朱暉提督軍務都御史史琳及監督太監苗達

師五路之師從紅城子墩出塞乘夜擣虜巢於河套虜已先覺

徙家北遁十二月火師入河套世法錄十四年火師擁衆入榆林

塞保國公朱暉等覘虜酋所在潛師河套擣其巢穴會夜大霧

虜聞礮驚遁毀其廬帳斬老弱百餘級而還明紀兵部尚書馬文

昇以地震因言陝西西鄰番膚而延慶二府又與河套密邇今

小王子部落日衆精兵數萬觀其所存其志非小未幾暉襲破

之項之其酋火師者復侵擾劇甚鎮城晝閉又擢大理寺陳壽



巡撫延綏壽至先恤陣亡官軍隨易諸路將領兩旬間與虜三

勝虜知有備遂渡河北遁

續文獻通考

十六年套酋入榆林塞千戶

湯璽力戰死之十七年火篩入套總兵官張安遣把總藍海等

追及於黃河岸勝之

延綏鎮志

武宗正德元年命巡撫楊一清總制

陝西延綏等處邊務兼督馬政一清言寧夏花馬池興武營直

抵高橋三百餘里為虜入邊門戶近因警報議調延綏遊兵土

兵至此分布防禦而無一人至者蓋事關各鎮不相統攝故也

宜命大臣為總制居中調度如虜衆出套亟行經畧花馬池一

帶邊務庶有備無患全陝可安兵部集議遂以一清薦乃有是

命先是弘治末朝野清明內外大臣協心體國議復河套會孝

河套志 卷一 四十四  
宗崩劉瑾專政總制楊一清上經略三疏一議守守虜所必入

一議戰戰虜所必敗一議攻攻虜所必救已一清得罪去無敢

言及河套者世法錄十年八月俺答自榆林直犯米脂綏德無定

河大川至黃河西岸大殺掠十一年二月又入榆林塞延綏鎮志十

三年冬十月上自偏頭渡河幸榆林十一月上在榆林十二月

上在榆林十四年春正月上在榆林二月初旬上自榆林還京

師續文獻通考武宗西巡命鄭暘督餉於邊值葭州盜起猖獗暘督

官兵討平之延綏鎮志北虜在套恣肆世宗嘉靖元年復大舉直犯

西安之邠州鳳翔之隴州殺掠之慘比前倍之續文獻通考八年十

月吉囊俺答寇榆林塞總督王瓊率兵禦却之初小王子有三

子長阿爾倫次阿著次滿官嗔阿爾倫死阿著稱小王子未幾  
死衆立阿爾倫子卜赤而阿著子二曰吉囊曰俺答強甚吉囊  
分地河套當關中地肥饒時入寇瓊乃請修沿邊垣墉起蘭洮  
盡榆林三千餘里

紀事本末

十年王瓊奏計度榆林東中二路大邊

六百五十六里當修者三百十里二邊六百五十七路當修者

二百四十八里因言二邊乃成化中余子俊所修因山為險屯

田多在其外大邊弘治中文貴所修防護屯田中間率多平地

築牆高厚不過一丈可壞而入今當先修大邊必使岸塹深險

牆垣高厚計用丁卒萬八千人乞發帑金十萬從之

世法錄

十一

年二月內虜酋吉囊等擁衆十萬侵犯榆林總督唐龍提兵往

劉將主客兵分布要害且戰且守虜屢遭挫衄計不能入乃突  
出五萬由野馬川渡河徑入西海襲破虜營收其部落大半歸  
於套內

唐龍申嚴邊防  
以弭虜患疏

先是北虜自延綏求通貢市事下兵部

議兵部言小王子通貢雖有成化弘治年間事例但其情多詐  
難以輕信宜命總制鎮巡官察其情偽無何虜以不得請為憾  
遂擁衆十餘萬入寇五月吏部尚書王瓊上言臣前議榆林之  
虜直以精兵扼之綏德險陘調固原援兵三千足矣而當事過  
計乃至調京營宣大寧固兵一萬八千赴之供億浩繁日費至  
六千金內地坐困今虜已退乞掣回京軍散遣各路所調及召  
募兵專責本鎮兵據險防守

世法錄

十三年七月吉囊入榆林塞

八月又入榆林塞遊擊梁震敗之於定邊十四年六月吉囊入

榆林塞掠內郡參將魏祥死之八月又入榆林塞守將梁震擊

敗之延綏鎮志十五年秋虜入延綏黑河墩蒺藜川等處官兵四戰

皆敗之斬首百餘級世法錄十八年十二月套酋入榆林塞殺守

將宋隆十九年三月套酋入榆林塞破清平堡入米脂總兵官

周尚文駐兵狄青原邀擊之以捷聞延綏鎮志秋虜數萬入安邊定

邊陝西總制尚書劉天和率精兵九千斬虜首五百卒張奴兒

殺吉囊之子虜諸酋大哭遁去續文獻通考虜酋吉囊擁數萬由延

綏西路定邊營入寇時諸鎮兵悉分布守邊虜乘虛四掠殺戮

甚慘諸將莫敢攖其鋒者虜乃深入內地總督尚書劉天和以

修省詔旨嚴切而諸將畏怯乃斬不用命指揮使牛斗郭卿二人時周尚文已革任特檄召之激以忠義尚文感奮會大雨決旬道凜虜騎不得騁弓矢盡膠陝西總兵趙時督兵分道邀之虜始引旋至黑水苑延綏革任總兵周尚文盡銳攻之自己至申凡三戰勝負未決吉囊子號小十三者驍果而輕率其勁卒三十餘人馳衝營中堅為我軍所殲虜衆遂奪氣斂去寧夏總兵任傑副總兵陶希臯復選銳於鐵柱泉迎擊之追奔出塞斬獲甚衆

世法錄

二十二年虜三萬騎犯延綏遊擊張鵬力戰禦之

虜引去總兵官吳瑛副總兵傅存禮尾之在外東路參將周尚文兵亦至因夾擊斬百餘級而還二十四年虜兵二萬餘騎結

營邊外覘者以報榆林總兵吳瑛瑛報總督張珩明日瑛副總  
兵李琦併將兵出榆林時總督以防秋駐花馬池即發所部將  
在花馬池者四將軍軍往擊之瑛度虜入必自寧塞營寧塞則  
遊擊將軍張鵬分地乃與琦故回遠出逶迤不與賊兵值虜果  
由寧塞營穿牆擁入張鵬不能禦匿避之虜南馳無復忌畏而  
李琦自清平堡與吳瑛分行至靖邊營值虜殊死戰延綏遊擊  
將軍龍登固原遊擊將軍葛宇咸以總督遣適至而分守延綏  
西路參將楊銳亦領兵來會虜解去琦得免琦面中賊矢一所  
殺虜亦數人瑛鵬軍不知所往陝西總兵王縉寧夏總兵李義  
興登宇軍同遣乃故逗遛後期登宇與楊銳等各頓兵不擊賊

但依險自保而已於是賊趣利直抵圍林驛岔洛川諸處縱兵肆掠踰保安犯安塞留十餘日復自寧塞營穿牆故道出亦不見我軍一人巡按曹邦輔行部聞之上書劾諸將詔下吏治七將軍論如法總督撫臣亦皆不宥惟李琦以與賊戰少有功獲

賞焉

王維貞核邊記

總督曾銑言自定邊營至黃甫川連年虜入率由

是道當亟為修繕分地定工次第修舉西自定邊營東至龍城堡計長四百四十餘里為西段可當先築自龍城堡東至雙山堡計長四百九十餘里為中段自雙山堡東至黃甫川計長五百九十餘里為東段歲修一段期以三年竣事

明紀事本末

二十五

年套酋犯延安掠內地總督三邊侍郎曾銑請復河套條為八



議計萬餘言虜自寧塞營入犯延安保安諸處殺掠男婦諸軍  
禦之不能却銑遣參將李珍夜出塞劫其營斬虜百一十級生

擒虜一人虜聞始遁去

世法錄

二十六年三月中套虜以草青邊

近塞住牧零騎往來侵掠居民不敢樵採銑乃蒐選銳卒督之  
出戰斬首二十七級生擒一人脫脫虎餘斃於矢石者甚衆虜  
移帳漸北間以輕騎入掠銑復督諸軍驅之虜遂遠徙不復近

塞

世法錄

三十三年春套酋寇高家堡副總兵李梅死之三十四

年吉能犯建安柳樹會葭州至府谷參將楊璘死之

按紀事本末吉囊

子

三十六年春都欒兒犯榆林副總兵陳鳳往擊死之四十年

四月套人犯鎮靖堡殺掠二千餘人去十一月犯榆林南下攻

背千川大牆至米脂守備謝世勳戰死四十二年七月套酋陷

黃甫川堡把總高秉鈞死之延綏鎮志四十三年令榆林西北古梁

易馬二城增修城堡又令鎮城硬地梁一帶小邊柳河梁各處

添設城堡以嚴防護明會典四十四年正月套酋入塞總督郭虔

巡撫胡志夔會議令總兵趙哥師兵出榆林邊外至黑灘畔頁

河免克之延綏鎮志四月虜陷黃甫川堡九月犯鎮靖堡參將魯聰

戰死將士二百餘人世法錄四十五年六月虜陷筆架城擄掠

甚眾官軍逐之去七月薄安塞縣城分騎掠延安府北關及東

西兩川八月入甜水等堡總兵郭江等戰死穆宗隆慶元年套

酋入寇守將王鐸戰死世法錄神宗萬曆四十三年吉能挾討王

封金印等十大事不許大舉入犯大柏油孤山中軍劉聚等死

之是年十二月沙計歹成等謀犯雙山總兵官秉忠出塞擊破

之延綏鎮志四十四年沙計入寇高家堡都司僉書王國安死之熹

宗天啟二年九月套人寇延安及廊州越四日乃去延綏鎮志愍帝

崇禎元年春命安置降丁於延綏等處初兵部請置之山海關

三屯營不許明史二年流賊犯涇陽套酋寇延綏三年九月黃

甫川賊復勾套人入掠巡撫洪承疇總兵杜文煥從孤山進擊

大破之賊始奔潰明史十月王嘉引陷清水營殺遊擊李顯宗

遂破府谷延綏鎮志十二月神一元破寧塞據之殺參將陳三槐圍

靖邊副史李右梓固守賊勾西人四千騎益圍靖邊三日夜遂

陷柳樹澗保安等城

紀事本末

四年二月壬子總兵賀虎臣杜文煥

合軍圍保安神一魁勾西人千餘騎突圍出復糾賊數萬劫寧

夏

紀事本末

五年三月河套酋以三百騎近塞稱插漢求款千總李

世科陣沒曹文詔等擊之乃不得入

明史略

六年插罕自家堡入

犯焚掠至石窰溝九月插漢入延安至鄜州套部為插罕所逼

火落太及古魯部來降

延綏鎮志

河套志卷第一終

河套志卷第二

商邱陳履中執夫纂定

宜興儲大文六雅參閱

山陽邱 燾誠齋

校訂

同懷弟履平坦齋

河套内外建置郡縣沿革考

歷代建置凡郡屬州州縣屬郡而非套地者皆空一字順列於

下不並列

周

上郡 惠文王十年魏納上郡十五縣 史記秦本紀 綏州春秋白狄所

居戰國屬魏為上郡 元和志 上郡今麟延丹坊鄜銀夏綏德保安

之地

白翟 武王放逐戎夷涇洛之北名曰荒服晉文公攘戎翟居於

西河固洛之間史記匈奴傳白翟及秦同州今鄜坊綏延皆古白翟

地鄭樵通志固銀州銀川洛水在磚井堡南梁山下葭州志

胸衍 平王末岐梁涇漆之北有胸衍戎史記匈奴傳鹽州古戎狄居

之即胸衍戎地括地志磚井堡鹽州地延安府志按

渠搜 周之成康北發渠搜漢書武帝本紀按渠搜

朔方 朔方近獫狁之國也毛氏詩傳什賁故城在朔方縣治北即朔

方縣之故城元和志河水東逕朔方縣故城東北詩所謂城彼朔

方也水經注按朔方在今靖邊縣北河套中

九原 魏襄王十七年命大夫奴遷於九原竹書紀年趙主父西北略

地欲從雲中九原直南襲秦史記趙世家。按九原在今懷遠縣北河套中

固陽 魏惠王十九年圍長城塞固陽史記六國表。按固陽在府谷東北河北

榆中 趙武靈王二十年西略地至榆中史記趙世家榆中勝州所治

榆林縣是括地志。按榆中在今府谷東北河套中

樓煩國 列周王會圖戰國時屬趙

秦

北地郡 昭王時秦有隴西北地上郡築長城以拒胡始皇三十

二年使蒙恬將三十萬之衆北擊胡悉收河南地因河為塞築

四十四縣城臨河徙適戍以充之史記匈奴傳號曰新秦屬北地郡

按北地郡統今平涼府屬平涼鎮原靈臺莊浪隆德五縣固原涇靜寧三州慶陽寧夏二府兼榆林府定邊縣地界而寧夏府榆林府屬定邊縣接河套地

上郡 始皇使蒙恬築長城居上郡史記始上郡雍州之域今洛

交中部延安咸寧上郡銀川新秦朔方等郡皆是鄭樵通志郡領五

縣膚施 奢延水逕膚施縣秦昭王三年置上郡水經注○今

施高奴 清水東逕高奴縣項羽封董翳為翟王都之水經注○今安

塞雕陰 魏襄王二年秦取我雕陰史記六國表廊 文公十

年初為廊時史記秦本紀○陽周 走馬水出長城北陽周縣

故城南橋山二世賜蒙恬死於此水經注○按秦膚施高奴雕

陰陽周皆屬今延安府廊縣雕陰邑兼屬內史郡今廊州膚施



縣兼在今綏德州界其未設縣者今榆林府治四縣葭州治二縣皆秦上郡地近河套

九原郡

中受降城本秦九原郡

元和志。按九原在今榆林府東北河套中括地志云勝州連

各縣本秦九原郡

新秦

秦逐匈奴收河南地徙民以實之謂新秦

水經注

今夏勝等

州秦略取之史記正義

榆中

始皇三十六年遷北河榆中三萬家

史記始皇本紀

北河勝州也

榆中即今勝州榆林縣

正義。按榆中在今府谷東北河套中

固陽

河水東逕桐陽故城南

水經注。按固陽在今府谷東北河一作桐

北假

蒙恬度河據陽山北假中

史記匈奴傳

北假在河北

禹貢錐指

臨河 河水東逕高闕南又東逕臨河縣故城北

水經注。按高闕在今榆林府

西北黃河北臨河縣即在其南岸

雁門郡

**漢**

上郡 秦置高帝元年更為翟國七月復故屬并州縣二十三漢書

地理志。按除十二縣在西馬援兄員王莽時為增山連率後漢

省山西界兼有未詳所在者書援莽改上郡為增山後漢書注隋唐綏州延州漢上郡地通鑑除

膚施高奴陽周定陽四縣屬今延安府淺水縣地屬今邠州雕

陰縣地屬今鄜州餘五縣皆河套地

獨樂 有馬湖峪在今米脂縣北碎金驛康灣之南即故獨樂縣

宋改為永樂

延綏志

奢延 奢延水出奢延縣西南東北流逕其縣故城南王莽之奢

節也

水經注

奢延故城在廢夏州西南

禹貢錐指。按在今榆林府懷遠縣

龜茲 諸次水出上郡諸次山東逕榆林塞即漢書所謂榆溪舊

塞也綠歷沙陵屈龜茲縣西出故廣長榆也

水經注

榆林衛本漢

上郡龜茲縣地北至邊牆十里其外皆戰國雲中九原地也

錐指。按龜茲即榆林府榆林縣也

白土 圓水出上郡白土縣圓谷東逕其縣南王莽更曰黃土

水經

注。按白土縣在今榆林府西北河套中

高望 屬上郡莽曰堅寧

漢書地理志。按高望縣在榆林府北河套中

西河郡 武帝元朔二年莽曰歸新屬并州縣三十六

漢書地理志。按除

二十八縣在山西界兼有未詳所在者

富昌 浦水東逕西河富昌故城南王莽之富成

水經注

富昌故城

在勝州南

延綏舊志。按富昌在榆林府東北河套中

美稷 湍水出西河郡美稷縣東南流入長城東

水經注。按美稷在榆林府東

北河套中又有美稷鄉在山西寧州界乃後漢所徙置非故縣

大成 莽曰好戎

漢地理志。按義熙二年柔然獻馬於姚興濟河至大成即此在榆林府北河套中

鴻門 園水東逕鴻門縣縣故鴻門亭風俗記曰園陰縣西五十

里有鴻門亭

水經注。按鴻門在今米脂西

園陰 園水東逕園陰縣北惠帝五年置王莽改曰方陰

水經注 縣

在圓水之陰因以為名今有銀州銀川即是舊名猶存但字變

耳師古注

圓陽 圓水出白土縣圓谷東逕圓陰縣北又東逕圓陽縣南今

米脂縣有圓陰故城圓陽當在東北禹貢錐指

增山 漢西河郡領增山縣有道出眩雷塞北部都尉治漢地理志

虎猛 屬西河郡西部都尉治漢書地理志。按天鳳元年匈奴至西河虎猛制虜塞下告欲和親

即此在榆林府北河套中

北地郡 領道二縣十一有七縣兩道今慶陽府州縣地 郁郅縣今安化縣 歸德縣今安

化縣兼略畔道今合水縣 馬嶺縣今環縣 陽周縣今真寧縣 泥陽縣今真

寧州 兼義渠道大夏縣皆今寧州 武帝元朔二年收河南地置朔方

郡隸并州刺史後漢因之有縣五前屬北地郡後漢末入西羗

富平 內分置廉縣靈武縣後漢廢今寧夏寧朔平羅三縣兼靈州地界

北地郡 移治永和六年又徙今靈州

靈洲 後廢今靈州界

胸衍 後漢廢今靈州界

胸卷 屬安定郡今寧夏府中衛縣兼北郡地今新渠縣界

方渠 後漢廢今新渠縣界半及寶豐縣

朔方郡 武帝使衛青出雲中以西擊樓煩白羊王於河南遂取

河南地築朔方漢書匈奴傳漢元朔二年置朔方郡使校尉蘇建築

朔方城水經注朔方郡屬并州領縣十漢書地理志除修都一縣未詳所在

三封 河水東北迳三封縣故城東漢武帝元狩二年置十三州

志曰在臨戎縣西一百四十里 水經注。按三封在今定邊縣北河套中

朔方 河水南迳馬陰山西又東南迳朔方縣故城東北詩所謂

城彼朔方王莽以為武符者也 水經注 什貢故城在夏州朔方縣

北即漢朔方縣故城 元和志 朔方縣漢朔方郡治 禹貢錐指。按朔方在懷遠縣

北河套中

臨河 河水東迳高闕南又東迳臨河縣故城北王莽之監河也

水經注 西受降城在豐州西八十里漢臨河縣故理處 元和志 臨河

故城在今榆林衛西北 禹貢錐指。按臨河在今靖邊縣北河套中

窳渾 河水東迳沃野故城南又北迳西溢於窳渾縣故城東武

帝元朔二年開朔方郡治王莽更郡曰溝搜縣曰極武水經注窳

渾故城在今廢夏州西北禹貢錐指○按窳渾在靖邊縣北河套中

渠搜 河水自朔方東轉逕渠搜縣故城北王莽之溝搜亭也水經

注渠搜在廢夏州北禹貢錐指○按渠搜在榆林府西北河套中

沃野 河水東逕臨戎縣故城西又東逕沃野故城南武帝元朔

三年立王莽之綏武也水經注沃野故城在天德軍城北六十里

地理通釋○按沃野在靖邊縣西北河北岸

廣牧 河水東逕臨河縣南又東逕廣牧縣故城北王莽之鹽官

也水經注廢豐州城在榆林衛西北塞外七百里本漢朔方郡之

廣牧縣禹貢錐指



臨戎 河水東北逕三封縣故城東又北逕臨戎縣故城西王莽

之推武也水經注唐永豐縣在豐州西一百六十里本漢臨戎縣

地元和志按臨戎在定邊縣北河套中

呼道 朔方郡領呼道縣漢書地理志按後魏代名郡有呼道縣在今榆林境當即漢縣舊地

五原郡 元朔二年遣衛青出雲中至高闕收河南地置五原郡

漢書武帝本紀秦九原郡武帝元朔二年更名莽曰獲降屬并州領縣

十六漢地理志除勝州榆林縣西有漢五原城通典

九原 河水逕河陰縣故城北又東逕九原縣故城南秦始皇置

九原郡治此武帝元朔二年更名五原王莽之獲降郡城平縣

矣水經注九原故城在勝州西界今連谷縣是史記正義按九原在神木縣北河

北岸

五原 九原縣西北接對一城蓋五原縣故城王莽填河亭也其

城南面長河北背連山水經注。按五原在神木北河北岸

臨沃 河水東逕富陽城南又東逕臨沃縣南王莽之振武也水經

注 臨沃縣在稠陽西禹貢錐指。按臨沃在府谷北河北岸

宜梁 河水東逕原亭城南又東逕宜梁縣故城南闕駟曰五原

西南六十里今世謂之石崖城水經注今在廢豐州東禹貢錐指。按宜梁

在榆林府北河北岸

河陰 河水東逕富陽城南又東逕河陰縣故城北水經注。按河陰在神木

縣北河套中

曼柏 莽曰延柏漢地理志曼柏縣在勝州銀城縣後漢書注。按曼柏在府谷北河套

中

成宜 河水東逕田辟城南又東逕成宜縣故城南王莽更曰艾

膚水經注城在廢豐州界禹貢錐指。按成宜在榆林府北河北岸

稠陽 河水東逕宜梁縣故城南又東逕稠陽縣故城南王莽之

固陰也又北出石門障西北趣光祿城甘露三年呼韓邪單于

還詔送單于居幕南保光祿徐自為所築城也故城得其名矣

水經注。按稠陽在府谷東北河北岸又史記武帝太初元年使公孫敖築塞外受降城甘露三年單于自請願留光祿塞下

有急保受降城城近光祿塞

西安陽 河水東南逕朔方縣故城東北屈南過五原西安陽縣

南注水經 莽曰障安漢書地理志 城在廢豐州東北禹貢錐指。按西

岸河北

河目 河水自臨河縣東逕陽山南南屈逕河目縣左注水經 河目

故城在北假中河北括地志。按河目在懷遠縣西北河北岸以上屬五原郡

沙南 屬雲中郡漢書地理志 河水東過雲中槓陵縣南又東過沙南

縣北注水經 槓陵即廢東勝州其故城在衛西北河東岸沙南縣

在西岸榆林塞外唐為勝州地禹貢錐指。按沙南在府谷東北河套中

定襄郡 屬并州領縣一

桐過 按縣南境今寧武府偏關縣

雁門郡 屬并州領縣四 中陵 樓煩 武州 馬邑

武州

按縣西南境今寧武府偏關縣

後漢

上郡

屬并州領十城

郡國志。按除潦垣橫林侯宮三縣未詳所在

王莽

以馬員為增山連帥歸世祖以為上郡太守

水經注

永初五年西

羗亂詔上郡徙衙永建四年歸舊土永和五年復徙上郡居夏

陽後漢書

建安二十二年省上郡

晉地理志。按漢領獨樂按陽州淺水高望俱後漢省

漢地理志有陽周縣後漢省入膚施高奴二縣綏德州志雕陰

縣後漢為雕陰城仍漢制

奢延

段熲追羗出橋門戰於奢延澤即上郡奢延縣界

鑑注

莽曰

奢節東漢復舊後兵擾邑廢

清澗縣志

白土

龜茲 在上郡銀川之間師古注

同陰 後漢同陰縣屬河西郡郡國志。按同陰今米脂地。又漢西河郡領富昌鴻門增山虎猛四

縣俱後漢省

同陽 後漢同陽縣屬西河郡郡國志。按同陽在今神木地

朔方郡 屬并州武帝置領六城郡國志建武十一年省朔方併

并州二十六年朔方郡民歸於本土永和五年徙朔方居五原

建安二十年省朔方郡後漢帝紀。按漢朔方郡領臨河麻渾渠搜呼適四縣俱後漢省

臨戎

三封

朔方 建武二十六年南單于居河西使右賢王屯朔方  
後漢南匈奴傳

沃野

廣牧 九原本漢廣牧縣地  
元和志。按廣牧在榆林府西建安中僑置於新興郡故縣遂廢

大城 前屬西河郡後漢屬朔方郡  
通鑑注 永元六年鄧鴻追擊逢

侯於大城塞  
後漢書南匈奴傳。按大城在榆林府北河套中

五原郡 屬并州領十城  
郡國志。按除父國河除武都三縣未詳所在 建安二十年省

五原郡徙吏人置河東二十六年五原郡民歸於本土  
後漢書光武紀

永和五年徙朔方治五原  
後漢書安帝紀。按漢五原郡領河陰河目二縣俱後漢省

九原 建武五年盧芳入居九原略有數郡  
袁宏後漢省 永初元年烏

桓冠五原戰於九原高渠谷九原縣名屬五原郡

後漢南匈奴傳并注

五原

南單于使骨都侯屯五原

後漢南匈奴傳

臨沃

宜梁

中省。建安

曼柏

永平七年初置度遼將軍屯五原曼柏在今銀城縣

後漢明帝

紀

成宜

西安陽

沙南

柶陽

永光元年鄧鴻出柶陽塞柶陽縣屬九原郡故城在今勝



州銀城縣

後漢和帝本紀

右後漢至永和以後上郡朔方沒於羗戎

定襄郡

屬并州領縣二

桐過

中陵

桐過

按縣南境今寧武府偏關縣

雁門郡

屬并州領縣三

樓煩

武州

馬邑

武州

古有兩武州其一為州即漢之下落縣今宣府也史曰後

魏置文德縣唐陞武州是也其一為縣即漢之武州縣今偏頭

關地也史曰單于將十萬騎穿武州是也又曰偏關古武州地

北為東勝南為岢嵐所謂火寨溝也

尹耕武州考

魏

晉

愍帝建興之後雍州沒於劉聰及劉曜徙都長安改號曰趙石勒克長安復置雍州石氏既敗苻健據關中又都長安是為前秦乃於雍州置司隸校尉姚萇滅苻氏是為後秦及姚泓為劉裕所滅其地尋入赫連勃勃號曰南臺

晉書地理志

上郡 魏武省上郡朔方五原雲中

晉書地理志

魏省上郡至晉陷戎

狄其後屬赫連勃勃

元和志

朔方郡

統萬城 赫連龍昇七年於奢延水之北黑水之南改築大城名

曰統萬城今夏州治也

水經注

夏州晉為朔方郡晉亂赫連勃勃

建都於此通典。按夏州在今榆林府懷遠縣界又曰忻都在河套中黑水之南

去今鎮城二百餘里所謂黑水故城是也

朔方 姚興以勃勃為安北將軍五原公使鎮朔方十六國春秋按朔方在

今懷遠縣北

大城 柔然獻馬於秦濟河至大城勃勃掠取之十六國春秋大城縣

後漢屬朔方郡魏晉省通鑑注

五原 孝武太元十年劉顯奔五原通鑑。按鑑注五原本秦郡魏晉廢

代來城 劉衛辰為西單于屯代來城十六國春秋。按代來城在榆林府北

北魏

夏州 赫連屈了所都始光四年平為統萬鎮太和十一年改置

治大夏領郡四地形志

化政郡 太和十二年置領縣二地形志 宇文貴從孝武西遷進爵

化政郡公周書宇文貴傳

華融 宇文貴封華融縣侯周書宇文貴傳

巖綠 真君七年名為巖綠寰宇記朔方縣後魏置巖綠縣元和志巖綠

在今懷遠縣界

闡熙郡 太和十一年置領縣二地形志 闡熙故城在今長澤縣西

南二十里元和志。按唐長澤縣即今靖邊縣又隋志益州五原縣後魏置太興郡今定邊縣地

山鹿 按靈徵志夏州上言山鹿縣木連理即此今靖邊縣地

新因 按新因開皇三年廢入長澤縣即今靖邊縣地

金明郡 真君十二年置領縣三地形志。按金明郡今安塞縣地有永豐啟寧二縣未詳所在

廣洛 真君十一年置地形志本漢高奴縣魏太武於此置廣洛

縣屬金明郡元和志廣洛在延州北五十里寰宇記今安塞地

代名郡 屬夏州太安二年置領縣二地形志。按代名郡在榆林境

呼酋 太安二年置有橫水地形志

渠搜 太安二年置地形志。按漢渠搜在廢夏州北即今榆林府西北後魏縣宜在其地

靈州 後魏太延二年置薄骨律鎮孝昌中改置靈州今寧夏府靈州

鹽州 大興郡 後魏置郡今寧夏府靈州兼中衛縣 領縣一

五原 州郡治

上郡 屬東夏州領縣二綏州後魏神龜元年東夏州刺史張郃

於此置上郡元和志

石城 本漢固陰縣地魏晉不立郡縣後魏時置石城縣元和志銀

城縣在神木縣西南四十里本後魏石城縣馮志因城 敷政

縣本漢高奴縣地後魏太和初置因城縣元和志因城縣在安塞

縣西一百三十里馮志

沃野鎮 魏沃野故城在天德軍城北六十里後魏時六鎮從西

第一鎮也元和志沃野漢朔方郡沃野縣也風土記朔方故城後

改為沃野鎮去統萬八百餘里通鑑注按沃野在靖邊縣西北河北岸

五原 皇興二年蠕蠕犯塞及於五原後魏書高祖本紀按五原在神木縣北河北岸

安陽 賀護舉烽於安陽城北後魏書清河王紹傳按安陽在榆林府北河北岸

受降城 真君九年北討至受降城不見蠕蠕因積糧留守而還

後魏書世祖紀。按受降城即漢受降城也

悅跋城 勅勒新民分徙河西劉潔屯五原河北安原屯悅跋城

以備之 後魏書劉潔傳。按悅跋城在榆林北河套中

朔州 本漢五原郡延和三年置為鎮後改為懷朔孝昌中改為

州後陷寄治并地 形懷朔即後魏徙西第二鎮在今中城界元和志。按朔州在今榆林府北河套中

銀城 本漢沙南縣地晉魏此地不立縣邑至後魏為銀城縣地

元和志。按銀城在府谷東北河套中

桐陽 後魏登國九年使元儀屯田五原至於桐陽塞外十六國春秋

新興郡

西魏

夏州 大統二年東魏襲陷夏州留其將張瓊許和守之三年許

和張瓊以夏州降周書文帝紀長孫儉為秦州刺史時西夏州未內

屬東魏遣許和為刺史儉以信義招之和舉州歸附即以儉為

西夏州刺史周書長孫儉傳○  
按西夏州即夏州

弘化郡 即後魏化政郡○錄縣一又後魏有華融縣西魏無考

巖綠 弘化郡治巖綠縣隋書地理志○按隋書李徹傳徹朔方巖綠人宇文護引為親信即此

五原郡 後魏益州大興郡西魏改五原郡置州一

西安州 後改名鹽州隋志



金明郡

按後魏夏州領金明郡領縣三有永豐啟寧二縣無考錄縣一

廣洛隋始改屬延州

長州

廢帝三年改南夏為長州

周書文帝本紀。錄郡一

闡熙郡

長澤西魏置闡熙郡又有後魏大安郡及置長州

隋書地理

志

闡熙故城在長澤縣西南二十三里

元和志。按闡熙郡後魏置或後廢西魏復置

又大安郡無考錄縣三

長澤

東北至州一百二十里本漢三封縣地後魏於此置長澤

縣

元和志。按地形志無長澤縣蓋西魏置又隋志云西魏置西安州後改藍州延綏志云定邊營西魏藍州地即今定邊

縣

山鹿

後魏闡熙郡領山鹿縣

地形志。按山鹿新因隋始廢入長澤西魏時縣尚存

新因

後魏闡熙郡領新因縣

地形志。按地形志後魏代名郡領呼首渠搜二縣至隋始廢

上郡 大統七年稽胡帥夏州刺史劉平伏據上郡叛周書文帝本紀天

和六年使郭榮於上郡延安築咸寧等五城隋書郭榮傳。錄縣二按地形志上

郡亦屬東夏州

銀城 後魏置石城廢帝改銀城元和志。按銀城在神木西南

因城 後魏置後周廢隋書地理志。按因城在安塞縣西

撫寧郡 雕陰郡領開疆縣有後魏撫寧郡隋書地理志 撫寧 西

置隋地理志 開疆 西魏置隋書地理志 外領三縣二鎮河套地

真鄉 雕陰郡領真鄉縣西魏置隋書地理志 真鄉故城在今葭州西

一百里延安府志 真鄉城在雙山堡南三十里延安志

沃野鎮 齊文宣追茹茹於懷朔鎮至於沃野北齊書宣帝紀

五原 大統五年太子自北長城東趨五原周書文

懷朔鎮 齊文宣天保六年追茹茹及於懷朔鎮北齊書

連谷 大統八年突厥從連谷入寇周書宇文測傳

武川鎮 屬朔州按鎮南境今山西寧武府偏關縣

北周

夏州 後魏置夏州後周置總管府隋書地理志

弘化郡 西魏置弘化郡隋初廢隋書地理志。錄縣二又後魏華融縣周無考

巖綠 後魏置巖綠縣貞觀二年改朔方元和志。按巖綠在今懷遠縣界兼在今寧夏

府寧夏縣界

寧朔 寧朔縣西北至州一百二十里本漢朔方地周置寧朔縣

屬弘化郡元和志。按寧朔在今榆林縣界。

金明郡 後魏置金明郡隋廢郡為縣通鑑注錄縣一

廣洛 後魏廣洛縣仁壽元年改金明元和志。按金明郡更有永豐啟寧二縣無考

懷遠郡 本西魏弘化郡後周始置懷遠郡治懷遠縣

懷遠 後周置仍置郡在今寧夏府寧夏縣界

歷城郡 後周置領縣一

建安 周置在今寧夏府寧夏縣

帶普樂郡 後魏靈州地後周置總管府又置郡領縣一

回樂 周署為帶普樂郡治在今寧夏府靈州兼中衛新渠寶豐三縣界

長州 按隋志後魏置長州大業初廢錄郡一

闡熙郡 西魏置闡熙郡開皇三年廢。隋書地理志錄縣三

長澤 按元和志後魏置長澤至隋並因之隋志西魏置藍州今定邊縣藍州地又地形志後魏代名郡領呼酋渠搜二縣

至隋始廢亦在今榆林府界

山鹿 按後魏山鹿縣隋始廢入長澤

新因 按後魏新因縣隋始廢入長澤

上郡 錄縣二

銀城 保定二年移於廢石龜鎮。元和志銀城廢縣在神木縣西南

四十里 明一統志。按隋志作周置石城後改名 因城後魏置後周廢尋又置。隋書

地理志

銀州 保定三年于乞銀城置銀州。周書武帝紀苻秦聰馬城後周置

真鄉開光二郡兼置銀州通典漢園陰地周武宗保定三年分置

銀州因谷為名元和志銀州城在真鄉城西永樂城東又永樂城

距故銀州治二十五里葭州志錄郡二

真鄉郡 真鄉縣西魏置後周置真鄉隋書地理志真鄉郡城葭

州西北一百里真鄉川東柳樹會疑其故址在葭州境內今歸

併榆林葭州志按真鄉在今榆林縣東南一百里

真鄉 縣西州至一百里周武帝保定二年置元和志真鄉故城在葭

州西北一百里鼓樓尚存今呼為圓峯子延安府志

開光郡 後周置開光郡隋初郡廢通典錄縣一

開光 開光縣後周於此置開光郡通典

朔方郡 源雄從武帝伐齊封朔方郡公 隋書源雄傳

五原郡 辛彥之周武帝時進爵五原郡公 隋書辛彥之傳。按朔方五原周時尚為

郡屬縣未詳

永豐鎮 本漢臨戎縣舊地保定三年於此置永豐鎮 元和志

甘草城 本漢廣牧縣舊地其城周隋間俗謂之甘草城

沃野鎮 宇文盛父文孤為沃野鎮軍主 周書宇文盛傳

**隋**

朔方郡 西魏置弘化郡開皇初廢大業初置朔方郡統縣三 隋志

地理志 魏置夏州大業元年為朔方郡隋末為梁師都所據 元和志

巖綠 後魏置巖綠縣隋因之 元和志。按巖綠在今懷遠縣界又兼在今寧夏府寧夏縣界

寧朔 周置寧朔縣屬化政郡隋罷郡以縣屬夏州元和志。又按元和志寧

朔縣西北至夏州一百三十里在今榆林縣西

長澤 西魏置闡熙郡及置長州開皇三年郡廢又廢山鹿新固

二縣入焉大業三年州廢隋書地理志後魏長澤縣屬闡熙郡隋罷

郡以縣屬夏州元和志。按長澤即今靖邊縣又定邊縣磚井堡為隋益川郡地

靈武郡 後周帶善樂郡隋初郡廢大業元年改置領縣六

迴樂 後周帶善樂郡治隋改郡名靈武縣仍為郡治在今寧夏府靈州界

弘靜 開皇十一年置今寧夏府寧夏縣

靈武 開皇三年郡廢十八年更名廣閏仁壽初又改名屬靈武

郡



懷遠 郡廢屬靈武郡

鳴沙 開皇十九年置環州及縣大業三年廢州屬靈武郡在今寧夏

府中  
衛縣

豐安 開皇十年置在今寧夏府中衛縣  
兼新梁寶豐二縣

鹽川郡 開皇初廢郡大業初改鹽州為鹽川郡在今榆林府定  
邊縣碑井堡地

界兼今寧夏  
府靈州界

五原 在今寧夏  
府靈州界

榆林郡 開皇二十年置勝州大業初置郡統縣三隋書地  
理志東至

河四十里北至河五里通本漢雲中五原二郡地隋置勝州治

榆林縣 禹貢錐指。按在  
府谷東北河套中

榆林 本漢沙南縣地歷魏晉及周此地皆無縣邑開皇七年置

榆林縣地西近榆林即漢之榆溪塞因名元和志

富昌

開皇十年置隋書地理志。按富昌在故勝州南今府谷東北河套中

金河

開皇三年置曰陽壽及置油雲縣五年置雲州十八年改

陽壽曰金河二十年雲州移二縣俱廢仁壽二年又置金河縣

帶關

隋書地理志。按元和志榆林關在榆林縣東三十里東北臨河開皇三年置城及關是即金河縣治所也

五原郡

統縣三隋書地理志周置永豐鎮開皇三年於鎮置豐州元和

志煬帝初州廢置五原郡通典豐州城在榆林衛西北塞外七百

里本漢朔方郡之廣牧縣禹貢

九原

開皇五年置隋書地理志本漢廣牧舊地其城周隋間俗謂之

甘草城

元和志○按九原在今榆林府西北河套中

永豐

本漢臨戎舊地周置永豐鎮開皇五年廢鎮置永豐縣

元和

志○按永豐在今定邊縣北河套中

大同城

天德舊城在西城東微南一百八十里其處見有兩城

本是永清柵即隋氏大同城舊理

元和志

開皇九年突厥謀攻大

同城

隋書地理志。按大同城在中受降城西二百二十里今榆林府北河北岸

唐

隋氏改州為郡高祖受命改郡為州自隋季喪亂權置州郡倍於

開皇大業之間貞觀元年悉令併省始於山河形便分為十道曰

關內道曰山南道開元二十一年又分天下為十五道曰京畿關

內道山南東道山南西道舊唐書地理志凡州郡縣無所更置者皆仍隋

舊唐書地理志。按通典京畿道領京兆華陰馮翊扶風新平等郡。關內道領延安榆林五原朔方等郡。而新舊唐書不分行京

畿道仍以關內道統諸郡今仍之

關內道古雍州之境京兆至綏銀等州東距河西抵隴坂南據終南之山北邊沙漠

夏州朔方郡縣三唐書地理志朔方郡隋末為梁師都所據貞觀二年

討平之改為夏州天寶元年改為朔方郡乾元元年復為夏州

元和志

朔方 隋巖綠縣貞觀二年改為朔方縣永徽五年分置寧朔縣

長安二年廢開元四年又置九年又廢還併入朔方舊唐書地理志。按

朔方在今榆林府懷遠縣兼今寧夏府寧夏縣界

德靜 隋縣貞觀七年屬北開州八年改北開州為化州十三年

廢化州以縣屬夏州舊唐書地理志德靜縣西南至州八十里。元和志

靜在今懷遠縣界

寧朔 武德六年置南夏州貞觀二年州廢縣省入朔方五年復

置來屬長安二年省開元四年又置九年省其後又置唐書地理志

寧朔縣西北至州一百二十里元和志。按寧朔在今榆林府榆林縣兼今寧夏府寧夏縣界

靈州靈武郡 唐為靈州又為靈武郡置大都督府屬闕內道開

元中置朔方節度使天寶初復改州為靈武郡十五載肅宗即

位於靈武 領縣五

靈武 移治今寧夏府寧夏縣地

懷遠

今寧夏府  
寧夏縣地

保靜

神龍初更名安靜至德初又改  
今寧夏府  
寧夏縣地

廻樂

今寧夏  
府靈州

溫池

神龍五年置屬靈州大中五年屬威州  
今寧夏  
府靈州

鹽州五原郡

領縣三復置州屬關內道永泰初升都督府貞元

初陷吐蕃九年收復

五原

今寧夏  
府靈州

白池

初置興寧縣屬鹽州景龍初改名貞觀六年復置環州九

年廢屬靈州神龍二年以番擾徙廢

今寧夏府靈  
州兼中衛縣

鳴沙

神龍後移置於廢豐城  
今寧夏府  
中衛縣

威州 咸亨三年置安樂州至德後沒吐蕃大中三年收復改州

屬闕內道 今寧夏府中衛縣

定遠城 先天三年置隸靈州景福初又置警州 今新渠寶豐二縣

麟州新秦郡 開元十二年析勝州之連谷銀城置十四年廢天

寶元年復置縣三 唐地理志 天寶元年王嗣忠奏割勝州連谷銀城

兩縣置麟州其年改為新秦郡乾元元年復為麟州 舊唐書麟州地理志

州在城北六十里本漢新秦地唐置麟州今在塞外 神木縣志

新秦 開元二年置七年又置鐵麟縣十四年州廢皆省天寶元

年復置新秦 唐地理志

連谷 貞觀八年置連谷縣屬勝州天寶元年割屬麟州 元和志 連

谷在神木縣北六十里馮志連谷縣在麟州北十里神木縣志

銀城 貞觀二年置四年隸銀州八年隸勝州唐志舊屬勝州天寶

元年來屬舊唐書地理志銀城縣在城南四十里本魏石城神木縣志

勝州榆林郡 隋置勝州大業為榆林郡武德中復置勝州天寶

元年復為榆林郡乾元元年復為勝州領縣二舊唐書地理志

榆林 勝州治榆林縣本漢沙南縣地西近榆林即漢之榆溪塞

因名元和志。按榆林在今府谷東北河套中

河濱 隋榆林郡地貞觀三年置雲州於河濱因置河濱縣四年

改為威州八年州廢河濱屬勝州舊唐書地理志貞觀三年置河濱縣

東臨河岸因以為名黃河在縣東一十五步渡河處名君子津



元和縣在州南一百九十里寰宇記。按河濱在今府谷東北河套中

豐州九原郡 隋文帝置後廢貞觀四年以突厥降附置豐州不

領縣二十一年廢入靈州二十二年又改豐州天寶元年改九

原郡乾元元年復為豐州領縣二舊唐書地理志

九原 永徽四年於郭下置九原縣又九原本漢之廣牧舊地元和

志

永豐 隋縣武德六年省永徽元年復置舊唐書地理志永豐縣在州西

一百十六里本漢臨戎舊地元和志

安北都護府 本燕然都護府龍朔三年曰翰海都督府總章二

年更名開元二年治中受降城十年徙治豐勝二州之境十二

年徙治天德軍縣二

唐書地理志

天德舊城在西城正東微南一百

八十里其處見有兩城本是永清柵即隋氏大同城舊理去本

城約三里

元和志。按在榆林府北河北岸

陰山

天寶元年置

唐書地理志。按陰山縣在榆林府北河北岸

通濟

安北大都護府領通濟縣

唐書地理志。按通濟在榆林府北河北岸

宥州

調露元年於靈夏南境以降突厥置魯麗含塞依契州謂

之六胡州長安四年併為匡長二州神龍三年置蘭池都督府

分六州為縣開元十年復置魯麗契塞四州十八年復置匡長

二州二十六年置宥州及延恩等縣其後僑治經略軍至德二

載更郡曰懷德乾元元年復故名寶應後廢元和九年於經略

軍復置距故州東北三百五十里十五年徙治長澤為吐蕃所

破長慶四年復置縣二

唐書地理志

廢宥州在鹽州東北三百里在

夏州西北三百里

元和志。按宥州在今靖邊北套中

延恩 開元二十六年以故匡州地置又以故塞門縣地置懷德

縣以故蘭州之長泉縣地置歸仁縣寶應後皆省元和九年復

置延恩

唐書地理志

長澤 本隸夏州貞觀七年置長州十三年州廢隸夏州元和十

五年來屬

唐書地理志

長澤縣東北至州一百二十里

元和志。按長澤在今靖

邊界又定邊縣唐為鹽州五原郡地

中受降城 三受降城景雲三年張仁愿所置也先是朔方軍與

突厥以河為界仁德取漠南地於河北築三受降城以拂雲祠為中城與東西兩城相去各四百里又中受降城本秦九原郡

地元和宋祈曰中城南直朔方通鑑中城在廢夏州北八百里

禹貢錕指。按中城在榆林府北河北岸

西受降城 在豐州西北八十里漢朔方郡臨河縣故理處開元

初為河水所壞十年總管張說於城東別置新城元和志。按東受降城在

山西大同界 西城在豐州北黃河外八十里通鑑 西城南直靈武明

邊考

大同城 自十賁故城十里至寧遠鎮又五十里至安樂戍其東

孺有古大同城今大同城故永濟柵也唐書地理志。按唐大同城在中受降城西二

百二十里西南去永清柵  
五里在今榆林府西北河北岸

東受降城 武德中以隋榆林郡復置勝州天寶元年復為榆林

郡乾元元年復為勝州領榆林河濱二縣舊唐書地理志榆林北直東

受降城山西通志東城南直榆林明九邊考

嵐州 屬河東道領縣一

嵐谷 今山西寧武府偏關縣

五代

唐自僖宗以來日益割裂五代世亂文字不完時有廢省不可考  
其可見者具之如譜

夏州 五代有職方考唐末拓跋思恭鎮夏州世有夏銀綏宥之地

通考。按唐夏領三縣

朔方

靜德

寧朔

按以上三縣皆仍唐舊在今榆林府榆林懷遠兩縣又領州二縣五

懷遠

保靜

靈州

迴樂

鹽州

五原

鳴沙

在今寧夏府寧夏寧朔平

羅中衛新渠寶豐六縣靈州地界

長澤

仍唐舊

麟州

唐晉漢周北漢俱有

考職

方廣順四年北漢麟州刺史舉城

降

通鑑

周顯德二年移壘小堡

元一統志。按唐麟州領三縣

新秦

連谷

銀城

按以上縣仍唐舊

府州

唐莊宗時折從阮招回紇歸國詔以府谷縣建府州以契

丹侵擾移州於留得人堡即今州理漢高祖升府州為永安軍

寰宇記 府州領府谷一縣後唐以麟州東北河濱地置通鑑注

府谷 本河西府谷鎮後唐天祐七年升鎮為府谷縣八年升建

府州續通典 唐末置府谷鎮屬麟州通考

嵐州

偏頭砦 北漢主鈞天會元年城偏頭砦於韓廣嶺之上即今關

城

宋

五季迭興寓縣分裂興國五年天下既一至道三年分為十五路

元豐又析為二十三曰京西南曰永興曰秦鳳曰河東曰利州大

抵宋有天下州郡沿革無大增省宋史地理志 宋為陝西路及河東路

路內夏銀綏監諸郡為西夏所據慶歷初分陝西緣邊為秦鳳廊  
延路熙寧五年為永興等路紹興初置川陝等路富平之敗陝西  
五路俱陷於金

麟州新秦郡 屬河東路乾德初移治吳兒堡縣一  
宋史地 靖康

元年京城受圍割麟府豐三州與夏人  
通麟州在神木北六十

里  
神木縣志。麟州在神木北河套中

新秦 政和四年廢銀城連谷二縣入焉  
宋史地 理志

府州榮河郡 屬河東路本永安軍政和五年賜郡名榮河舊置

麟府路縣一  
宋史地 理志

府谷 府州治府谷縣  
宋史地 理志



豐州寧豐郡 慶曆元年元昊攻陷州地嘉祐七年以府州羅泊

川掌地復建為州政和五年賜郡名寧豐宋史地豐州南至府

州一百十五里西南至麟州一百四十里領寨二九域靖康初

入夏通考。按豐州在府谷東北河套中

夏州 太平興國五年李繼捧來朝得州四夏銀綏宥縣八雍熙

元年復以四州授繼捧自後不復領職方宋史地西夏河南之

州曰夏州宋史西夏傳。按繼遷來朝四州尚領八縣則宥夏等州應復領縣但沿革未詳夏州今榆林府唐

以夏州朔方郡領朔方靜德寧朔三縣而靈州靈武郡領迴樂

靈武懷遠保靜四縣更以統萬城為定難節度使治均屬關內

道唐末拓拔思恭鎮夏州其弟思謙代之遂世有其地歷五代

迄宋其孫繼捧入朝獻地景德間復據靈州傳子德明城懷遠

鎮為興州居之即今鎮城其子元昊僭號陞興州為興慶府又

改中興府遂為西夏國都疆域與宋延慶熙河分界 懷遠鎮

今寧夏府靈州 咸平五年陷於西夏改西平府又名翔慶軍

迴樂縣 皆今靈州地 鹽州 今靈州兼中衛縣 鳴沙時 今中定州

西夏因之 今新定州地 西夏築省兔城後廢 今寶豐縣

宥州 西夏河南之州曰宥州 鹽州 宋史西夏傳。按宥州自唐寄治長澤縣在今靖邊縣界

元昊約張子奭留於宥州即此又定邊縣古鹽州地

雲內州 本中受降城地遼初改雲內州有永濟柵拂雲堆縣二

遼 靖康元年夏人渡河取雲內 宋史西夏傳。按雲內在今榆林府北河北岸

柔服 唐中受降城本漢九原地遼置雲內州領柔服縣 明一統志

寧人 秦漢九原縣地 明一統志

天德軍 本中受降城開元中置天安軍於大同川乾元中改天

德移永濟柵今治是也遼太祖平黨項遂破天德軍 遼靖康元

年夏人渡河取天德 宋史西夏傳。按天德軍在榆林府西北河北岸

東勝州 唐勝州遼太祖神冊元年破振武軍勝州之民皆趨河

東州廢晉割代北未獻復置統縣二 遼史地理志。按遼東勝州即唐勝州舊地尚在河

西岸今府谷東北

榆林 唐勝州治榆林縣後廢遼復置 明一統志

河濱 隋榆林縣地唐析置此縣後廢遼復置屬東勝州 明一統志

金肅州 重熙十二年伐西夏置金史地理志靖康元年夏人由金肅

渡河取天德軍宋史西夏傳有金宿城在府谷縣木瓜園北塞外延綏

志。按金宿即金肅也。在府谷縣北河套中。

落思城 帝征西夏經落思城大掠而還元史太祖本紀。按落思城在榆林府西北河

中套

偏關砦 隸火山軍嘉祐六年廢縣置遼乾亨四年置武寧縣遼

志不載

金

金壤地封疆包東勝接西夏逾黃河復西歷葭州及米脂界又循

渭至大散關並山入京兆絡商州南與宋為表裏金地理志

葭州 本晉寧軍貞元中隸汾州大定二十二年升為晉寧州二

十四年更今名興定二年改隸延安府金史地理志葭州金初為夏

人所踐皇統三年復立軍治後為州正大三年改屬鄜延路一元

統志舊州址在州南二百步馬志。按金志葭州不領縣今據元一統志補縣五

通秦 金正大三年葭州領通秦縣至元六年省入州元一統志通秦

寨在葭州北少西五十里延安府志在雙山堡南一百里延安志。按葭州志

云州西北百里碑記云古定西州也或金宋間置

彌州 金正大三年葭州領彌川縣至元六年併入州元一統志彌川

故砦在葭州北一百四十里延安府志

太和 金葭州領太和縣至元六年併入神木元一統志有舊縣城在

神木縣西南五十里即太和寨也延安府志

建寧 金末葭州領建寧縣本宋銀城縣地至元六年併入府谷

元一統志 建寧堡在府谷西北七十里葭州舊志

吳堡 葭州金正大三年領吳堡縣本吳堡寨元一統志 元豐五年置

吳堡砦改金為吳堡縣延安府志。按宋志有麟州在神木北元一統志云麟州金陷西夏

豐州 屬西京路豐州天德軍遼嘗更名應天尋復金因之金史地理

志

富民 在古豐州境本漢臨戎縣地明一統志。按富民在今定邊縣北河套中

雲內州 屬西京路領縣二金史地理志。按雲內州本中受降城地在今榆林府北河北岸

柔服 金雲內州舊領柔服縣元史地理志 寧人舊縣大定後廢為鎮

金地  
理志

雲川 本曷董鎮後升為裕民縣皇統九年復廢大統二十九年  
復升更為今名

朔州 屬西京路領縣一

鄯陽 婁室戍朔州築城於霸德山西南二十里隸隰州 按金  
志霸德山屬朔州鄯陽縣

元

唐以前以郡領縣而已元則有路府州縣四等大率以路領府府

領州州領縣 元史地  
理志

寧夏路 元滅夏元昊之後宥州隨廢至元八年立西夏中興等

路尚書行省二十五年改置寧夏路尋廢行省屬甘肅行省立  
總管府領州三

靈州

鳴沙州

應理州

右元當統一之後北據朔方五原而兵燹之後土曠人稀故  
朔漠豐雲空建州名

榆林衛 元為米脂地

禹貢  
錐指

豐州 屬大同路唐豐州金為天德軍元復為豐州舊有富民縣

元至元四年省入州

元史地理志。按元豐州仍唐舊  
地在今榆林府定邊縣北河套中



雲內川 屬大同路唐天德軍即中受降城之地金為雲內州舊

領雲川柔服二縣元初廢雲川至元四年省柔服入州

元史地理志。

按唐榆林郡元為東勝地

保德州

屬冀寧路河東山西道

肅政廉訪司

偏頭關

元知院魏賽因不花兵迫孛羅帖木兒扼險偏頭則所

駐之武為武州縣元擴廓帖木兒討孛羅帖木兒紀功於碑曰

移師武之阮塞曰偏頭關 元有偏頭關乃偏頭砦址也隸保

德州嘗置武節將軍樞密院判鎮守

明

陝西布政司

明初立陝西行中書洪武九年改承宣布政使司

領八府一州賈志明置都指揮使領榆林潼關等衛續文獻通考

寧夏衛 河套元末為王保保所據明初追逐之置寧夏府洪武

五年府廢徙其民九年改置寧夏衛遷五方之人實之又增前

中左右共五屯衛隸陝西行都司今寧夏府

寧夏衛 今寧夏縣 寧夏右衛 今寧夏朔縣

平虜所 洪武初置屬寧夏衛 今平羅縣

靈州所 明初州廢改置所為寧夏衛宣德三年移治 今靈州

寧夏後衛 正統九年築舊城置馬花池營弘治十五年置守禦

千戶所正德元年改為寧夏後衛仍以所千總攝之屬寧夏道

今靈州

寧夏中衛 元置應理州屬寧夏路明洪武初州廢三十二年建

寧夏中衛屬陝西都司 今中衛縣

寧夏衛地 宋初置定州西夏因之元廢 明志定州城在衛北六十里又曰有田州城在

衛北六十里今縣在田州塔南田州蓋定遠之訛也。今新渠縣

寧夏衛地 宋定州地西夏築省嵬城於此後廢明寧夏衛地 今寶

豐縣

榆林衛 屬陝西都指揮使 賈志明初為榆林莊本綏德衛屯所東

勝失守始築榆林城成化間余子俊移綏延鎮於榆林莊置榆

林衛分東中西三路為守中路屬鎮城堡十東有雙山常樂西

有保寧響水波羅懷遠威武清平至歸德魚河則在鎮南西路

堡十有龍州鎮靖鎮羅靖邊寧塞柳樹澗安邊磚井定邊鹽場

圖書編

河套元末為王保保所據明初追逐之築東勝等城正統

間失東勝退守黃河套中成化八年築榆林三路邊牆遂棄河

守牆

九邊考

天順二年毛里孩等始入居河套漢朔方五原二郡

遂不登版圖

禹貢錐指

偏頭所 偏頭關漢武州縣地東連了角山西連黃河隔河套裁

一水關東仰西伏故名 元有偏頭關明洪武二十三年鎮西

衛指揮張賢改築於西原城近河坪去故址一里方三里餘高

三仞厚二仞門樓三設關置守備專勅守關轄堡一十有八關

以東為馬站為八柳樹為老營東北為小營為水泉北為寺塢

為滑石澗西為樺林為樓子營為羅圈為楊冕為唐家會為五花營為得馬水為灰溝東少南為永興東南為八角為長林大邊在關北一百二十里起大同之崖頭至黃河七十里無牆而有界成化元年都御史李侃展拓周九里八步高二丈三尺三年總兵王璽復於關北六十里起老營了角墩至老牛灣築牆二百四十里號二邊而三牆則在關東北三十里起石廟兒至石梯墩凡七十里嘉靖九年副總兵李瑾築四牆在關北二里起鷹窩山至教場一百二十里正德十年兵備道張鳳翔築後復以時增修 明弘治十四年以後寇住套中地勢平漫偏頭關逼近黃河焦家坪娘娘灘羊圈子地方皆套部渡口往來無

虛日保障為難項忠覆鄧亨邊關疏偏頭最為緊要寧武關次  
之雁門又次之但山川聯絡烽火接連一處有警彼此皆懼三  
邊總督王之誥防秋疏延寧二鎮沙漠平行哨卒無所趨避故  
套中動靜皆得預知宜與山西偏老互相傳堡

本朝

陝西布政司

國初因明之舊左右布政使司領八府一州康熙二年以右布政司  
分管臨洮鞏昌平涼慶陽四府駐劄鞏昌府裁衛所八十五五  
年改為甘肅布政使司移駐蘭州行都御史臺治焉領四府九  
州二十八縣雍正三年裁行都司及衛所增四府曰甘州涼州

寧夏西寧又分鞏昌州縣置直隸州二曰秦州階州又改肅州

為直隸州改衛所設州縣寧夏府地則接河套

寧夏府 明設五衛

國

初因之順治十五年以前屯衛併入寧夏衛以中屯衛併入右衛

隸寧夏道雍正三年陞為寧夏府領州一縣六

背名山而面洪流左河津而右重塞

夏京都頌

左距豐勝右帶蘭會

舊志

黃河繞其東賀蘭聳其西西北以山為固東南以河為險

一統志

東

起鹽場西盡中衛

三大征考

帶河梁之重阻奠屯戍之基張

曹璉朔方形勢賦

方

按寧夏之境賀蘭環於西北黃河繞於東南地方五百里山川

險固土田肥美溝渠數十處皆引河水以資灌溉歲用豐穰而

烏白花馬等池出鹽甚多度支收糶其利又足以佐軍儲誠用武之要會雄邊之保障也

寧夏 明置寧夏五衛

國 初順治十五年併前衛入寧夏衛雍正三年裁衛改寧夏縣附郭  
寧朔 明寧夏右衛

國 初順治十五年併中衛入右衛雍正三年裁衛改寧朔縣附郭  
平羅 明洪武初置平虜千戶所屬寧夏衛

本 朝為平羅所雍正三年裁所改平羅縣

黃河流於東南賀蘭峙於西北當北面之衝鎮遠闕黑山營洪廣

營實為外險

九邊考



靈州 明初州廢弘治十五年置守禦千戶所正德元年改寧夏

後衛仍以所千總攝之屬寧夏道

國

初因之雍正三年改為州並省寧夏守禦所附入

西陲巨屏朔方

志 北控河朔南引慶涼黃河為帶金積如礪他如峽口螺追遙峙

西南馬鞍東山環抱東北舟車駢會壤接平慶誠寧鎮之控扼實

闕陝之襟喉舊志

中衛 元置應理州屬寧夏路明洪武初州廢三十二年建寧夏

中衛屬陝西行都司

國

初因之雍正三年裁衛改為中衛縣

左聯寧夏右通莊浪東阻大河西據沙山前有大河之險後接賀

蘭之固元史邊陲要路朔方志

按中衛誠要地也說者曰賀蘭雖稱天險而通城隘口甚多自鎮闕墩至勝金闕之九十餘里皆敵騎出沒之處若備觀音口鎮闕墩至黃河百八十里之邊則內而廣武玉泉大壩亦得所捍禦矣

新渠 明寧夏衛地

初因之雍正四年建縣曰新渠其地近名查漢托護

南接寧夏北連寶豐西近平羅東逼黃河備外夷最險要新渠縣記

寶豐 明寧夏衛地

初因之雍正四年建縣曰寶豐其地在省菟城西近名查漢托護府北河側之灘也土地膏腴舊未

國

國

開墾時為寧夏民樵牧之所康熙三十六年套夷渡河漸徙而南鎮城僅半舍四十八年鎮臣始令徙出

地勢平曠土脉蜿蜒係賀蘭之盡幹背山面河滌洄環抱高闕聳

峙於河北昌潤繚繞於城南

寶豐縣記

按舊志河自南來入青銅峽與山相會出峽口北流三百餘里又與山會而夏地色絡其中可謂四塞險固矣西夏據此二百餘年雖經韓范經營不能恢復雖曰繼遷元昊梟雄難制亦以所憑恃者險也有明中葉河套盡失而黃河以西賀蘭以東屹然保障此亦據險以守之明驗也

康熙二年右布政移治甘省左布政仍駐西安領西延鳳漢四府興安一州雍正三年改西安府屬商同華耀乾邠六州延安府

屬鄜綏葭三州直隸陝西布政司九年又改榆林衛為府榆林  
綏葭地皆接河套

榆林府 領縣四

榆林

本榆林堡地

明東路雙山堡屬神木道中路常樂保寧歸德四堡

仍屬榆林道

國

初因之雍正九年並五堡置榆林縣為榆林府治

懷遠 明中路懷遠波羅響水威武清平五堡屬榆林道

本

朝因之雍正九年併五堡置懷遠縣屬榆林府

靖邊 明西路靖邊寧塞鎮羅鎮靖龍州五堡屬靖邊道

本

朝裁靖邊道改屬榆林道雍正九年併五堡置靖邊縣屬榆林府

定邊 明西路定邊鹽場磚井安邊柳樹澗五堡屬靖邊道

本

朝裁靖邊道屬榆林道雍正九年併五堡置定邊縣屬榆林府

綏德州 明隸延安府領米脂一縣

國

初因之雍正三年以綏德州直隸陝西布政司又撥延安府之清

澗縣隸州領縣二

米脂 明隸延安府綏德州

國

初因之雍正三年州改直隸縣仍屬焉

清澗 明隸延安府

國

初因之雍正三年升綏德為直隸州以縣境接壤於州故撥隸焉

葭州 明隸延安府領三縣

國 初因之雍正三年以葭州直隸陝西布政司仍領縣二

吳堡 明隸延安府葭州

國 初因之雍正三年州直隸縣仍隸州

神木 明隸延安府葭州

國 初因之雍正三年州改直隸縣仍屬焉

府谷 明隸延安府葭州

國 初因之雍正三年州改直隸縣仍屬焉

明置山西承宣布政使司領太原平陽大同潞安四府澤汾沁遼

四州置山西都指揮使司領太原左太原右太原前振武平陽

潞州鎮西七衛保德州寧化沁州汾州四所又置山西行都指

揮使司領大同前大同後大同左大同右天城陽和鎮虜玉林  
高山雲川朔州威遠安東中屯十三衛山陰馬邑二所置山西  
按察司分冀寧冀南冀北河東等四道兼察諸府州衛所三司  
並治太原而行都司則分治於大同萬曆二十三年改汾州為  
府

國

朝因之康熙四年裁冀南冀北道雍正二年析太原之平定忻代  
保德平陽之解絳吉隰為直隸州以壽陽等縣分隸三年改置  
朔平寧武二府設右玉等縣

寧武府 明初置寧化守禦所成化二年立寧武關置守備嘉靖  
十九年以寧化所隸為二十二年置三關鎮守總官兵駐寧武

國朝為寧武營雍正三年改設寧武府統縣四 寧武附郭偏關 神

池明神五寨明五

偏關縣 明偏頭所設關

國朝雍正三年改偏關縣地接河套

河套志卷第二終



河套志卷第三

商邱陳履中執夫纂定

宜興儲大文六雅參閱

山陽邱 燾誠齋

校訂

同懷弟履平坦齋

寧夏鎮所屬沿河套南邊城堡

靈州

橫城堡

在州東北七十里北至邊牆閘門一里城周二里設官兵戍守堡西三里即黃河渡處堡在河東岸即紅城子也出

閘門三十里有夷漢市場。寧夏河東首堡河套之長城西北角自此始寧夏至此四十里黃河石嘴至此二百里自此向南

三十里則  
紅山堡

紅山堡 在州東北六十五里北至邊牆閣門一里城周二里○東南五十里

清水營堡 在州東八十里北去邊牆閣門一里明正統年建城周二里隆慶五年設馬市於此○州東一百六十里有泉

甘冽明嘉靖間總制劉天和言套人出入必飲馬於此請築鐵柱泉堡高大色其泉於堡中以兵守之其旁石溝有鹽池○東

南七十里至毛卜喇堡四十里

興武營閣門 在州東北一百四十里○東六十里

安定營閣門 在州東北二百里過此則高平堡○東南六十里至花馬池

花馬池 寧夏鎮界至此止過此即延綏所屬定邊甘肅東南界至此止過此則安西界自此向東三十里則鹽場堡○河東

故牆自黃河嘴至花馬池長三百八十七里花馬池城北六十里東新牆自橫城至花馬池長三百六十里

里明總制王瓊築長城闕溝壘長五十里闕上有樓高聳雄壯

下設閣門外立市場番漢交易月三次守備監市營兵防守

延綏鎮所屬沿河套南邊城堡

榆林府定邊縣

鹽場堡

寧夏花馬池至此三十里自此而東四十里

定邊堡

東四十里

磚井堡

東三十里

安邊營

東四十里

柳樹澗堡

東四十里

靖邊縣

寧塞堡

東四十里過大湖灣石碑澗

靖邊營

東四十里

鎮羅堡 東四  
十里

鎮靖堡營 東四  
十里

龍州城堡 東三  
十里

懷遠縣

清平堡 東四  
十里

威武堡 東南四  
十里

懷遠堡 雍正九年改縣城 東北四  
十里

波羅堡 東南四  
十里

響水堡 東北四  
十里

榆林縣

保寧堡

東北三十里

榆林衛

榆林城守營。北十里紅山寺。

紅山市

東三十里

常樂堡

東南四十里

雙山堡

東南四十里

葭州

建安堡

東四十里

高家堡

東南四十里

神木縣

柏林堡

東四十里

大柏油堡 東南四十里

神木協 即縣城南四十里

永興堡 東四十里

府谷縣

鎮羗堡 東南四十里

孤山堡 東南四十里

木瓜園 東南三十里

清水營 東十五里

黃甫川堡 東至黃河二十五里過河即山西保德州河曲縣界延綏鎮之沿河套城堡至此止

寧夏鎮所屬六堡共五百里

榆林鎮所屬三十一堡共一千一百二十里

共計一千六百二十里諸城堡之建置皆註於後

橫城堡河東城堡自此始長城之馬頭河套之津口也自堡而東  
 統凡城亘四百里直接於此徐廷璋王瓊所設施者也堡之迤北  
 長城西盡處河堰水漲則土牆皆傾水落則平地盡出初築起於  
 黃河東岸石嘴草茂之地二百餘里悉築於中王瓊縮邊橫城美  
 地棄之於外瓊能議子俊之非而不自見其失也迤東南三十里  
 踰馬鞍山為紅山堡矣明成化間巡撫徐廷璋築長城起黃河嘴  
至花馬池止三百九十里凡水草便利處  
 皆築之於內使夷絕牧積沙之地築之於外使夷不廬及瓊改築  
 新邊起於橫城又失築邊初意矣瓊議余子俊城榆林曰失策正  
 在於此是明於議人暗於議己也橫  
 城在官津下流三里許堡有守備

紅山堡極衝要之地也城若彈丸兵尤寡弱又南五十里則至清

水堡矣

堡城周一里有把總南至臨河堡三十里則寧夏之大路也

清水堡城不寬而藝廠在其北明於此撫套彝令互市之地設官

分職以蒞其間置市於橫城尤為非策蓋橫城為寧夏轉輓之咽

喉不可信藝之果革心也

明制營屬右司設守備兵六百馬一百六十今套中之互市不及西寧榆林紅

山之多蓋鹽鉄皆套中所有鹽池在套內產鉄在麥朶山也米麥雖禁民皆以此交易藝無他物止有馬耳其馬非老即疲常以驢

易猶不屑焉其駑可知寧夏靈州之輓粟切近橫城向東南至毛卜喇堡四十里又三十里至興武營矣

興武營寧夏之中路營也寧靈之重地平慶之要藩北列長城南

連山麓野無青草田不蓄畜其地土沙相半剝落邊牆不堪保障

不可不防迤東南則安定堡矣

寧夏在西北靈州在西南平涼在西慶陽在南河套當明時常防瓦



刺及挿漢入套套藝大受其患多內附以求其援既而挿漢數侵內地邊兵莫當其鋒此乃寧夏之中路內有游擊東至永清堡三十里又東南三十里至安定堡

安定堡地勢同於興武而城外之飛沙特多城同黑子而閤門出

入可不防耶東南一帶高平三十里則至花馬池營矣

城周二里故曰黑

子閤門在西北即河套堡有守備

花馬池城古蓋州地寧夏之東路營也平固門戶環慶襟喉定邊羽翼不但榆林之接壤寧夏之邊衝而已其地勢漫衍彌望平川乃四通八達之處明總制常駐於此其為重地與他營千萬焉洪武改建寧夏衛亦以為重鎮即有寇鈔不過河西一帶自正統以後駐牧套內而患乃更在河東其禍切備急者則尤在花馬池必

花馬池之備密而寧夏之肩背始可稍息何也河西所當備者若  
洪廣若玉泉若廣武若中衛雖皆為窺伺之所而猶山溪隔礙有  
險可憑花馬池則川原平曠北騎馳突於此最易由花馬池而西  
則興武營興武營而西北則為靈州靈州居寧夏之中迫近大河  
其南與固原邊相接靈州者實南北之喉舌而花馬池則靈州之  
門戶也舊花馬池在塞外故邊所環甚寬自王瓊改築今城而邊  
城亦縮為花馬池之患瓊實貽之南有鉄柱泉自邊外入獨此有  
水往者彝患犯此最多自築城環水其中又築梁家泉等堡重關  
疊險而隣境皆安自城而東南三十里則榆林鎮屬鹽場堡矣涼平  
固原在西以其城為大門慶陽環州在南二百八十里定邊營在  
東南七十里舊花馬池今在套中舊城故邊成化間余子俊奏築

今城新邊皆嘉靖間王瓊所築新舊二城皆守則如雲中大邊小邊之設藩籬益厚矣乃撤舊邊而專守新邊已為失策長城關在城北六十步關外有那吞井可腦兜鉄柱泉在城西南九十里泉廣數百步可飲萬馬彝由定邊之乾溝而入數百里止有此泉從此飲馬或由清沙峴犯安定會寧金縣或散掠寧夏或長驅平涼鞏昌間正德間總制劉天和築城周四里環泉於中使彝絕飲因名鉄柱泉又於鉄柱之南百里亘東西為牆整於梁家泉築堡於甜水紅柳榆林等泉築牆於史把都韓家長流等水源俱據守之於是藝進為新邊所扼退為大邊所邀每失利嗣是寧夏皆無彝患矣此城寧夏之東路城有副戎

鹽場堡延寧之錯繡地也西接花馬池東連定邊營沙塞平原之地雖有鹽池而堡內自古無兵四野毫無田畝及鎮榆林而堡始設亦定邊花馬池之亭候耳北則河套限於一牆邊外風沙牆皆

湮沒東四十里則定邊營矣

延綏鎮之西路自此始花馬池在西三十里堡有鹽池周三里許中有井

灌水其中越宿成鹽故堡名鹽場也明成化八年巡撫余子俊移綏德之延綏鎮於榆林乃置增三十六城堡及將河套築之於外

延綏鎮之西起於  
此堡盡於黃甫川

定邊營隋之鹽州地唐之五原郡地也南通石澗北枕塞垣營西

郭外南北二沙挑之復塞明制文有監司兵有三千今去兵十之

七八矣東五十里則磚井堡

秦時屬北地郡隋因其近鹽池置鹽州郡唐為五原郡置都督府石澗池

堡在南一百里邊牆在北五十步明總兵李琦與黃台吉戰於高梁為藝所圍琦出奇勝之明制兵三千七百名營有副戎為延綏

西  
協

磚井堡宋之鹽州地也南接新興而梁山溪水隔之北望忻都而

長城烽燧障之自堡而東依山臨塹有險可扼然西接定邊相去

五十里疏遠空虛堡在平川垣頽兵寡自堡而東南則新安邊沿

邊而東五十里則舊安邊矣

磚井者古有井而以磚甃之堡南有冢嶺俗呼南梁山忻都古城在套內

堡東北五十里漢用兵之地明制兵八百五十名今一百一十名堡有守備邊牆在北一里

舊安營邊宋之鹽州地也俗謂之深井明初置城石彪轉戰而成

功立威地也余子俊以平漫沙漠難以築濬邊濠不利士馬出入

乃於中山坡改築新營所謂新安邊也王倫仍改守此明制兵近

三千新營且有六百今一百三十名東南四十里則柳樹澗矣正統

二年置營天順二年彝寇邊命大同總兵官石彪往禦之彝戰於安邊追至昌平墩大敗於野馬澗平坡墩轉戰六十餘里斬鬼力

赤擒獲無數成化十年置新安邊於中山坡北至邊牆六十餘里巡撫王倫以舊營切近大邊東連寧塞西接磚井比之昔年孤懸

者不同乃復守此營南至新安邊六十里北至大邊一里

柳樹澗堡宋之夏州地也明余子俊南移永濟則定邊寧塞益以

孤危董威復移於此自堡以東無險可據而堡與寧塞為延安門

戶套藝居常小竊秋高大舉率多由此誠吭嗑也東四十里則寧

塞堡矣

永濟堡在南三十里嘉靖末巡撫董威復移永濟堡守此明制兵一千八百名堡有守備北至邊一里

寧塞堡古之栲栳城也堡在山原明移三岔堡兵守此西南有把

都河堡河之北有蓮華山順寧川金湯川鶯窩山河之南有架砲

山旗杆山亭燧存焉皆希文范公之遺蹟也東至四十五里則靖

邊營矣

把都河在西南三十里蓮花山順寧川在南十五里金湯川鶯窩山在西南三十五里堡有守備

靖邊營宋之兀刺城也延安遠在其南長城近列於北明撤內地

兵以守此非以其衝要乎東西有哨馬營而南之黃花城以及收

麥城范老闕皆文正公所經營者營即保安軍也其為重也宋且

如此明兵十陪今有遊擊兵二百東至四十里則鎮魯堡矣

元刺宋所

築之城也即今哨馬營在延安府南三百二十里大邊在北一里  
明移保安縣兵屯此哨馬又謂之范將軍馬營文正公舊跡也黃  
花城在西南五里即黃河古戍也營城外有收麥河渡永濟  
橋明制文有監司兵二千二百六十名今有遊擊兵二百名

鎮魯堡宋之夏州地也明初未嘗有堡因鎮靖靖邊東西遼澗而

置堡適中城小而當要塞東四十里則至鎮靖堡矣鎮虜今易名鎮羅鎮靖靖

邊相去八十里堡周三百有七丈明制兵四百四十名今五十名居人偷耕於邊外堡有把總北至大邊半里

鎮靖堡即白塔澗也南有蘆關延水出焉明初謹守塞門繼之進  
軍筆架余子俊移至於此地利失矣兩為波臣再為刀俎死者數

千東四十里則龍州城矣堡又名白灘兒塞門筆架亦城名嘉靖五年大水入堡四十二年又為水滄套

蕩於嘉靖四十年陷堡殺掠二千餘人四十三年又為所陷明制  
兵二千五百名今一百二十名堡有守備南至延安府三百里北

至邊  
二里

龍州城漢之龍州地宋之石堡塞也范文正公於此置馬營境有

龍城關北近邊堵南為延安城乃延境首衝今鴉兒巷腦四面天

險建城堡以扼吭喉足資保障城南有宜家畔慌忽都河乃無定

河之上流也堡之溝澗良多善用之則為險不善用之則為害東

三十里則清平堡矣邊牆在北四里延安府在南三百里堡在平

至此與堡之恍忽都河水合會南流蓋大謂之無定河水中之沙

人馬踐之多陷沒深淺不一故名無定且水急流之際時或逆上

如海潮唐人詩中皆指此也明

制兵五百六十名今有五十名

清平堡漢之白土縣地也舊名磚營兒堡在高原而城外之沙常

陷車騎距邊甚遠東至四十里則威武堡矣嘉靖十五年堡為套

堯所陷鮑河在邊

外五十里其水貫牆而入址岸傾圯水淺則平沙漫衍白落城在

西六十里卧牛城在南七十里明制兵二千二百名今一百名



威武堡即響鈴塔也北有威武關堡以為石堡在上阜明始繕城  
置戍牛心在其東赤水峙其北依山阻險之地也南有狄青原武  
襄之所駐兵於此奏膚功者猶在邊堵未築之先可知榆林之邊  
固無益於守也東南四十里則懷遠堡矣成化五年巡撫王銳撤  
大兜鵲堡兵守此成化  
二年毛里孩入寇繼兵楊信戰於狄青原大勝之其時並未築邊  
且能戰勝固守及邊已築人心懈怠彝人入犯未有如此之甚者  
明制兵六百五十名堡北  
去邊四里今兵五十名

懷遠堡即白家梁也梁在山嶺城如黑子明移土門軍守此山下  
苦水川合圍水而東乃無定河也東北四十里則波羅堡矣城周  
二里

明制兵七百四十名  
今兵一百一十名

波羅堡因有波羅寺故名依山築城南通綏德北跨馬鞍東控土

門西引三捷然沿邊之外沙高於牆無定河可以為隍馬不能徒涉所防常在冰堅水淺時亦不足恃東南四十里則至響水堡矣

綏德州在堡南二百五十里馬鞍山在北五里土門寨在東十里三捷關在西二十里邊城在北十三里為延綏中協副戎所駐今馬步兵共六百六十名

響水堡漢之固陰地也堡近黑河東連歸德南通魚河綏德在於西南榆林出於西北唯北甚遠於邊苟有緩急恐亦無及明已移

軍平彝及余子俊復移守此堡東北四十里則保寧堡矣

魚河堡在南七

十里綏德州在西南二百里榆林鎮在東北六十里邊牆在北七十里正統初已移守平彝堡成化間余子俊又移復明制兵八百

名今兵一百名

保寧堡古梁城也西接榆溪東引響水魚河直其南紅山通於北

切近長城大川口版築雖堅而風沙特甚夫堡與長樂實扼歸德

魚河大川之衝雕陰上郡在在可虞明常移波羅之兵守此堡為

水澤之區邇來瀦水漸涸馬無所飲東北則紅山寺東三十里則

至榆林衛矣

波羅在西八十里紅山市口在邊外三十里長城在北一里大川口在西二十五里堡在平北明制兵一

千三百名今兵一百名

榆林衛榆溪舊塞也春秋時屬北狄地秦屬上郡漢為雲中九原

地隋為榆林郡地歷代無所建置明失東勝而守綏德此其出哨

水頭耳城築於王正鎮移於余子俊且東西繕三十六堡塹山湮

谷築河套於外而重兵反屯於內呼為雄鎮東倚駝山西限榆溪

北距邊堵南引銀州其城三面憑山一面臨水可謂天險然東南

山阜參差林木隱蔽沙峯置樓則高與城埒攻擊可虞也其海潮

寺逼居城下掘地可虞也夫榆林貪功習戰之士多務本力田之

人少山磽地瘠芻糧不充皆仰給腹裏萬一敵掠魚河餉道阻遠

得無坐困此榆林第一慮也北十里則紅山寺矣秦使蒙恬築長城畧河南拓榆

中千里屬之上郡今河套即河南而榆林所屬皆古榆中也漢為雲中九原又謂之五原綏德舊亦無鎮因東勝失而退綏德也正

統間總兵王正始築城成化八年余子俊移綏德之兵於榆林而榆林始有延綏鎮矣城東有駝山城半築其上呼榆林為駝城云

獐河之水迎隍塹於城西合榆溪之水流入紅石峽遶城帶過所謂一面臨河也北六里有紅山其上有款貢城邊堵在焉又北二

里為紅山寺漢彝五市處也城南一百四十里為銀州關即古銀州地榆溪無定二水皆南流至銀州關而合明時有巡撫今唯總

戎三營馬步守兵二千六百名有都司守兵五百名南至歸德堡四十里東至常樂堡四十里

紅山寺為款河套而開也始於隆慶迄今而未有已者市口有城

開市有日貨物有禁明制一年無犯許市一年而朝歛夕寇不知

其幾且族類不一南由榆林四十里則至常樂堡矣

明隆慶五年吉能乞貢遂

開市於紅山今市口有城不屋而穴正月望後開間日一市往市者烟茶梭布棉布緞藍所禁者軍器米麥糞所至者馬牛羊各皮毛而明時一歲止一易賞以萬金昔元昊謂我戎人本事鞍馬而以資鄰國易不及之物非策也爛泥灣在市外鎮軍採草地今套

套住牧南至榆林十里西至保寧三十里

常樂堡漢之榆溪也舊堡在南沙蹟無水弘治間移至岔兜河即

今堡為西接榆林東接雙山葭州在其南邊圍當其北塞外飛芻

踰垣而入雖有獐水淺不可隍堡南駕鴛河水草大善鎮之芻草

咸賴為東南四十里則至雙山堡矣

成化間築舊堡於南二十里弘治二年巡撫劉忠改築今

堡榆林在西三十里葭州在南一百四十里長城在北半里獐水出本堡而塞外葫蘆海之水南流而至與獐水合流入紅石碛邊

外白崖河乃鎮軍之水草地為套藝住牧  
明制兵六百六十名今兵一百一十名

雙山堡漢之真鄉縣地也初築堡於水地灣成化中移至今堡堡

在山岡有險可守南接葭州而府谷吳堡亦皆密邇而大川當米

脂之衝則北門鎖鑰長塹在北依山阜而少風沙邊外邵家梁美

地嘉草皆為套藝住牧東南四十里則至建安堡矣

正德二年築堡水地灣余

子俊移於今堡撤西南之柳樹會兵守之葭州在南九十里府谷縣在東南吳堡縣在南邊牆在北十里明制兵六百六十名今兵

名一百

建安堡漢之固陽縣地也古未有堡余子俊始建今堡南有建安

關南直黃河北限障塞堡在山畔然擡覆山之水貫邊而入自堡

而東岡阜交錯蜿蜒四百餘里東路之固固在險也東四十里則

高家堡矣

成化十年始築堡黃河在南一百五十里蓋黃河自寧夏北流而東幾二千里折而南流貫大康延安之間故

延綏東路南近黃也東路之北則為河套河套之北亦為黃河者水之曲折也邊牆在堡北五里臺甃山水自邊外而入徑堡而南

為禿尾河明制兵六百六十名今兵一百二十名

高家堡唐之豐州地宋之飛鴉川也堡在平原南通葭州北限隍

陘萬戶峪在南趙保吉之衆從此犯麟州幽陵在北唐開元中置

也南有彌勒川衆水所會也東四十里則柏林堡矣

葭州在南一百六十里邊

牆在北三里萬戶峪在南一百二十里李繼遷宋賜姓名趙保吉麟州即今永興堡幽陵都督府在堡東五里彌勒川宋置有彌勒

寺塞下有金剛溝皆永利河水之所經也明制兵一千六百名今兵一百四十五名

柏林堡唐之勝州地也因其地多產柏以名堡從未有風塵之警

得山原地利之勝南跨黃河北距塹壘而塹外之耿波黨把漢波

黨淪為異域久矣雖有野灣之水曾不濡馬足東四十里則大柏

油堡矣

黃河在南一百二十里邊牆在北二里耿波黨及把漢波黨皆地名在河套野馬灣亦在河套其水自堡西流入高

家堡明制兵六百三十名今兵一百一十名

大柏油堡唐之麟州地也堡在山嶺水環城外寇竄交攻而相安

於無事非河山之助耶南黃河而北長城與柏林堡同南四十里

則神木縣矣

城外東西二水俱自邊外而入黃河在南二十里大邊在北三里明制兵四百六十名今兵一百名

神木縣漢之光祿塞魏之朔州隋之豐州宋之神木塞地也明因

宋而為縣城在平原南界黃河北距市口河口堡則水濱之捍衛

也秦漢唐之郡縣皆湮於套中而塞外之象竄相與互市同於紅

山南四十里則永興堡矣

縣西有古松二枝因以為名元亦於此置雲州明始為縣而名則因宋為黃河



在南一百二十里邊城即在北漢之光祿塞唐之麟州故城及連  
峪城秦之新秦縣唐之靖寇塞惠寧堡元之銀州舊城俱在邊外  
為藝住牧明制兵三千四百名今兵五百一十名

永興堡隋之連峪縣地唐之麟州郡地也宋亦謂之黑城南近黃

河北連長塹明時套藝侵犯而堡獨存者在山原以險為固也宋

欲廢州為塞且欲棄之歐陽修曰城堡堅完地勢高峻天設之奇

險可守而不可攻其至黃河府州各百餘里不可棄也東四十里

則鎮羗堡矣

黃河在南北十里邊城在北十三里府州今黃甫川  
在東南一百二十里明制兵一千一百名今兵一百

一十  
名

鎮羗堡唐之麟州地也明初守東村繼而移堡於此西抵府谷北

統長城堡在山原百年無兵戈東南四十里則孤山堡矣

府谷縣  
在南八

十里大邊在北十里明制兵  
七百名今兵一百一十名

孤山堡即孤圪塔營也南接府谷北限長城與鎮羗同為東南四

十里則木瓜園矣

府谷縣在南四十里大邊在北十五里  
明制兵二千六百名今兵一百二十名

木瓜園堡唐之勝州地也東路城堡獨木瓜園置於後府谷在南

而近長城在北而遙奔走守望何以不勞堡有山巔城小而荒東

三十里則清水營矣

成化十六年始置堡弘治十三年始屯兵府  
谷在南五十里長城在北四十里明制兵八

百八十名今兵  
一百二十名

清水營唐之勝州地宋以屬府州西南府谷東北長城明初以黃

甫川而屬於營長邊盡於營之紫城塞踰河則山西界全秦之邊

盡於是矣清水城在山坡當極衝之地東南十五里則黃甫川矣

成化二年城移府谷之兵守此府谷縣在西南八十里明制兵一千一百名今兵一百名

黃甫川唐之勝州宋之府州地也明初隸於清水而開闢置戍為

城在山畔東濱黃河南隣府谷北近長城西北清水一河之隔即

奇嵐之樓子營也黃河從東勝州柳而南流經堡之東則向保德

州潼關而去矣黃河天整然冬寒冰合萬馬可渡故延綏他堡只

防套彘唯此堡則防他寇為小堡互市同於紅山延綏沿邊之城

堡實止於此

天順間堡猶隸清水弘治中始設關黃河在東二十五里府谷縣在西南九十五里北邊在北二十里清

水營在西北十五里奇嵐堡乃唐家會渡直達偏頭關又東渡河

逼近殺虎口故堡與山西界但隔一河耳明制兵一千六百名今兵一百九十七名

寧夏鎮所屬六堡共五百里

榆林所屬三十一堡共一千一

百二十里總計一千六百二十里此皆河套之南邊北抵黃河  
有三四百里者有八九百里者雖寬窄不等大畧河套內地周  
圍約有五千餘里因明築榆林邊將內地城郭州縣六十餘處  
俱湮沒於套曩矣

山西沿河套邊營堡

保德州河曲縣

長城 石梯隘口東枕高岡西臨黃河全晉長城勢蓋始於此越  
河則陝西延綏清水營

樺林堡 北距闕河口明成化間建防守一軍二百隸偏闕援兵

營

樓子營 明宣德間建去偏頭關七十餘里弘治十五年都御史  
史琳言宜儲餉以備客兵請城之詔可 秦邊紀黃甫川一河  
之隔岢嵐之樓子營也

灰溝營 即河保營明宣德間建與清水營相離四十里

唐家會堡 明正統間建 秦邊紀黃甫川之岢嵐堡東南至灰  
溝營唐家會渡河直達偏頭關 弘治十七年火節自七里溝  
入至唐家會

五花城堡 明五花營黃河東岸橫橋墩山西鎮界止

河會營 明萬自約記自河會至河曲營城三十里南至石梯隘  
口三十里河會迤北二里為下營又西北十五里為康家會北

地平坦無險涉河抵黃甫川僅三十里河開則險在水河凍則  
鎮守標兵及東西二路偏老馬站諸營士卒共防範焉

得馬水堡 得馬水關巡檢司舊隸保德州

五門樓寨 險峻可守

石梯隘口 邊牆自石梯隘起至老營了角墩長二百四十里惟

船灣斬賊溝娘娘廟石城鋪天險壁立 秦邊紀延綏東路長

邊盡於清水營之紫城寨以及黃河埧踰河則山西寧武府偏

關縣

偏頭關 東連了角山西連黃河隔河套一水雍正三年改偏頭

所為偏關縣同城為偏關營

樓溝堡 偏關城南四十里

老牛灣堡 東至滑石澗堡二十里西至黃河二十里南至樺林堡八十二里北至邊牆一里首當西北之衝

東長嘴 偏關北五十里東西石嘴胥袤五六里河經其中

萬家寨 偏關西北四十五里巨石嶄巖下臨河岸昔人結寨其

上

老營所 二邊起老營了角墩領堡四

賈家堡 朔寧二郡咽喉地

五眼井堡 堡接了角山為外邊內邊之要樞

馬站堡 嘉靖十五年八月俺答繇寺塢入至馬站營

永興堡

水泉營堡

水泉營在堡城東少南為紅門附口外少南有南海

子堡城西南有後海子

驢皮窰口

徑道平行昔為邊衝而兩崖胥石山可以制勝

紅門市口堡

東西至邊牆南至水泉營堡界北至蒙古地界

明三關鎮市場在水泉營隸岢嵐道順義王諸部互市於此先

設宴邊外有闌三日中日左曰右馬由此入臨邊有闌一日內

闌馬由此登數入境表一十三丈臺上有納款廳撫賞於此以

銀一萬兩宴餽一萬兩撫賞諸部四萬兩市馬馬以六千為率

價以一十二兩為率互市日岢嵐道提調監督雁平寧武兩道



協理之鎮守總兵官副將統兵彈壓西路參將理市事正兵營  
軍二千一駐老營堡一駐八柳樹馬站游兵營軍移駐滑石澗  
小兒營獅子坪參將軍移駐馬站堡以備要衝

草塚山堡

隸水泉營

堡突出崇山直望三千餘里為沿邊傳烽之首

滑石澗堡

隸水泉營

自老營了角墩起西至滑石澗水門墩止為垣九

十里有奇塹如之

水門溝口

滑石澗東上有敵樓下有湧泉稱險隘焉

吞虎口

滑石澗堡前昔稱邊隘今農民耕塞外田

通邊關

東北六十里為草塚山迤東為水泉營又東為老營抵

好漢山接平魯縣界南折接朔州界

明成化二年總兵王璽

築東起老營堡之了角墩西抵老牛灣南折黃河岸抵河曲石  
梯隘口袤二百四十餘里

河套內外山川

按邊外山水叙次皆由西而東由套內而套外仍以郡邑約畧分屬之焉

賀蘭山 在寧夏府西六十里陽屏西夏阻陰北番延亘五百餘

里邊境倚以為固上有廢寺百餘多元昊故宮遺址樹木青白

望如駮馬北人呼駮為賀蘭故名從首至尾像月形山出鉛礬

五代唐長興三年夏州帥臣康福奏黨項入寇擊敗之追至賀

蘭山慶曆四年契丹伐夏其將蕭惠濟河與元昊戰於賀蘭山

北明一統志弘治三年督臣王越襲賀蘭山後虜敗之舊志山

麓有黃安峽赤木等口舊壘石置驛 賀蘭山盤峙寧夏西套

寇闌入河東往往取道於此而徐斌水在寧夏西南又為固原西路之險河凍則守舊邊春融則守新此前人之成算也夫恃河為險實非遠猷明萬曆中嘗得松山之地說者謂自索橋而上直接鎮番增築保障席布井屯則賀蘭以西皆為內境而黃河之險我不與敵共將莊浪蘭靖以迄固原之間皆可安枕而卧矣

省嵬山 在寧夏府東北一百四十里黃河東岸舊有省嵬城橫枕河濱為防禦要地

石嘴山 在寧夏府東北二百里山石突出如嘴

黃草山 在寧夏府北二百六十里其上草色多黃故名

大青山 賀蘭山後隆慶三年寧夏把總哮拜出邊邀擊套虜於  
大青山敗之

麥梁山 在寧夏府東北二百里其山出鉄山勢高聳如麥梁

石崖山 在寧夏府平羅縣東北水經注河水經石崖山西去北  
地五百里崖上自然有文若戰馬之狀粲然類圖故為之画石  
山

老虎山 在寧夏府平羅縣東北一百八十里黃河岸上九邊攷  
自老虎山而西為長流水蒲草泉等險距衛境可數百里皆可  
收為外險

不老山 在寧夏府平羅縣東北塞外

磁窰山 在靈州東六十里為陶冶之所出石及明成化九年撫  
臣馬文升議築磁窰堡於此以接靈州邊界

捷狼山 在靈州東南明一統志狼山即此套虜由韋州南犯鎮  
原平涼之道也

三山 在韋州堡東一百里三峯列峙

金積山 在靈州西南一百餘里產文石山土色如金山北崖石  
坂下水滴如雨

大蠡山 在韋州堡西二十五里層巒疊嶂蒼翠如染以其峯如  
蠡故名小蠡山在大蠡山之南亦曰螺山套虜入寇常駐牧

峽口山 一名青銅峽在靈州西南一百四十里兩山壁立千仞

怪石嵯峨河經其中

平山 在靈州東北八十里以山頂平故名

囉龐山 在靈州西乾道六年夏相任得敬脇其主仁孝分西南路即靈州之囉龐嶺與之即此

歡喜嶺 在靈州東明成化中虜入州東永隆墩諸戍官軍追敗之於此

黑山 在中衛縣東三十里石色皆黑盛夏積雪不消

按寧夏志云沙嶺從

西來綿亘起伏拱衛如屏至衛東北三十里結為石山名黑山又三十里至勝金關與黃河會

啟刺八山 在中衛縣大河之西北

觀音山 在中衛縣五十里北即邊界

駱駝山 在定邊縣北套內又罕腦兒城南○在卯孩水東南馬志

錯子山 在定邊縣北套內○唐會昌元年回紇為黠戛斯所破

其牙部奉烏介特勒為可汗南保錯子山唐書回紇傳 山在西受降

城北五百里榆林衛舊志

木賴山 在靖邊縣北套內榆林府冊魏廢帝元年突厥科羅破鄧叔

子於沃野北木賴山北周書突厥傳

高闕山 在靖邊縣北套外○漢元朔四年遣衛青將六將軍十

餘萬人出朔方高闕漢書匈奴傳 趙武靈王既襲胡服自代並陰山

下至高闕為塞山下有長城連山刺天其山中斷兩岸雙闕雲

舉即狀表目故有高闕之名自闕北出荒中水經注

契吳山 在懷遠縣北套內○赫連勃勃遊契吳歎曰美哉臨廣

澤而帶清流吾行地多矣自馬嶺以北大河以南未之有也六十

國春山在朔方縣北七十里元和志○按元和志則山當在套內而水經注又云河水左合契吳

山水在定襄桐過之下則山當屬山西境抑或別有一山姑存俟考

木瓜嶺 在懷遠縣北套內○朔方縣有木瓜嶺唐書地理志

陽山 在懷遠縣北套外○河水東逕陽山南漢書注曰陽山在

河北指此山也又東逕石跡阜西是阜破石之文悉有鹿馬之

跡自高闕以東夾山帶河陽山以西皆北假也水經注按陽山即

陰山也山在中國極北故名陰山水北曰陽山在河水之北故

亦謂之陽山漢書侯應曰北邊塞至遼東外有陰山東西千餘



里計陰山綿亘直抵遼東非河南所能容益信徐廣之謬禹貢錐指

陽山在中受降城東北榆林衛舊志

木根山 在榆林府北套內○苻堅建元元年遣鄧羗討劉衛辰

擒之於木根山晉書載記後魏登國六年討劉衛辰將軍伊謂追至

木根山擒其子直力鞬魏書劉衛辰傳七年幸木根山遂次黑鹽池魏書

道武帝紀

馬良山 在榆林府北套內○明嘉靖二十五年套寇犯保安慶

陽諸處總督曾銑遣將李珍搗其巢於馬良山後即此延綏志

陰山 在榆林府北套外○五原西安陽縣北有陰山漢書郡國志陰

山在河南陽山在河北徐廣注漢得陰山匈奴長老過之未嘗不

哭漢名臣奏河水又南逕馬陰山西漢書音義曰陰山在河南謂是

山也而實不在河南注水經安北府北至陰山七十里唐書地理志。唐安

北都護府東至榆林二百五十里陰山在中受降城東北自陰山而北皆大磧

磧東西數千里南北亦千里無水草不可駐牧中國得陰山乘

高而望寇所出沒踪跡皆見為禦邊要地九邊攷

涿邪山 在榆林府北套外。漢天漢二年因杆將軍公孫敖出

西河與強弩都尉路博德會涿邪山漢書匈奴傳後漢永平十六年

遣度遼將軍吳棠出朔方高闕攻臯林温禺犢王於涿邪山南匈奴

匈奴傳永元元年車騎將軍竇憲出朔方雞鹿塞南單于出蒲夷谷

度遼將軍鄧鴻出朔陽塞皆會涿邪山與北單于戰於稽落山

大破之實憲傳後魏登國六年討蠕蠕破之於大磧南牀山長孫

嵩及長孫肥追之度磧嵩至平望川斬其帥屋擊肥至涿邪山

匹侯跋舉部降魏書蠕蠕傳

寘顏山 在榆林府北套外。漢元狩四年衛青出定襄塞千餘

里破單于兵北至寘顏山趙信城而還漢書匈奴傳

大斤山 在榆林府北套外。隋開皇末遣太平公史萬歲出朔

州擊突厥達頭於大斤山隋書突厥傳

燕然山 在榆林府北套外。漢征和三年李廣利出五原匈奴

要擊漢軍於夫羊白山狹服虔曰夫羊地名師古曰白山西山也白音鉤虜兵壞散漢

軍乘勝追北至范夫人城又北至郅居水上引還至速邪烏燕

然山師古曰速邪烏地名山在其中單于遮擊貳師敗降漢書匈奴傳後漢永元元

年竇憲破北單于於稽落山追至私渠北鞬海遂登燕然山去

塞三千餘里刻石勒功而還竇憲傳後魏神麌二年帝討蠕蠕次

於兔園水分軍搜討東至瀚海西接張掖水北度燕然山東西

五千餘里南北三千里魏書蠕蠕傳

黑山 在榆林府北套外。後魏神麌二年討蠕蠕帝出東道向

黑山長孫翰從西道向大蛾山同會賊庭襲之至粟水大檀象

西奔魏書蠕蠕傳唐調露元年裴行儉討突厥軍至單于之北賊衆

於黑山拒戰行儉頻戰破之餘黨走依狼山唐書裴行儉傳開元四年

突厥降戶叛郭知運領朔方兵邀擊於黑山呼延谷大破之唐書

郭知元知元和初回鶻以三千騎至鷓鴣泉振武以兵屯黑山備之

唐書同中受降城正北如東八十里有呼延谷唐書地黑山在

振武北塞外胡氏鑑注

鐵山 在榆林府北套外。唐貞觀四年李靖出定襄進屯惡陽

嶺夜襲頡利頡利驚退牙磧口走保鐵山靖復襲擊大破之唐書

突厥傳

跋那山 在神木縣北套內。後魏登國六年討蠕蠕縕紇提西

遁魏主追至跋那山縕紇提降九年縕紇提之子曷多汗棄父

西走長孫肥輕騎追至跋那山斬之魏書蠕蠕傳紇那山在勝州西

北百二十里通典

骨羅山 在神木縣北套內。後魏永興五年帝西幸五原校獵

於骨羅山 魏書明  
帝本紀

雞秩山 在神木縣北套外。漢本始二年祁連將軍田廣明出

西河塞千六百里至雞秩山 漢書匈奴傳

暖泉峯 在府谷縣北套內。在豐州西北三十七里 九域志。豐州故城

在府谷北  
百十五里

沙角山 在府谷縣北套內。河西有沙角山峯崿危峻逾於石

山其沙粒麓色黃如乾糲。又山之陽有泉名沙井。綿歷今古。沙

不填之人欲入穴。即有鼓角之聲。震動人足。 三秦記 豐州西五十

里至沙井嶺 九域志

薛林山 在府谷縣北套內。後魏泰常四年帝從君子津西渡

大狩於薛林山 魏書明帝本紀

拔鄰山 在府谷縣北套內。後魏始光四年西討赫連昌濟君

子津次拔鄰山 魏書太武帝紀 山去君子津二百餘里 榆林志

超沒堆 在府谷縣北套內。在豐州東北九十里 九域志

犁元山 在府谷縣北套內。在東古城南 馬志

石門山 即廬胸山一名石門障 在府谷縣北套外。太初三年光祿徐自為

出五原塞數百里遠者千里築城障列亭至廬胸 師古曰廬胸山名也胸音

匈奴傳 廬胸縣北出石門障得光祿城 漢書地理志 石門水出石

門山 水經注石門山在舊臨沃縣境 廬胸山謂之光祿塞元和志石門障即

光祿城古入匈奴大路

禹貢  
錐指

牛心山 在黃羊城東山東北有月兒海子水

延綏  
志

石瑤山 海子山有水其下

延綏  
志

海子山 在石瑤山城東

右陝西省界後則山西省界矣

火山 在河曲縣西七里山上有孔以草投其中烟焰上發可熟

食草木胥不生上有礪砂窟下有氣沙窟黃河經其下似遇覆

釜而河為之曲山後有大石有禹廟水不能浸宋名火山軍以

此

韓家嶺 在河曲縣西北四十里



赤崖 在河曲縣西北四十里即河會村古名赤崖村土色胥赤  
窰窰數十胥險要上胥蛤蚌腐甲豈龍門未鑿河嘗經山巔耶  
北峯巖 在寧武府偏關縣西北五十里高百仞臨黃河岸上有  
石洞數十相傳僧北峯棲此

常勝山 在偏關縣北六十里右連老牛灣左接滑石澗匪直雄  
視塞外抑亦俯瞰黃河故以常勝名

了角山 在偏關縣東北 偏頭山為北派接大同之了角而西  
為草塲明燈臺紫荆山以至老牛灣而西盡於河

黃河 河自蘭靖來至寧夏府中衛縣西四十里始落平壤縣城  
而東北抵勝金關行至廣武入青銅峽靈州界水經注水自薄

骨律城北逕典農城東又北逕上河城東又北逕典農城東又  
東北逕廉縣故城東又北與枝津合又東北逕渾懷障又北至  
石崖山舊志有三岔河在衛東南黃河西岸曲折處明成化中

虜寇韋州還總兵官劉聚邀擊之於三岔河即此 黃河嘗為

中國患而寧夏獨受其利引渠溉田凡數萬頃無旱澇之災司

馬遷河渠書朔方西河河西酒泉皆引河及川谷以溉田後漢

順帝從虞詡言復朔方西河上郡使激河濬渠為屯田省內郡

費億計○河水自歷石崖山東北經三封縣故城東石崖山在今寧夏府

平羅縣東三封縣屬朔方郡在故又北逕臨戎縣故城臨戎故城

長澤縣北二十里今定邊縣北在天德軍北六十里今靖邊縣北又北有枝渠東出謂之銅口東逕沃野縣故

城南沃野故城在天德軍北六十里今靖邊縣北又北屈而南河出焉馬志云河自靈州北行至

此始析河水又北迤西溢於窟潭縣故城東窟潭故城在廢夏州西北今靖邊縣

北河水又屈而東流為北河馬志云河分流析支城在此按漢衛青絕梓嶺梁北河即此也杜佑

曰河經靈武郡西南便北流千餘里過九原郡乃河水又東逕東流漢人謂之西河自九原以東漢人謂之北河

高闕南又東逕臨河縣故城北臨河縣在今靖邊縣北又東逕陽山南又

東流逕石跡阜西又南屈逕河目縣左河目故城在北假中屬勝州銀城縣在今懷遠

北縣西又南合南河上承西河東逕臨戎縣故城北又東逕臨河

縣南又東逕廣牧縣故城北經流二百里許東會於河廣牧屬朔方郡

即豐州也在今懷遠縣北河水又南逕馬陰山西又東南逕朔方縣故城東

北什賁故城即漢朔方縣在今懷遠縣北又東轉逕渠搜縣故城北渠搜縣在廢夏州北今榆

林府又東逕西安陽故城安陽縣屬五原郡在廢豐州東北今榆林府西北又東逕田

辟城南田辟地名屬五原郡又東逕成宜縣故城南成宜縣在廢豐州界今榆林府北又

東逕原亭城南原亭亦地名屬五原郡又東逕宜梁縣故城南宜梁縣在

六十里廢豐州又東逕副陽城南副陽縣屬東

陰縣屬五原郡俱在今神木縣北又東逕九原縣故城南秦置九原郡治漢更

北又東過臨沃縣南臨沃縣屬五原郡在今府谷縣北又東枝津出焉又東流

石門水南注之水出石門山東南流逕臨沃城東南注於河

河水又東逕稠陽故城南稠陽縣在廢勝州南今府谷縣東北又東南枝津注

烏水上承大河於臨沃縣東流七十里注於河河水又東逕塞

泉城南而東注又東逕雲中楨陵縣南又東逕沙南縣北從縣

東屈南逕沙陵縣西

楨陵縣即廢東勝州沙陵漢屬雲中郡並在河東岸今屬山西沙南縣在河西今府

谷縣東北

河水屈而流白渠水注之又南逕赤城東又南逕定襄桐

過縣西河水於二縣之間濟有君子之名

定襄桐過並在河東岸屬山西河水

又東南左合契吳山水樹頽水大羅水

諸水俱在山西又右得湍水口

又南逕西河固陽縣

水經注。固陽故城在神木縣

勝州榆林縣榆林關在縣

東三十里東北臨河自夏州朔方縣流入又經河濱縣十五步

濶一里不通舟楫渡處名君子津

元和志。榆林河濱夏州北二縣即漢沙南縣地

至黃河八百里勝州西北至河二十里北至河五里東北至河

十里正東至河四十里

寰宇記

黃河在衛北千里自寧夏衛橫城

西折而北過平虜城東百餘里又東北流過古豐州西北折而

東經三受降城南至廢東勝州西折而南入府谷縣黃甫川東

九里其中謂之河套周圍數千里

榆林衛舊志

河套之地南抵邊牆

北濱黃河遠者八九百里六七百里近者亦一二百里惟黃甫

川之南焦家坪及娘娘灘羊圈渡口為最近云

延綏志

黃河入河

曲境東北由偏關來西由府谷北境來中間石壁剝削河出其

間胥似斧鑿古傳禹跡旁有禹廟

禹平水土分九州其一為

冀今之山西河朔直隸皆其疆域三面皆河東北阻陰山一帶

故河折而南流為冀西河至華陽折而東流為冀南河至大伾

折而北流為冀東河

元志臨川朱思本曰自洮與河合又東

北流過達達地古天德軍中受降城東受降城凡七百餘里折

而正南流過大同路雲內州東勝州與黑河合 龍口在河曲  
縣北九十里黃河西岸大同紀形似龍口聲似雷鳴一名厓門  
土人名龍門

黑水河 在寧夏府東九十里河套內源出邊外由閻門入境徑  
府西流入黃河明一統志番名哈喇兀速河

大塩池 在寧夏府北四百里小池在寧夏府東南一百七十里  
其塩皆不假人力自然凝結

觀音湖 在寧夏府西北九十三里賀蘭山之水多聚於賀蘭山  
大水口下

月湖 在寧夏府北三十五里以形似月故名

煖泉 在寧夏府西北八十里

蒲草溝 在寧夏府平羅縣西北二百里明弘治十一年制臣王越分兵討賀蘭山後叛寇北哨擊賊於花果園南哨至蒲草溝賊從沙窩遁去合兵追至大把都城又追敗之於柳溝兜寇遂西遁

煖泉 在舊寧夏所北三十里鹽池西南三十里明萬曆四十一年總制黃嘉善檄操守盧文善拓其地建亭鑿池為行邊暫憩之所元和志迴樂縣有溫泉即此

富泉 在大蠡山之南引以灌田

旱海 在靈州東南宋張洎曰自威州抵靈州有旱海七百里斤



鹵枯馮無溪澗川谷張舜民曰今旱江坪即旱海在清遠軍北  
趙珣曰鹽夏清遠軍間並係沙磧俗謂之旱海自環州出清岡  
川本靈州大路自此過美利砦漸入平夏徑旱海中至耀德清  
邊鎮入靈州

裴家川 在中衛縣西南接靖遠縣北境三邊考其地有腴田萬  
頃軍民歲以寇患不得田作明隆慶時督臣王之誥於寧夏舊  
堡河口等邊墩臺堡砦駐將領於此以遏寇出入要路并築東  
西隘口自是裴家川為內地軍民賴之

蒲塘 在中衛縣北四十里塘中多產蒲草因名亦注於河  
長堤 在新渠縣惠農渠長一百七十里以便通水

西河 在寶豐縣西三十里即惠農渠并象支渠洩水處流入黃

河

咂把湖 在定邊縣北套內。在舊臨戎縣南延綏志在駱駝山東

馬志

屠申澤 在靖邊縣北套內。窟渾縣有道西北出雞鹿塞屠申

澤在縣東漢書地理志河水溢於窟渾縣故城東其水積而為屠申

澤澤東西一百二十里闕駟謂之渾澤水經注

彬草湖 在靖邊縣寧塞堡西北套內

青山湖 在寧塞堡塞外

菽麥湖 在定邊縣甯井堡塞外榆林府冊

牛毛湖

在定邊堡北塞外其西南有大海子腦榆林府冊

明沙湖

在鹽場堡北塞外赤木墩西榆林府冊

月兒海子

在牛心山東北石瑤山城東海子山有水出其下

北海子

在白城子紅城子交城子之東

佛堂寺溝

在鴛鴦湖東馬志

鴛鴦湖

在佛堂寺西

卯孩水

俗呼為卯海子其派三俱入於河

紫河

後世謂之紫河汭自月兒海子至紫河諸水皆混濤歷峽

東注於河

延綏志

神水灘

在靖邊縣東北套內。有水一泓周百餘步平地突出

數丈迸珠濺玉旱澇並無增減榆林府冊在鎮靖堡北水如趵突冬

夏淵渟延綏志

橫水 在懷遠縣北套內古朔方縣南○會昌二年回鶻烏介可

汗入雲朔剽橫水殺掠甚眾唐書回紇傳橫水五十九里至什賁故

城唐書地理志

鹽澤 在懷遠縣北套內○金連鹽澤青鹽澤皆在朔方縣南唐書

地理志朔方縣有二鹽池其鹽大而青白者名曰青鹽一名戎鹽

入藥分水經注鹽澤在什賁城西南又長澤縣有胡洛鹽池在縣

北五百里周回三十里亦謂之獨樂池漢有鹽官元和朔方縣志

南有蓮花城紅鹽池在其東長鹽池在其西延綏志

地斤澤 安慶澤 在懷遠縣北套內。○太平興國七年李繼捧

入朝其族弟繼遷自銀州奔入地斤澤澤距夏州東北三百里

又淳化初繼遷與繼捧戰於安慶澤宋史夏國傳。按安慶澤當亦在榆林府北界

余吾水 在懷遠縣北套外。○北鮮之山鮮水出焉北流注余吾

水山海經漢天漢四年貳師將軍李廣利出朔方匈奴聞之悉遠

其累重於余吾水北單于自率衆待水南接戰連日引還征和

三年廣利復出五原單于悉遣其輜重徙趙信城北邸郵居水

左賢王驅其民度余吾水六七百里居兜銜山單于自將精兵

度姑且水追漢軍至浚稽山轉戰九日漢兵却敵殺傷甚衆至

蒲奴水匈奴不利還去漢書匈奴傳余吾水名在朔方北顏師古注

諾水 在榆林府北套外。○漢元帝初元初都尉韓昌光祿大夫

張猛使匈奴與單于登諾水東山刑白馬為盟漢書匈奴傳諾水即

今突厥地諾真水顏師古注夏州北渡烏水經賀麟澤拔利干澤過

沙坎內橫剗沃野泊長澤白城百二十里至可朱渾水源又經

故陽城澤橫剗北門突紇利泊石子嶺百餘里至阿顏泉又經

大非苦鹽池六十六里至賀蘭驛又經庫也干泊彌鵝泊榆祿

渾泊百餘里至地顏澤又經步拙泉故城八十八里渡烏那水

經胡洛鹽池紇伏干泉四十八里度庫結沙一曰普納沙二十

八里過橫水五十九里至十貴故城又十里至甯遠鎮又涉屯

根水五十里至安樂戍在河西壩其東壩有古大同城今大同

城故永濟柵也北經大泊十七里至金河又經故後魏沃野鎮  
城傍金河過古長城九十二里至吐俱麟川傍水行經破落汗  
山賀悅泉百三十一里至步越多山又東北二十里至纈特泉  
又東六十里至賀人山山西磧口有詰特捷泊吐俱麟川水西  
有城城東南經拔厥那山二百三十里至帝割達城又東北至  
諾真水汊又東南百八十七里經古可汗城至鹹澤又東南經  
烏咄谷二百七里至古雲中城又西五十五里有綏遠城皆靈

夏以北蕃落所居

唐書地理志

鹿渾海 在榆林府北套外。後魏登國五年西征次鹿渾海襲

高車袁紇部八年西征侯呂鄰部至苦水皆大破之

魏書道武帝紀

鷓鴣泉 在榆林府北套外唐中受降城北。唐貞觀中以回紇

歸附詔於磧南鷓鴣泉之陽置郵

唐書回紇傳

中受降城正北如東

八十里有呼延谷谷南口有呼延柵北口有歸唐柵車道也入

回鶻使所經又五百里至鷓鴣泉又十里入磧經霞鹿山鹿耳

山錯甲山計千五百里至回鶻衙帳又別道自鷓鴣泉北經怛

羅思山赤崖鹽泊渾義河爐門山木燭嶺千五百里亦至回鶻

衙帳

唐書地理志

額根河 在榆林府北套外。後魏太平真君四年討蠕蠕帝出

中道至鹿渾谷與賊相遇吳提遁走追至額根河破之車駕至

石水而還

魏書蠕蠕傳



粟水 在榆林府北套外。後魏神麩二年討蠕蠕出黑山次於

沙漠南輕騎至粟水大檀西奔帝緣粟水西行過賓憲故壘次

於兔園水去平城三千七百里 魏書蠕蠕傳

大葭蘆水 小葭蘆水 在神木縣北套內。大葭蘆水在榆林

縣西二百二十里小葭蘆水在縣西二百二十里地甚良沃 元和

志。唐榆林即勝州治在府谷縣北

湍水 在神木縣北套內。湍水出美稷縣東南流俗亦謂之湍

波水東南流入長城東鹹水出長城西鹹谷東入湍水湍水又

東南渾波水出西北窮谷東南流注湍水湍水又東經西河富

昌縣故城南又東流入河 水經注。富昌故城在勝州南

虎澤即武澤一在府谷縣北套內。西河郡穀羅縣有武澤在西

北漢書地理志。後漢永初三年南單于圍中郎將耿种於美

稷明年度遼將軍梁慄赴救至屬國故城與戰破之單于引還

虎澤慄又與种進攻虎澤單于乞降漢書梁慄傳。美稷屬西

其北文潁曰穀羅縣西北有紫澤則虎澤又即紫澤也

右陝西省界後則山西省界矣

焦家坪渡

娘娘灘渡

太子灘

羊園子渡

唐家會渡口在偏關西七十里陝西往來渡此 濱河州縣歲鑿

冰以防套萬恭為築牆四十里

河套志卷第三終

河套志卷第四

商邱陳履中執夫纂定

宜興儲大文六雅參閱

山陽邱 燾誠齋

校訂

同懷弟履平坦齋

河套內古蹟

富平故城

在慶陽府安化縣西南省寇城西北

鄆懷障

在忻都城東北隋靈武廢縣

朔方臨戎縣故城

在咿把湖北

臨河縣故城

在高關東

河目縣故城在河南

朔方郡城在河南

渠搜縣故城在朔方郡東

河陰縣故城在西安縣東

沙南縣故城在渠搜縣東

唐龍鎮在勝州東至黃河二十里

洪門鎮夏州地唐邠寧節度使張獻甫築洪門鎮城置兵以防蕃寇宋太宗雍熙中廢夏州其地屬趙德明號洪州

石堡鎮本延州西邊鎮塞宋仁中至道中陷於元昊號龍州在今中衛縣

東古城在犁元山北

金宿城在犁元山西北

石牌樓  
在沙嶺  
兜東

連城  
在沙嶺  
西

東勝州  
在河  
北

武花城  
在沙  
濠西

剋留運城  
在武花  
城西北

紅子城  
在月兜  
海東南

黃羊城  
在牛心  
山西北

林州城  
在黃羊  
城西北

古城子  
在海  
山東

石窰川城  
在紅鹽  
池西北

白城子 在北海子西

交城子 在白城子西

狄青牢 在佛堂寺東

佛堂寺 在鴛鴦湖東

忻都城 在义罕腦兜城西

义罕腦兜 在駱駝山東

舊花馬池 在忻都城西北

峰城兜 在舊花馬池城西

省兔城 在中衛縣省兔山下麥梁山西北西夏所築

雞鹿塞 在朔方盛渾縣西北



河套內物產

白鹽 出長池

紅鹽 出紅池

金 出麥梁山雖有未見取者

銀 出麥梁山雖有未見取者

鐵 出麥梁山套彝常取用

石煤 出麥梁山雖有未見取者

良馬 出紫河

野馬 不甚多或有二

駱駝 地煖宜於養駝

黃牛

羊

青羊

黃羊

雉

兔  
甚多套馬皆  
慣於射兔

狐

狼

魚  
黃河內  
甚多

河柳  
可為  
箭杆

紅柳 大者合抱  
細者緻堅

短松 即青  
木香

甘草 大而  
甘

酥油草 馬牛食之  
易肥壯

芨芨草 甚高廣而粗。考明朔方新志嘉靖十五年有芨芨灘之  
捷而字彙正字通俱無芨芨二字蓋土語也康熙字典增

芨字註本野草芨草李時珍曰摘去方  
治痞滿而芨字未增姑闕以俟知者

白茨 甚  
廣

蒿柴 甚廣番名什  
巴可以為薪

河套內地勢興廢略

按河套之北黃河環繞此天地設險以界中外之所虞夏叙貢未

嘗外焉自是以來中國咸有其地明初亦然蓋因河套居山陝之上流向南冰陸俱可達陝省太原向北由大青山兩郎山直通北彝部落向東近歸化城由殺虎張家二口即抵大同宣化向西自賀蘭山內外直達甘涼肅西寧由此又可達青海哈密等處毫無大山峻嶺之阻四至八達之通衢在此宜扼天地之險設立將士阻河以守誠乃防外虞靖中夏之要地也後委之匈奴巢穴於內因而侵犯內地邊鄙幾無寧歲矣昔秦取其地募內郡貧民充實其中後沒入匈奴漢武時復取其地朔方郡縣募民十萬口及山東大水徙其貧民於中者又七十餘萬口自是隴西北地河西北寇益少然當其時皆仰給縣官使者分

護省費以億計後亦沒入匈奴唐張仁愿搆御史大夫代朔方  
總管築三受降城受降之外有青山邏迤東西二千餘里山之  
上置斥堠千八百座突厥不敢踰山牧馬減鎮數萬省費以億  
計是山之北方為境外至宋仁宗時為夏元昊所併及元滅夏  
不以河套居彞猶立西夏中興尚書省以隸之明洪武初舍受  
降而衛東勝已失一面之險矣其後又撤東勝以就延綏則以  
一面之地遮千餘里之衝當是時套無一賊者以兵威尚盛故  
也至正統十四年以後套彞侵擾邊隘之事不可枚舉據河套  
為巢穴使耕牧樵採之利盡失在套則犯延寧出套則犯宣大  
西犯甘涼其為邊患猶四肢之疾也至嘉靖二十九年東渡糾

衆數萬由古北犯順畿輔乃為心腹之病矣大抵河套地勢居  
山陝上流其內不可容一藝住牧必復張仁愿之所經畧掣榆  
鎮守哨之軍置大青山見在墩臺則烽火明矣移榆林一帶城  
堡人民五分之三安插開墾整理沿河故址則保障固矣採套  
中材木以擇匠氏則公廨兵房民屋建矣因套中之鹽池以設  
監司則國課興矣治地分田以興舊日四野之土則屯田舉矣  
立置設郵以開三面之路則王命傳矣由蘭州寧夏直抵保德  
潼關木牌船隻往來黃河中不絕則水路通矣又展榆林寧夏  
之官弁兵丁阻河防守誠乃西北一大雄鎮全陝全晉永無兵  
患若如此方能消四肢之疾除心腹之病斯為一勞永逸久安

長治之上策也

延綏鎮

延綏鎮今在榆林衛榆林古無鎮有之自明始明初亦無鎮有之自王正余子俊始延綏之間安內攘外者莫善於唐其次則宋莫

不善於明

鎮名延綏者合延安綏德而名之也明正統間東勝州失守移置綏德謂之延綏鎮正統中都督王正始於出

哨之水頭曰榆林莊築榆林堡成化中始置衛故曰明初無鎮也余子俊為巡撫成化八年乃移鎮東起清水堡之紫城西至定邊

之鹽場千二百里棄河套於此而內增三十六城堡今為東西中三路築邊牆墩堡其高山深崖因其形勢下厚者剝削稍衍者累築每三里起對角敵樓連比不斷空處築牆至今仍之然而邊牆崖塹不修皆可超越矣夫榆林西連寧夏東

通三晉南引延慶北跨河套東西一千二百餘里之遙乃畫壤守砂磧不毛之地示藝以割套不取之意及今二百年而莫之改惜

哉榆林西至寧夏之花馬池六百三十里東至山西之岢嵐州樓子營五百四十里慶陽府在西南四百八十里延安府在東南

四百五十里河套在城北十里榆林西中二路多黃沙環壅中路多山而皆瘠薄不毛之地何善乎唐也延綏

之邊唯北面唐初因河為守仍秦漢也既而踰河築三城越出榆

林北七百里未聞轉餉於內地非善之善乎宋雖銀夏綏宥靜委

於夏而麟州以及延鄜皆為版圖及元昊日尋干戈終宋之世莫

能平者據可守之地得轉餉之方故也銀夏綏宥靜五州按銀州即今銀州關也夏州即赫

連氏之統萬在河套中宥州亦河套漢之三封縣唐之長澤縣天寶中始名宥州唯綏靜二州今無可攷麟州今永興堡延今延安

府鄜今鄜州自麟州斜而西南以至延鄜其地皆可耕種且依山阻水可守歐陽文忠公謂麟州用糧七萬餘石草二千一萬束又

云運輸過河供餽即力有餘者當法唐力不足者當法宋不再計此可見轉輸有方也

而決焉明初特以大將駐延安以其為西北要地及城東勝則東



受降之故壤也雖未盡唐制而黃河之內莫非王土綏德猶且無

鎮而况榆林乎

洪武二十七年築東勝在黃河外即唐之東受降城俗謂白城子黑城子是也守東勝則東南與山

西之偏頭關寧武雁門相為唇齒而西南可以屏蔽河套一面矣東勝西四百里為中受降城東西四百里為西受降城未復唐制

耳其時套內延綏寧夏之人耕牧其中樵採圍獵無不往焉且亦修城設守防其侵踐故延慶之間不知彘患有河套之屏藩故也

其時兵屯東勝故不但榆林東勝不復則河套空虛之地宜其或往林無鎮即延綏亦無兵焉

或來然未嘗為巢穴也當余子俊之時即不能踰河復三受降城

但因秦漢故疆以河為界其費與城榆林等兵不加多而足守饒

野之地可以耕順流之舟可以挽三邊皆安萬世之利也

東勝不復天順

六年毛里孩阿羅出孛羅忽始入河套猶貢馬獻琛未為邊害未幾即去成化初又同亂加思蘭入始抄掠即追逐之北渡嗣後或一歲一入或間歲一入出套則犯大同宣府宋永等討之皆無功亦未嘗以河套為巢穴也今河套內地乃秦之新秦河南上郡漢

之定襄郡唐之六州城郭頗多因河為塞也余子俊築邊東起榆林之清水西止寧夏之橫城亦一千六百餘里故曰與河套等而言套內沙深土淺不宜耕稼不知秦漢唐兵民所食何物且今套內糞類衆近十萬戶口百萬生畜資何為生耶况上流即有河蘭固原寧夏下流即有水西如過水旱皆可鼓棹苟糞已據才力不浮舟也守河套則偏頭延綏寧夏皆無糞患矣勝以俟後之人可耳乃敵有所不爭地有所可守忽焉而去黃河內地數百里反在峴崎硠碻間累築綿引相接為長城延長二千里外不足為屏藩之功內不得有地利之勢此何為者哉徐亨論王正之失而余子俊固陷之矣雖文貴更增大邊以護屯田因仍補救亦何益耶

成化八年套中無糞住牧彼此視為甌脫雖踰河城受降糞不及爭况城河南乎河南以河為險有

地可耕誠可守之地延長二千里合榆林寧夏言之皆為防河套也自寧夏之橫城至榆林而東則多山崖雖少沙患而瘠不能盡

地力雖有王越曾銳之才不以為邀功則以為起釁蓋以榆林有

邊故也。彝因築邊，知套內乃中國所棄之地，不事兵革。公然巢穴其中，居比鄰之地，但相隔數尺之牆，小寇大舉，無日無之。故進不如唐退，不如宋。唯有就砂磧間，據垣株守而已。且榆林之兵甚多。

坐食窮邊，豈不妄費國帑乎？

成化九年，總督王越因滿都魯索羅忽等自套入寇，韋州越知子女輜重。

在套之紅鹽池，乃率兵襲殺，焚燒之。彝被大槍號突渡河北，去不復敢渡者二十餘年。嘉靖間，彝大猖獗，總督曾銑大舉搜套，殺獲甚多。彝皆踉蹌北去，而嚴嵩指為開釁，銑斬東市。嗣是言搜套復東勝者絕響矣。於是小王子火篩俺答、吉囊、火落赤、吉能、銀定等紛紛入套，其後為患於榆林於秦，於晉殺戮動以萬計。邊史止以邊牆為界，不敢踰越尺寸，或嬰城自守，或擁兵自衛。彝益驕恣，攻城擴野，邊將邊兵死者不可勝數。天啟元年，揀漢入套，套中舊部懼其吞併，多降中國。今之套，魯昔之降彝也。

河套

自寧夏橫城之東北，石嘴子起至榆林之黃甫川，正北止，北面一帶皆名河套也。

河套在寧夏之東北，而黃甫川之正北也。其地東距河，則山西之

偏頭關西距河則寧夏府延長二千里有奇長城限其南三面有  
黃河之阻其廣或八九百里或一二百里荒廢之城郭州郡往往  
錯雜其間河套本中國地古未有河套之名也自明築榆林之長  
城棄其地於外而始有河套之名其地戰國屬於趙秦為河南新  
秦上郡九原地沿河築城為縣三十有奇漢置五原郡主父偃所  
謂河南地肥饒外阻河蒙恬城之內省輸運戍漕廣中國邊備也  
晉因漢領縣十後屬符秦晉末始據於赫連氏其後宇文泰據有  
其地隋置勝州榆林郡更築長城唐初破突厥以處頡利之未降  
者置六州而以唐人為刺史武后并為二州中宗置蘭池都督府  
分六州為縣又改為寧朔郡以六縣為六州又續增宥州唐張仁

愿北踰黃河因趙武靈王故址築三受降城及靈武中興而武臣  
帶甲多出於此唐末拓拔思恭思忠以討黃巢功賜姓拜爵奄有  
寧夏綏豐勝宥麟五州地延五代及宋遂建國為夏及元昊僭號  
以夏竦韓琦范仲淹為經略种世衡狄青為將未能平復蓋土地  
廣大根蒂盤結非一朝一夕之故終宋之世而莫如之何矣元滅  
夏置中書省亦謂之中興路明追元敗將於察罕腦兒王保遂城  
東勝州此千里之地牆塹墩臺居然腹裏何嘗有河套之名乎明  
東勝不守毛里孩等往來踐蹂及亂加思蘭糾合滿都魯等樹黨  
日多寇邊日甚而大同延綏寧夏數千里烽燧不息鞞鼓相聞者  
因藝以河套為巢穴故也昔虞詡有言三郡沃野千里水草豐美

土宜產牧宜城邑耕屯灼灼明矣自葉盛倡誕謾之論遂堅棄河套之心嗟乎古郡縣其中者皆移粟於他所乎當日延寧耕植其中者皆種豆成箕乎河套戶口畜牧十倍延寧昔甚易而今何以難乎一言喪邦葉盛之謂也於是余子俊王瓊陰用其言設重兵於榆林舊堡築長城東起黃甫川西至寧夏石嘴子乘障列隊畫壤分疆舉北面千餘里而棄之此河套至今不為內地也英宗憲宗之世未嘗不謀搜河套復東勝然當時膺闡外之寄者則朱勇趙輔劉聚之徒所用非其人宜其相繼無功而以搜之復之為難及王越搗巢則河套之易復亦明矣機有可乘而卒不能者因循久而畏懼生議論多而求備甚宜乎河套之終於棄也孝宗之際

火篩入套肆為侵陵延寧大同數千里間覆軍殺將略地攻城則  
圖搜套復勝屯田猶可為也而逆黨又從而阻之正德間是以有  
臨洮固原鞏昌之禍迨至嘉靖視河套為久棄之地而平涼固原  
延綏環慶寧夏以至涇州三原涇陽咸遭侵虐動以萬計宋之王  
庶有言延安陷則南侵三輔河套之地勢居上流如順而下勢若  
建瓴明棄河套而全陝騷動固如是也河套之不可棄彰明較著  
矣夫河套在河山之內自古為中國地亦明所世守者自築長城  
後凡踰短垣謂之出塞委河套於敵而自遺腹心憂不知復河套  
而後延綏寧復東勝而後河套守此必然之勢中國之利也唐築  
受降城乃禦彝於黃河之外明築榆林長城則養彝於黃河之內

自損其腹裏之地使藝橫處其中豈非棄利就害徒為天下後世  
惜哉明曾銑雖有壯猷兵出有功旋遭嚴嵩仇鸞之構遂使主者  
効力者盡於一網河套者非藝能取之乃明棄而與之非不能復  
乃禁人之復耳東勝之廢纔數十年棄之非久也去偏頭寧夏纔  
二三百里地形非難知也唐守受降城明初守東勝非別屯一軍  
以助也河套雖長二千里然三面距河黃河為塹非綿亘無際也  
城郭未盡傾土壘未盡廢非如沙漠無可居也土地肥美自古迄  
今皆利種植非無委積也不鼓勇前行而但守一牆以為固塞內  
之兵民歲供其殺戮可謂據全勝而取敗反逸為勞矣沿河雖有  
二千餘里較之邊垣僅多五百里移沿寧夏榆林守邊之兵於沿



河因河為隍繕壘為城一歲而耕再歲而獲其利百倍復套移營  
耕墾沃壤大有益於內地可知也

### 邊防

陝西邊防之法考唐三城守之於河外上策也蓋守之於河外則  
險在我而易為力守之於河南則險在虜而難為功也修夾道之

牆時出精兵以搜套中策也其下策來則浪戰去則坐守而已苑洛

集延綏初築東勝等城戍守河外正統間失東勝退守黃河後失  
河套又棄河守牆鎮城舊在綏德捐米脂魚河等地於外幾三百  
里成化中徙鎮榆林東起黃甫川西至定邊營千二百餘里聯墩  
勾堡橫截河套之口遂稱雄鎮但鎮城不產五穀芻糧皆仰給腹

裏明會典榆林舊治在綏德成化時余肅敏子俊廣開城垣增置三

十六營堡其邊牆東起黃甫川西至定邊營長千二百餘里橫絕河套之口侈其功者曰鎮色米脂魚河三百里膏腴地東連牛心堡便可應援西截河套衝可便耕牧千三百里樹藝園獵樵採之地吾得擅而有焉據險衛內誠雄鎮也引為罪者曰榆林東有雙山堡虜由此而寇綏德我兵之在東者以無險而不能守也榆林西南有定邊花馬池虜由此而寇固原我兵之在西南者以路遠而不能援也且鎮既移則綏德之兵寡其不能禦虜必也憂其危者曰軍所恃者食也自虜據套而耕牧絕耕牧絕而轉輸艱轉輸艱而士伍耗榆林之軍不患不勇而患恒饑也惟陝州有河可通

綏德若計沿河郡縣改徵本邑悉以輸之庶少蘇耳且夫亂峰墩  
野豬峽是直衝魚河之徑虜若駐兵魚河則斷榆林綏德為兩矣  
又自定邊營西抵寧夏東黃河岸橫城堡三百里中多平漫沙漠  
虜賊大舉多由此入當慎之矣有王者起復河套而守東勝彼榆  
林之或有或無正不足深論也

朱思本  
輿地圖

榆林地險而防嚴將士戰

不貫胄虜呼為駱駝城舊以陝西左前後右護衛延安綏德慶陽  
三衛并河南南陽衛穎上千戶所直隸潼關寧山二衛官軍輪班  
哨守延安府谷安定安塞保安四縣並綏德衛屯種柳樹會拜堂  
兜麻葉河俱在近邊地方止是人民屯軍士兵人等居住若定委  
千百戶所管屯官一員會同各縣編成行伍給領軍器常川操練

就於本縣防守可代邊軍河套地方千里虜數萬入居其中趨逐水草四散畜牧欲大舉南寇則令人傳示諸部落約日聚衆而進既聚衆至二三萬夜宿火光連亘數十里我之墩軍夜不收瞭望先知我兵可設備矣虜衆臨牆止宿必就有水泉處安營飲馬今花馬池牆外有鍋底湖柳門井興武營外有蝦蟆湖等泉定邊營外有東柳門等井餘地無井泉又多大沙凹凸或產蒿深沒馬腹賊數百騎或可委曲尋路而行多則不能故設備之處有限

明九邊攷

新邊自靖虜衛界黃河索橋起至莊浪界土門山共長四百里而蘭莊浪千四百里之衝邊始安第蘆塘三眼井等處土疎易圯時費修築若按明初舊址自鎮番直接寧夏中衛通樹長邊則外鑰

尤壯矣

五邊  
攷

涼州府古浪縣東石硤關為大靖城要隘距邊三十里又距邊三十里明沙嘴又距邊三十里小海子又距邊六十里白澇池又距邊八十里青羊水又距邊一百二十里十三箇井又距邊一百二十里土裏無素又距邊一百二十里黑牯羆湖又距邊二百二十里三道鹹槽以上境外九隘口東通賀蘭北達北套西抵鎮番皆係夷人分道游牧之處昔人謂於此處按伏防守哨瞭則賊之出沒可以預知而甘寧地方俱保無虞誠扼要塞險之策也

寧夏府寶豐縣西南五十里鎮遠關舊為寧夏北境極邊之地關南五里為黑山營

九邊  
攷

平虜當北面之衝而鎮遠關實為外險自

鎮遠關以至火沙溝皆有臺堡相接以斷夷人西行之路正德初  
棄之於外以致夷人出入無忌後於王玘口自河抵山築北門關  
北去平羅四十里 寧夏西長城起自靖遠蘆溝界迤北接賀蘭  
山山迤北接北長城至大河河迤而南逾河而東有東長城長三  
百六十里至定邊界凡周一千一百七十里按朔方志云夏之邊  
左河右山而鎮遠關鎖其交東西長城絡其端誠天險也明巡撫  
楊守禮疏略謂平虜城百七十里有鎮遠關在山河之交最為要  
地南五里故有黑山營西沿山四十里有打磴口東西聯屬烽火  
嚴明賊難輕入弘治前餉缺卒浦關營不守打磴口山水俱從此  
出竟致衝塌迹尚可考正德間大賊奔入或從旁乾闕棗兒溝桃

坡等口入或渡河而過雖有平虜城軍馬不足實難戰守以故於平虜城北十里許自山至沙湖築城東西約五十里盡西又設臨山堡居人始敢樵牧

明陝西邊城增築

洪武初撥綏德衛千戶劉寵屯榆林庄庄北由河套直至黃河千有餘里正統中賊入河套擾邊特敕右府都督王正鎮守始奏築榆林城及沿邊塞堡墩臺以控制之成化七年巡撫王銳奏置榆林衛八年巡撫余子俊築大邊城東自延綏黃甫川北距河西至寧夏紅山堡下至黃河四十里弘治間總制秦鏞築二邊城北為河套東至黃甫川西過乾澗又西過徐斌水又西過青沙峴又西

過靖邊衛又西過花兒岔乃後大邊城至橫城堡側賊復數入總制楊一清西距河東接大邊城築新城凡四十餘里後大邊城清水至定邊營一帶賊復數入總制王瓊南距乾澗乾溝北過定邊又西過花馬池北又西過興武營北接新邊築城二百三十餘里後花馬池定邊營地鹹城壞賊復數入總制唐龍中改築城四十餘里後乾澗乾溝賊復數入總制劉天和北起乾溝南過乾澗接二邊築六十餘里總三百里號新大邊城總制楊守禮初修邊牆四十里以北皆為河套

### 邊市

世宗嘉靖三十年七月延綏鎮巡等官張愚等言本鎮自開國以



來未經開市法宜慎始且東西相距千五百里無邊牆為限雖定  
邊稍有邊牆而地多平漠惟花馬池界在延寧二鎮之中有邊牆  
三百餘里可以為據宜合二鎮同此立市限以日期先後互易總  
督大臣用防秋例駐此以便調度兩鎮撫鎮各帶兵馬分布防禦  
仍乞比照大同事例發給帑銀充用從之部光先奏延寧二鎮互  
市應行事宜六條一議處撫賞一議定市期一處置市貨一議給  
馬價一分定市地一優贍通丁世法錄嘉靖中俺答開市凡十一處  
在延綏者一曰紅山寺堡續文獻通考神宗萬曆時邊市距鎮城之北  
十里許為紅山市又東為神木市又東為黃甫川市皆屬國互市  
處也正月望後擇日開市間一日一市鎮人習蒙古語者持貨往

市有土城不屋陶穴以居或施帳焉其貨則湖茶蘇布草段鹽煙  
不以米不以軍器蒙古之至者則羊絨駝毛狐皮羔皮牛羊兔不  
以馬鎮城及營堡俱有市而沿邊村落亦間有之如黃甫川之杲  
黃坪清水營之尖堡子神木營之紅寺兜清水坪高家堡之豆峪  
萬戶峪建安雙山之大會坪通秦砦金河寺柳樹會西寺子波羅  
迤西之土門子白洛城卧牛城威武清平之石人坪麻葉河鎮清  
之筆架城靖邊寧塞迤西之鐵角城順寧園林驛吳旗營把都永  
濟新安邊迤西之鎖骨朶城張寡婦寺李家寺沙家掌五箇掌者  
是也其稅少止數錢多不過二兩而已各堡之守備把總司之於

春秋兩季解布政司充餉

延綏  
鎮志

邊餉

延綏東起黃甫川西止定邊營邊長地遠為套虜充斥之地考之先朝經略如余子俊楊一清王瓊輩其所建置修築先為蓋設險衛民實保塞至計也然竊有說此中軍士更番入衛疲於奔命而又以地多沙漠種植為難芻糧不充曾不宿飽萬一虜駐魚河糧道險遠鎮城坐困可不為之經理哉議者欲於府谷至葭州由黃河而上造舟轉運以濟清水木瓜孤山等處亦為甚便近雖題行而建置倉庾改徵本色未聞議及皆今日之所宜汲汲者

續文獻通攷

霍韜曰延綏軍士月糧一石折銀四錢成化中米一石價銀二錢

軍士得銀四錢買米二石食烏得不足也今則銀一錢僅買米二升

軍士數口之家日食八升之粟如之何可足也然粟價所以先廉而後厚者何也成化以前邊防嚴固猛將林列故邊地盡耕邊粟自多今則將庸卒弱不堪支持地之出粟者寡人之食粟者衆成化以前鹽引皆輸邊粟故富商自招流民自墾邊地其米價自平而食自足弘治以後鹽引輸銀故富商大賈得輸銀之便而不復開墾邊地粟之所以貴而食之所以不足者殆為此也

圖書編

九邊舊無客兵止有主兵歲輸民運屯鹽足以自給未嘗有兵餉也即余子俊初開榆林衛時增置城砦以民運不繼奏請江南折糧銀以備緩急不過一時之權計也自後軍政不修屯鹽漸廢請發帑金歲以為常嘉靖末延綏一鎮軍餉年例費以二十七萬計

况萬曆以後哉夫以九邊數十萬之衆不耕而仰食於民國家之力幾何而不困也

延綏  
鎮志

今關陝所需皆山西河南所給而三方之地俱近黃河其間雖有三門析津龍門之險然昔漢唐糧餉由此而通即今監船木筏往來無滯且以今戶部所計山西米豆必令運貯榆林及保德州縣諸倉河南米豆必令運貯潼關衛及陝州諸倉其諸州衛地皆瀕河可通舟楫踵往古故跡而行免當今陸運之害公私之利奚啻萬萬也况今河道當潼關之北數十里接連渭河可通陝西及鳳翔鞏昌渭河西流數十里接連洛河可通延安及北上源可通邊堡渭河西流三百餘里接連涇河可通慶陽又龍門之上舊有小

河徑通延綏倘加修濬必可行舟此宜簡命水部之臣示以必行之意相度地形按求古跡某處避險可以陸運某處可立倉以備倒運某處可造船以備裝運淤塞悉加導滌漕河務在疏通毋憚乎一時之勞而失永久之利如是則不但三方之困可紓雖四方之物不無可致矣

明吏部尚書  
倪岳邊漕略

禦邊莫先於足兵募兵莫先於足食而足食之計唯有理河運廣為儲蓄而已若黃甫川清水營木瓜園孤山鎮羗永興六堡則皆近河者也臣舊為岢嵐副使時嘗一通河運以濟偏頭關支儲而晉之興臨保德秦之葭州吳堡舟皆直達於邊近者止隔二三十里遠者不過五六十里如京運間支通倉事例也當時謂臣所舉

出於尋常心思之外咸以為便臣愚謂今日足食以濟府谷一縣  
黃甫川六堡之急計莫有善於此者蓋府谷黃甫川地勢稍南尤  
便於偏頭關耳合無容臣量造運船二三十隻每隻約載五六十  
石一面動發官銀於山西興臨保德各積粟地方易買仍行之彼  
處撫按衙門轉行府州縣官員當念恤鄰之義勿得過糴自便一  
面聽臣行文陝西布政司將撫屬葭州吳堡縣應解本鎮錢糧改  
納本色俱聽臣運赴府谷縣量蓋倉廩收貯以濟一縣六堡之急  
蓋府谷為總會之處去河止隔一里無盤剝之費黃甫川清水營  
止二十五里因而空運及之亦無寇鈔之擾惟孤山去府谷四十  
里鎮羗永興木瓜園去府谷六十里雖跋涉稍遠若乘時放之及

量為運送較之商販不糴至買不出者亦大有間也或者謂船多恐敵緣之而渡貽害河東然造船非自今日始也各處渡口官造渡船甚多民間亦有裝載柴米船隻節年未聞窺伺之者况臣前任岢嵐所造船隻因破此議止堪渡人不堪渡馬群情始釋此現在尤可考者也

明巡撫延綏都御史王遴黃河運道疏

### 鹽法抄

洪武中招商中鹽每鹽一引納銀八分官之征至薄商之獲至厚故鹽價平賤民受其賜永樂間每鹽一引輸邊粟二斗五升商稅雖加邊糧仰足民猶利賴之也永樂中下輸粟於邊之令凡富商大賈於三邊自出財力自招遊民自墾荒田自藝菽粟自築墩臺



自立堡伍田日熟年穀屢豐至天順成化間甘肅寧夏粟石直銀  
二錢而邊以大裕成化中戶部尚書葉淇言商人輸粟二斗五升  
支鹽一引是以銀五分得鹽一引於為利己奏請更其法課輸銀  
於運司銀四錢一分支鹽一引文銀二錢可得粟一石是鹽一引  
得粟二石也以一引之鹽致八倍之獲於國利而銀納運司道近  
而便安是上下交利之道奏可於是商人引鹽悉輸銀於運司彙  
解戶部鹽銀歲驟增至百萬餘兩然輸粟於邊之法既廢西北商  
徙家於淮以便鹽於是田作坐廢墩臺坐頽保伍坐圯遊民日散  
邊地為墟邊儲朽然邊以大困此又安邊足用之長策大弊而不

可復者也

廣治  
平畧

國初招商中益量納糧料實邊不煩轉輸而食自足謂之飛輓後因積納數多價值亦賤興利之臣遂改議上納折色行之既久習以為常彼時改折糧料有餘而價亦賤計以所入為贏利未為不可近來糧料不足而價以騰貴徒煩轉糴邊用索矣大率鹽一引納銀五錢先時可糴米一石今多不過三四斗或二三斗故商人所納數倍於前而國初之所資以餉軍者實則無增於舊彼此虧費其弊益滋是故多得銀不如少得米省糴和之擾也杜侵剋之弊也慰待哺之望也漸墾邊地以致殷富也一舉四善具焉說者又謂曾開納本色召商不至蓋向者上納本色時商自募民耕種塞下而得穀為易又塞下之積甚多而價輕又無戎虜之患今則耕

種廢矣塞下之積虛矣穀價騰湧強虜出沒勢不安居商人安得糧料應召募乎欲復本色非減斗頭利商人使商人趨利而開墾邊地不可也然必遲之四五年而後得其利○河東之鹽惟在天時非苦雨水深而鹽不結則池涸水乾而鹽不生是產鹽之利不易也鹽不易生而課銀不減是以商與竈丁俱困而國與民俱病也且河東之鹽多苦不可食轉之於秦官派之而定其價民出其直而鹽歸於無用是行鹽之地固病之者也嘗按花馬池一帶皆有產鹽之地此鹽出之於土即為鹽根自成為鹽是不必須之於天時者也為今之計莫如改河東之鹽於花馬池一路即移河東西分司居之將河東發陝西鹽引二十二萬有餘約銀之萬餘兩

河套志 卷四  
二  
免其徵派即令商人照河東價銀三錢二分糴買糧草施之平延  
諸郡以供三邊之費扣其銀兩數目即以太倉發陝西年例銀徭  
發山西以補陝西原派鹽課之數如此不更便乎事雖更張實無  
紛亂於國計民生所為裨益者蓋不淺矣况此鹽一開則延平之  
際商賈輻輳齊民貿易雖凶荒猝至可以不患也

圖書編

